

WANTON

NIUSPEPA BILONG OL PAPUA NIUGINI STRET

48 pes

Namba 887

Wik i stat long Fonde 4 Julai, 1991.

40 toea


INSAIT



• Nalau no gat pawa long rausim Lae setelmen-pes 14

• Papa paitim pikinini long ston...pes 2

• Is Sepik gavman... nabait...



• MISPAIA wantaim Telek ...pes 17

RAGBI LICINIUS

• Kumuls bai winim Frans Roosters

• Goroka na Hagen ripot ragbi lig ripot

• Lae Wopa Tigers paia wantaim nupela kosa

• Kimbe ragbi lig tu i gat nem long pilai

NEKS WIK

• Ol Haus na Opis long PNG 12 pes Saplimen

15 yia Is Nu Briten provinsal gavman

Nesenel yut sevis bai kosim K70 milien

Ol bai kisim ami trening na gat pawa bilong kalabusim man

BERNARD MALADINA i raitim

OL PIPEL bilong Papua Niugini bai lusim K70 milien long olgeta yia bilong gavman long ranim Nesenel Sevis Korp.

Dispela em wampela bikpela samting namel long ol las ripot em minista bilong Intaria, Karl Stack i bin givim long kabinet asde. Ripot bilong Stack i sut long tingting bilong statim nesenel sevis korp. Ol bai kisim ol yangpela man husat em krismas bilong ol i stap namel long 15 na 19 yia.

Ripot bilong Stack i bin kam ausait long kabinet, na dispela i no bihainim laik bilong ol primia olsem ol i bin tokaut long kibung bilong ol long Madang. Insait long kibung bilong ol, olgeta primia i bin

oraitim tingting olsem i mas gat moa toktok long dispela samting na gavman i no ken mekim wampela samting bihainim dispela ripot.

Tasol i luk olsem ol samting i stat pinis. Ol yangpela husat i givim nem bai stap insait long 12-pela mun trening wantaim yunifom long ol provins bilong ol. Na ol namba wan hap bilong statim olgeta trening na skul long Niugini ailan, Hailans, Mamose na Papua rijon em long Sogeri (Sentrel), Talasea (Wes Nu Briten), Kaiapit (Morobe), Imonda (Noten) na Henganofi (Isten Hailans).

Olgeta yut husat i no kamap long trening bai kisim taim. Ol bai baim K1,000 na sapos no gat, ol bai go kalabus inap long 12-pela mun. Ol meri i

i go moa long pes 4

Ol setelmen laik kotim Morobe na nesenel gavman

OL pipel bilong ol setelmen long Lae siti i redi nau long kisim nesenel na Morobe provinsal gavman i go long kot.

Tripela man i givim pinis wampela pas i go long Nesenel Kaunsil bilong Eben Setla. Dispela pas i makim ol pipel bilong Faiv Mail, Voko Poin, Wabag na Hagen setelmen.

Ol i givim dispela pas long namba wan de bilong tripela de kibung bilong setelmen em i bin kamap long Mosbi. Ol i salim dispela pas i go long Praim Minista Rabbie Namaliu.

Ol i mekim dispela bikos nupela primia bilong Morobe, Jerry Nalau i rausim ol long setelmen bihainim program em i kolim olsem "Stretim Morobe".

Ol i bin raitim dispela pas long 25 Jun, 1991. Hap bilong dispela pas i tok, "Moa long 73 haus na 500 pipel i kisim taim nau. Bikos buldosa i rausim ol haus bilong mipela. Mipela i no gat hap nau bilong stap."

"Praim Minista, mipela i no inap makim hamas samting mipela i lusim. Na tu wanem kain mekimsave mipela i

bungim nau. Mipela i lusim olgeta samting bilong mipela. Na tu mipela i lusim tu fridom o rait bilong mipela, we i stap insait long mama lo bilong dispela kantri.


"Mipela i kisim tok save 14 de pastaim long ol masin i kam insait. Tasol mipela i painim hat tru long painim narapela hap bilong go na stap. Na tu mipela i no gat inap taim. Olsem na buldosa i kam na rausim ol haus wantaim olgeta samting bilong mipela."

Pas i tok moa olsem, "Dispela i min olsem mipela i mas baim ol


nupela samting bilong kuk kaikai wantaim ol arapela samting olsem klos na laplap. Ol papa i no inap go long wok na bos i katim pe bilong sampela. Ol pikinini i no go long skul.

"Mipela i no gat toilet na wara bilong dring. Bikpela masin i rausim pinis olgeta dispela samting. Mipela i no stap olsem ol pikinini bilong man nau."

Pas i askim sapos Primia Nalau i pait egensim ol pipel o sistem (wanem samting i kamap)?



Mosbi Vipers autim Lae Bombers • Faiv eit bilong Lae Bombers, Ngala Lapan (Namba 6) i laik pinisim takol long winga bilong Mosbi Vipers, Jack Uradok. Vipers i autim Bombers 32-18 long inta siti gem long Mosbi las wiken.



DAIHATSU STRONGPELA

DISPELA DELTA TRAK I GUTPELA LONG OL KAIN ROT BILONG YUMI. LUKIM DISPELA LONG ELA MOTORS NAU!



ELA MOTORS I SAPOTIM YUN JUNG DO



PORT MORESBY 279400 • LAE 423000 • NABAU 921980 • MADANG 827130 • GOROKA 721844 • MT HAGEN 521880 • WISWA 862755
POPONDETTA 797208 • KAVIENG 942132 • KIMBE 925155 • TABUBIL 98880 • VANIMO 871254 • PORGERA 988203

MEMBER OF THE DAIHATSU GROUP OF COMPANIES

Papa paitim pikinini antap long ston kisim 10 yia kalabus

SAM VULUM i raitim

SUPRIM Kot long las wik i bin rausim apil bilong Joseph Tombil husat i kilim pikinini bilong em long 7 Epril, 1989.

Nesanel Kot long Hagen i kalabusim Tombil long 10-peia yia olgeta long kilim pikinini bilong em.

Tasol em i mekim dispela aplikesen long askim kot long rausim dispela sas bilong em na iarim em i kamap fri man gen.

Loya bilong Tombil i tokim kot olsem Tombil i longlong

liklik taim em i kilim pikinini bilong em. Olsem na kot i mas rausim sas bilong em. Em i tok sapos Tombil i no longlong bai em i no inap long kilim pikinini bilong em.

Suprim Kot i skelim gen ol rekot long sas bilong Tombil long Nesanel Kot. Planti ol witnes i tok Tombil i no longlong man taim em i kilim pikinini bilong em. Wanpela witnes tasol i tok Tombil i bin kukim ol haus na mekim sampela longlong pasin bipo.

Tombil i tokim kot olsem em i bin longlong liklik taim em i kilim pikinini bilong em long Koskola viles long

Hagen. Em i bin holim pikinini bilong em long lek bilong em na paitim em antap long ston.

"Long dispela taim, mi pilim bikpela win i pairap long yau bilong mi. Na mi ting dispela win bai paitim mi. Mi laik paitim dispela win long yau bilong mi na mi apim pikinini bilong mi long paitim em long ston. Mi no inap tingim hamas taim mi mekim. Het bilong mi i bin longlong olget," Tombil i tok.

Kot i lukluk tu long ripot bilong dokta long taim Tombil i go long haus sik bihain long em i mekim trabel. Dokta

Charles Bruerd bilong Nazarene haus sik long Kunjip i tok Tombil i bin save long taim, wanem ples em i stap long en na em i ken luk-save long ol man.

Ol dokta i givim sut long em na bihain lusim em i go long ol plisman. Ripot i tok Tombil i no gat sik na taim ol i laik givim marasin long em, em i les. Dispela i min olsem Tombil i gat gupela tingting.

Bikos long dispela, Suprim Kot i rausim apil bilong em na Tombil bai kalabus inap 10-peia yia olsem Nesanel Kot i bin tokaut long en pastaim.

Japan bisnisman raun long Mosbi

MENESING Dairekta bilong Keidanron, wanpela bikpela bisnis grup long Japan bai i kam lukluk raun long Mosbi long dispela mun.

Mista Nukazawa em wanpela mausman bilong bisnis wok long Japan. Na em bai i bungim ol bisnis man-meri na gavman opisal long Embesi bilong Japan. As tingting ya wokabaut bilong em long toktok long bisnis wok namel long Japan na PNG long bihain taim.

Embesi bilong Japan na Mosbi Semba ov Komes i putim mani wantaim long kamapim stretim wokabaut bilong Mista Nukazawa. Na kibung bilong toktok long dispela samting bai i kamap long 12 Julai, stat long 12 klok long apinun (12.00pm).

Keidanron makim ol kain industri olsem maining, ol fektor, tred, fainens, trenspot na planti ol bikpela bisnis ogenaiesen long Japan.

Wok bilong en em long kisim ol kain kain



• Sista Ching Maduma (lephan) na Pater Adam Gudalsky (raithan) bilong INTERAID i sanap wantaim ol fil woka na sampela pikinini. Poto na stori: Alphonse Pu.

OL wokman bilong Westen Hailans Asosiesen bilong ol Disebel bai i mekim wok moa isi liklik wantaim ol disebel manmeri long komyuniti nau.

Bikos 7-pela fil woka bilong ol i pinisim wanpela 6-pela de kos em tupela voluntia saveman bilong Hong Kong grup, Intanesenel Asistens In Developmen (INTERAID) i karimaut.

INTERAID em wanpela ogenaiesen long Ameri-

ka husat i save givim helpim. INTERAID i gat opis tu long Hong Kong na London long Inglen.

Dispela kos long Hagen em namba 113 kos INTERAID i karimaut long 26 kantri. Na ol fil woka husat i stap insait long dispela 6-pela de kos bai i kisim setifiket.

Ol Kokopo plisman statim operesen tude

SAM YAKAM i raitim

OL plisman bilong Kokopo eria long Rabaul bai holim wanpela operesen bilong stapim ol kain raskol pasin nau i save kamap klostu klostu.

Eking provinsal plis komanda, Siev Inspekta Patrick Sammie i tokaut olsem dispela operesen bai stat long tude, Fonde 4 Julai, 1991. Dispela i kamap long wanem moa long 10-pela raskol pasin i bin kamap long Kokopo insait long tupela wik tasol.

"Dispela em i bikpela namba insait long Is Nu Briten long dispela yia. Olsem na operesen ya bai stap inap olgeta bikhet na raskol pasin i pinis," Siev Inspekta Sammie i tok.

Bikpela raskol na bikhet pasin nau i wok long kamap long Kokopo em bilong bagarapim meri, stilim mani na brukim haus wantaim ol stua.

Siev Inspekta Sammie i tok long Mande, 1 Julai, 1991, tupela man i bin go long haus bilong wanpela mama wantaim pikinini meri bilong em na bagarapim dispela yangpela meri husat i gat 16 krismas tasol. Mama na pikinini i bilong Nu Ailan provins.

Sammie i stori olsem dispela tupela

man i bin go kamap long haus, paitim dua na mama i opim dua. Bihain wanpela i kirap na tok olsem em i laik slip wantaim pikinini meri.

Taim mama i tok no gat, tupela i pretim em wantaim naip na bagarapim pikinini meri.

Sammie i stori tu long narapela trabel em 10-pela man i bin kamap long haus bilong menesa bilong RabTrad kampani na askim em long mani. Bihain long em i givim ol K300, ol i ranawe long ka bilong em.

Dispela ka i bin kapsait na planti blut i stap insait long en long Malaguna. Olsem na em i askim tu ol pipel long givim hariap tok save sapos ol i lukim sampela bilong ol dispela man.

Bikpela tok save tu i stap long olgeta haus sik bilong Rabaul na Is Nu Briten long lukluk na sekap gut long ol man husat i gat bagarap long skin bilong ol.

Siev Inspekta Sammie i skruim tok-tok olsem dispela nupela operesen bilong ol plisman long Kokopo nau bai stap bilong traunim ol dispela bikhet pasin. Na long wanem taim ol raskol pasin i pinis, operesen tu bai pinis.

Kot bilong ol setelmen pipel na Nalau i no kamap

KOT namel long gavman bilong Jerry Nalau na ol pipel bilong ol setelmen long Lae i no bin kamap long Tunde, 2 Julai, 1991 olsem ol i bin makim pastaim long en.

Nesanel kot i skruim dispela kot i go long sampela taim bihain taim Jastis Doherty i stap bilong harim kot.

Opisa bilong Nesanel Kot long Lae, Aplina Gabi i tok Jastis Doherty i no stap bilong harim kot bikos em i gat sampela hevi bilong famili long stretim.

Mis Gabi i tok olgeta samting nau i stap long han bilong ol setelmen pipel. Sapos ol i laikim dispela kot long kamap yet, ol i ken salim tok save i kam wantaim loya bilong ol. Tasol Nesanel Kot opis long Lae i no luksave yet long loya bilong ol pipel. Olsem na Mis Gabi i ting ating ol pipel i no gat loya.

Provinsal gavman loya, Tera Dawai i tok wok i stap tu long Nesanel Kot long Mosbi.

"Sapos ol i laikim dispela kot long kamap, ol i mas salim wanpela sas bilong Suprim Kot long go long Lae na harim kot. Sapos no gat, ol i ken bringim dispela kot i kam long Mosbi na harim," em i tok.



MOSBI: Sampela man i bin sutim wanpela man bilong kantri Saina long haus bilong em long Korobosea long las wik Fraide. Ripot i tok dispela man i bin sindaun wantaim sampela wan-tok bilong em i stap ausait long haus long apin-un taim dispela birua i bin kamap. Dispela man i stap nau long haus sik na ol plisman i painim yet ol man husat i bin yusim sotgan long mekim olsem.

LAE: Ol plisman i holim pinis wanpela man em ol i ting i bin stap insait tu long trabel bilong stilim K165,000 long Lae ples balus long mun Februeri, 1987. Ol plisman i bin holim dispela man long Eriku bihain long em i pretim wanpela meri na kisim ki bilong ka. Insait long trabel bilong 1987, planti plisman na opisa tu i bin stap insait long en. Ol plisman i bilip tu olsem dispela man i bin stilim K10,000 long mun Epril bilong dispela yia yet.

HAGEN: Ol wokman bilong Kerebug ples pipia i bin painim bodi bilong wanpela liklik meri insait long wanpela plastik beg. I gat bilip olsem dispela liklik meri i bin dai na stap inap tupela wik olgeta. Ol wokman i bin painim dispela pikinini antap long bikpela ka bilong bungim na bringim ol pipia i go long ples pipia. Bodi bilong dispela liklik meri i stap nau long haus sik. Draiva bilong bikpela pipia ka i tok em i bin lukim wanpela man wantaim meri bilong em i tromoi plastik beg olsem long ka.

RABAUL: Sampela man i bin brukim Malaguna komyuniti skul long Kokopo eria na stilim ol samting em kos bilong ol inap long K300. Ol plisman i wok long painim yet ol man husat i bin mekim dispela trabel.

MADANG: Ol plisman i holim na sasim 47 man bikos ol i bagarapim gaden, haus na paitim nabaut ol pipel bilong Maiwara plantesin ausait tasol long Madang taun. Plis ripot i tok ol arapela lain i bilip olsem ol lain bilong Maiwara i bin wokim posin long wanpela liklik meri na em i dai. Olsem na ol i kamapim trabel. Dispela ol man i bin kamap long kot las wik tasol kot i skruim gen taim bilong harim ol toktok.

WEWAK: Wanpela spakman i bin kisim sotgan na sut nabaut long ol lain husat i kamap long Yawasoro viles bilong danis long las wik Fraide nait. Ol plisman i bin kamap hariap long dispela taim na holim dispela man. Ol i sasim em bikos em i pretim nabaut ol man, meri na pikinini na tu i no gat tok orait pepa bilong karim sotgan.

MOSBI: Foapela man i bin pretim wanpela wokman bilong Johnston Pharmacy long Koki na stilim K2,300 long Sande moning. Ripot i tok dispela 4-pela man i bin yusim wanpela sotgan na tupela pistol long pretim dispela stuakipa na tokim em long opim bokis mani. Bihain ol i ranawe long wanpela ka. Na ol plisman i wok long painimaut yet long dispela samting.

RABAUL: Tupela man i bin kamap long wanpela haus na pretim wanpela mama wantaim pikinini meri bilong em. Na bihain tupela i bagarapim dispela yangpela meri. Birua ya i bin kamap long Torchbell setelmen long Kokopo. Mama na pikinini i bilong Kavieng long Nu Ailan provins. Na yangpela meri ya i gat 16 krismas tasol. Dispela meri wantaim mama bilong em i bin slip long nait taim dispela birua i kamap taim mama i sanap na lukluk tasol i stap.

WEWAK: Tupela yangpela meri husat i stap wantaim ol wantok long Murik kompaun i bin painim birua long han bilong tupela man. Dispela tupela man i bin pretim tupela meri ya wantaim naip na bagarapim ol. Ol plisman i wok long painimaut yet long dispela birua.



• Redi long Sogeri Singsing: Avena Dingel (Iep-han) na Loi Ani bilong Sentrel Is. Tupela I prektis long singsing long Sogeri Singsing long Sarere 13 Julai, 1991.

Pipi bai yusim SRC mani long kot

YUNIVESITI bilong Papua Niugini (UPNG) i givim ken pawa long Studen Representetiv Kaunsil (SRC) long yusim gen mani bilong en long Tras Akaun.

Tasol UPNG i no tokaut yet sapos SRC i kisim bek pawa bilong en long holim ol kibung wantaim ol studen na yusim Konsitusen bilong en. Na tu ol eksekutiv nau bai i no inap long kamap ful memba gen bilong SRC.

UPNG i bin kisim bek ol dispela pawa long 19 Jun, 1991 bihain long ol studen i kukim ol ka, na protes egensim tingting bilong Gavman long apim pe bilong ol memba, na ol bikman pablik seven.

Vais Sensela bilong UPNG, Profesa John Lynch i tokaut olsem em i raitim pinis wanpela pas long bosman bilong mani long yunivesiti long givim dispela mani long ol studen.

Profesa Lynch i no tokaut long hamas mani bai ol i givim long ol SRC eksekutiv. Tasol Presiden bilong SRC, Patterson Pipi i tok mani bai i stap namel long samting olsem K4,000 na K5,000.

Profesa Lynch i mekim dispela bihainim askim bilong loya bilong UPNG, Greg Leahy. Mista Leahy i

makim UPNG long kot namel long SRC Presiden, Patterson Pipi na UPNG autoriti na Stet.

Mista Pipi i kotim UPNG autoriti na Stet bikos em i tok ol i no bihainim Konsitusen, na putim tambu long ol studen long taim bilong straik. Em i tok UPNG autoriti wantaim Stet i no gat rait long stapim ol studen long mekim ol dispela samting.

Nesenel Kot i bin harim kot bilong dispela tripela grup long asde (Trinde). Sas husat i harim kot, Sastis Konilio ToMarum i painimaut olsem ol toktok em Mista Pipi na loya bilong em, Powes Parkop i givim long kot i no stori long ol samting i tru.

Em i tok ol samting insait long kot pepa em ol tok win tasol. Em i tok sapos ol i laikim kot long mekim gutpela tingting bilong en, ol i givim stret ol stori bilong ol samting ol i lukim i kamap na i no ol samting ol i ting i kamap.

Na tu em i tok ol lain husat Mista Pipi i kotim i mas gat sans long lukim ol dispela stori, bai ol i redim gut gutpela bekim long taim bilong kot. Na bihain bai em yet i skelim na painimaut husat i winim kot.

Is Sepik gavman opis i stap nambaut

DOMINIC KAKAS i raitim

GAVMAN i mas painim KI 5 milien long wokim ken Is Sepik provinsal gavman opis long Wewak.

Dispela mani bai i karamapim haus yet, ol sia, tebol, kabot na ol narapela samting bilong yusim long opis.

Provinsal Edministreta, Florian Mambu tok ol i askim pinis nesenel gavman, na i wet tasol long bekim.

Tasol em i tok long dispela taim nau ol provinsal gavman dipatmen na divisen nau i wok insait long ol kain kain opis. Edministreta wantaim ol wokman bilong em nau i wok long wanpela opis spes klostu long haus bilong edministreta. Edukesen divisen i yusim opis long Vally Lane na Forestri divisen i wok nau long haus bilong provinsal fores seketeri.

Provinsal na Hom Afeas divisen i wok insait long provinsal asembli haus. Agrikalsa divisen i yusim

opis klostu long Prince Charles pilai graun, na Woks divisen i wok long opis klostu long Wewak plis stesin.

Mista Mambu i tok bikos ol i stap long kain kain hap nau, em i mekim wok i hat namel long ol yet na tu long pablik. Em i tok dispela nupela ples bilong wok nau i yusim pinis klostu olsem K50,000.

Ol i yusim dispela mani long baim ol tebol, sia, pepa, pen na ol narapela kain kain samting bilong opis, toilet, na tu pe bilong baim opis.

Em i tok taim em i kamap olsem provinsal seketeri, bikipela tingting bilong em, em long kamapim plen bilong provins, na go het long painimaut long ol kain paul pasin i bin kamap long provinsal gavman.

"Mipela i raitim pinis dispela plen. Na bai i kamap insait long 5-pela yia. Kopi bilong dispela plen nau i raun long olgeta opis long ol divisen long lukim, na autim tingting bilong ol long en," em i tok.

Ol primia i no laikim wanpela man tasol long ranim provinsal gavman

BIKPELA kibung bilong ol primia long Madang las wik klostu i laik bagarap taim ol primia i tokaut long lusim ples bilong kibung. Dispela em long taim ol i bungim Praim Minista Rabbie Namaliu.

Ol primia i laikim Rabbie Namaliu long tokaut stret olsem gavman bilong em i no inap sapotim ripot na tingting bilong wanem samting i stap insait long ripot, em Hesingut komiti i givim long wok bilong provinsal gavman.

Sampela sinia gavman opisa husat i bin stap long kibung i tok Praim Minista Namaliu i bin tokim tasol ol primia olsem pastaim long kabinet i autim tingting bilong em long ripot, ol bai i glasim gut tu tingting bilong ol primia.

Em i tokim tu ol primia olsem Hesingut komiti i kamap long maus bilong nesenel palamen. Na tu gavman bilong em i no gat pawa bilong rausim ol provinsal gavman.

Primia bilong Manus, Stephen Pokawin i go pas long wanpela komiti bilong ol primia long lukluk gen long dispela ripot bilong provinsal gavman. Em bai i bungim memba bilong Finsafen, na siaman bilong palamen komiti i skelim wok bilong ol provinsal gavman; Henu Hesingut.


Ol Kotuni askim long K140,000 kompensesen mani

FAMILI bilong 7-pela pipel husat i bin dai long Hailans haiwe i kamap long Westen Hailans provinsal hetkwata, na i lainim 7-pela bokis bilong daiman ausait long opisal ples bilong stapim ol ka. Dispela i bin kamap long Tunde 25 Jun, 1991.

Sispela bilong ol dispela bokis bilong daiman i bikipela, na wanpela i liklik. Ol i mekim olsem bikos tupela wik i go pinis, 7-pela man bilong Kotuni klostu long Goroka i dai. Dispela em long taim liklik bas ol i ran

i go moa long pes 4

Calculators



ALU SIGNS

PTY LTD
PO BOX 7081, BOROKO PH: 25 4800
STORE: NEAR BOROKO POLICE STATION

FRI BAIBEL KOS YU KEN KISIM SKUL LONG SALIM PAS

Salim nem na edres long: WORLD BIBLE SCHOOL, Dept. VD22, P.O. Box 9346, Austin, TX 78766 USA

TOR

TAIM BILONG TORO LONG AUTIM GUT NILIS LONG LOTU NA OLGETA MANMERI GO HARIM...

NAU TORO TOKTOK...

YUPELA SANE LONG WANEM KAIN TOKTOK BAI MI AUTIM?

YES! YES! YES! YES!

OLGETA TOK YES...

OKE! Sapos YUPELA SANE PINIS LONG WANEM SAMTING MI LAIK TOKTOK LONG EN... LONG WANEM NA BAI MI TOKTOK... LOTU PINIS YUPELA GO!

NARAPELA SANDE GEN NA OLGETA GO NA TORO MEKIM WANKAIN TOKTOK OLSEM LAS WIK...

YUPELA SANE LONG WANEM KAIN TOKTOK BAI MI AUTIM, TUDE?

NOGAT! NOGAT! NOGAT! NOGAT!

NAU OLGETA TOK NOGAT...

HAI! Sapos SANE LONG WANEM NA BAI MI TOKIM YUPELA, A? KAMON, YUPELA GO NAKI!! LOTU PINIS!

NAU OLGETA GO...

NAU OL MANMERI PASIM TOK NA OL IGO LOTU LONG NARAPELA SANDE... TOKO AUTIM WANKAIN TOK...

...YES! OL GUTPELA MANMERI... YUPELA SANE LONG WANEM TOK TOK BAI MI AUTIM?

YES! YES! YES! YES!

SAMPELA TOK YES, SAMPELA TOK NOGAT.

TASOL TOKO I KUSAI STRET LONG OL...

OKE!... HUSAT MANMERI LONG HARAI I TOK YESA, MAS TOKIM OL MANMERI HARAI I TOK NOGAT, LONG WANEM TOK TOK BAI MI AUTIM, TUDE! TOKIM OL, HARIAP!!

NOGAT MANMERI IGO LOTU LONG NARAPELA SANDE TORO TASOL

WANTOK

NIUSPEPA BILONG OL PAPA NIUGINI STRET

Nau em taim bilong nesenel gavman

KAIN KAIN toktok i kamap nau long hevi bilong ol pipel bilong setelmen long Lae. Ripot i kamap na soim olsem kot bilong ol wantaim Morobe provinsal gavman i no kamap bikos Jastis bilong harim kot i no stap.

Na nau stori i kamap olsem dispela kot bai i no inap kamap. No gat wanpela man i save gut sapos ol pipel bilong setelmen i gat loya bilong ol o no gat. Dispela kain pasin i no gutpela.

Pas em ol pipel bilong ol setelmen long Lae siti i raitim i go long Praim Minista Rabbie Namaliu i karim tarangu stori wantaim. Na gutpela Praim Minista bilong mipela i mas glasim dispela hevi olsem wanpela trupela man bilong Papua Niugini yet. Na tingim tu olsem olgeta lo na tingting bilong gutpela kantri i mas bihainim kristen bilip na pasin.

Dispela ol pipel i lusim samting bilong ol. I i no gat haus, gutpela wara na toilet. Planti papa i lusim wok na bos i katim hap mani bilong ol. Dispela kain pasin i no gutpela.

I gat sampela bikpela askim i stap. Dispela ol samting em Morobe provinsal gavman i mekim i bihainim tru mama lo bilong kantri o no gat? Em i tingim wanpela bikpela as tingting bilong mama lo tu o no gat? Olsem na pastaim long wanem samting i kamap gen, nau em i taim bilong nesenel gavman long kam insait na helpim ol pipel tru bilong em.

77 Wes Irian ranawe long Sandaun

MOA long 77 meri na pikinini bilong Wes Irian long ol refuji kem insait long Sandaun i stap nau long Westen provins.

Ol dispela lain meri na pikinini i bin lusim Amanab na Grin Riva kem. Bikos atoriti bilong provins i rausim ol. Ol man bilong ol i bin raun long bus i stap na kam bek painim

olsem ol meri pikinini i go pinis long Westen provins. Ol i askim gavman long salim ol meri pikinini bilong ol i go bek long ol Saundau provins, na painim rot long salim ol i go bek long Wes Irian.

Ol meri na pikinini long Drimdamasuk eria klostu long Kiunga taun i wok long kisim helpim bilong Yunaitet Nesen

Hai Komisina ov Refuji (UNHCR) wantaim kaika' na ol arapela samting. Long Tunde UNHCR i redim ol gavman ka bilong kisim ol meri, na pikinini i go bek long Wes Sepik provins na bihain i go bek long Wes Irian.

Tasol ol meri bilong ol long Westen provins kem long Drimdamasuk i no laik go bek. Ol

i tok ol i amamas long stap long hap. Ol i tok ol i save olsem ol pipel bilong Pare i kros na ol i amamas long stap long Drimdamasuk kem.

Tasol long dispela taim nau i gat bikpela tok kros, i kamap namel long ol asples Is Awin na Pare pipel long graun nau, kem i stap long en.

Mausman bilong Pare pipel, Pasto David Kayahe i tok nau yet

em namba wan taim bilong ol pipel bilong em long kam aut na toktok long bel hevi bilong ol. Pasta Kayahe i tok planti taim i go pinis ol pipel bilong Pare i no stap insait long wanpela kibung bilong ol toktok long Is Awin Kem.

Pasto Kayahe i tok ol pipel bilong em i laikim bai gavman i mas makim wanpela opisa long lukluk insait long hevi bilong ol.

Goroka stap isi nau

WOK bilong nupela Provinsal Plis Komanda i kamapim bikpela tenis long hevi bilong lo na oda long Isten Hailans provins.

Bihain long nupela plis komanda Backley larume i kisim wok 4-pela mun i go pinis, ol bikhet pasin i wok long pundaun i kam daun.

Wanpela lida bilong ples long Goroka i tok amamas i go long gutpela wok bilong Backley larume, na i askim ol arapela viles lida long givim sapot bilong ol long wok bilong em.

Wok bilong plis nau i daunim planti bikhet pasin namel long ol yangpela. Olsem na ol i askim Mista larume long go insait long ol ples na mekim save long bikhet man husat i wok long kamapim tabel insait long ol ples.

Ol Kotuni askim long K140,000 kompensesen mani

i kam long pes 3

long en i pam wantaim wanpela bikpela ka, long wanpela wan we bris.

Ol Kotuni famili i pulapim sampela ka na kamap long Hagen taun. Ol i askim famili bilong draiva husat i pamim 7-pela man ya long baim K20,000 long wan wan bodi.

Ol i wet i go nogat na penim ol yet wantaim retpela graun, na karim 7-pela bokis bilong daiman go long hetkwata bilong Westen Hailans provins.

Memba bilong Goroka na Plis Minista, Math-

ias Ijape i stap tu long dispela taim, na i kolim bel bilong ol Kotuni pipel.

Ol Kotuni i makim olsem famili bilong i mas baim K140,000 bipo long Desemba 1, 1991.

Ol i go bek long Goroka wantaim K3,700 mani tasol, olsem bilong kolim bel bilong ol.

Hia em 7-pela bokis bilong daiman i lain ausait long opis bilong Westen Hailans primia, Lucas Roika long las wik Tunde. Poto Riggo Nangan.



• Painim bodi long wara: Ol wokman i rausim bodi bilong tupela man em ol i bilip ol semu ti fos i kilim, na haitim long raun wara. Ol i painim 25 bodi olgeta long dispela raun wara long kantri Togo insait long Saut Afrika. Dispela em bihain long sampela bikpela protes i bin kamap egensim gavman long Epril, 1991.

WANTOK

NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIAZ WANPELA MINISTA I GO RAUN LONG OPIS BILONG BIABIA...



TASOL BIABIA I BISI TRU NA LES LONG LUKIM OL MAN... EM BIKMAUS LONG KUSKUS BILONG EM...



TASOL BIABIA I NO SAVE... NAU KUSKUS BILONG EM I KAM INSAIT NA TOKSAVE LONG BIABIA...



TASOL I TAIM EM LUKIM MINISTA... EM GURIA NA TANIM OLSEM KAKARUK... MISTA MINISTA, SE!! EKSEP MAI APOLOJIS... MI.. MI...



Nesenel yut sevis kosim K70 milien

i kam long pes 1

ken joinim sevis korp long laik bilong ol yet.

Gavman bilong kantri Jemani (husat i gat opis long Mosbi) i tokaut pinis long sapotim dispela projek. Ol bai givim fri planti tausen yunifom bilong yusim, ol redio na ka bilong helpim ol yut long dispela trening program.

Poro bilong Stack na minista bilong Sivil Eviesen, Sir Hugo Berghuser i stap nau long wanpela limlimbur long Wes Jemani. Na em bai toktok wantaim wanpela grup, Bonn bilong stretim rot bilong salim ol dispela samting i kam long Papua Niugini.

Insait long ol ripot bilong em long nesenel sevis korp pastaim, Stack i bin tokaut olsem ol yangpela bai i no inap long kisim dispela kain trening olsem bilong ol ami. Tasol dispela i no tru. Bikos insait long ripot bilong em i go long kabinet, em i laikim tu olsem ol opisa i mas karim ol strongpela samting bilong pait na ol i mas gat pawa tu bilong kalabusim ol man olsem ol plisman.

Baset bilong baim ol samting bilong pait bihainim ripot bilong minista i stap long mak bilong K600,000 namel long 1992 na 1993. Tasol dis-

pela mak bai kalap i go antap long K800,000 long 1994. Dispela em mak bilong baim tasol ol samting bilong pait bilong ol opisa long karim raun.

Pastaim long kibung bilong kabinet asde, minista Stack i tok strong olsem ol yut i no inap kisim skul long pasin bilong karim na yusim ol strongpela samting bilong pait. Tasol i tru olsem ol bai stap aninit long lukaut bilong ol olupela ami na plis opisa.

Wanpela olupela kenel bilong PNGDF na mausman bilong nesenel sevis korp, Ian Glanville i kisim wok nau olsem Brigida Jenerel. Ol narapela memba bilong Glanville em Kenel Kwago Guria (Sauten); Kenel Mineva Pohonu (Hailans); Stuart Preistly (administresen dairekta) na Gus Schweinfurth (operesens dairekta).

Ol i bin makim olgeta opisa long las mun na dispela ol lain i kam aninit long kontrak bilong gavman. Ol i no makim yet ol opisa bilong ailan na noten rijon.

Ol yut long sevis bai helpim long ol kain wok olsem long sapotim plis long pasim ol bikpela pait.



□ LAPUN Bukawa i save wok long wanpela waitman long Wau. Wanpela taim em i kam bihain tru long taim bilong wok na waitman i askim em, "Where have you been?" Na lapun Bukawa i kirap bekim, "Sori masta, no gat bin long maket."

Regina s. Tagwi,
Angoram Sevis Kem,
Angoram Distrik, E.S.P.

□ KEFIU long Hagen na ol plisman bungim wanpela meri Simbu long rot. Ol kism em i go long plis stesin na wanpela Total plisman i askim em. "Yu bilong wanem hap?" Meri Simbu i bekim, "Rabaul..ee" Plisman i askim gen, "Wanem liklik ples bilong yu?" Meri i bekim, "Kopex..ee" Na plisman i belhat na askim gen, "Na wanem tok ples bilong yu?" Meri Simbu i kirap na laik bekim, "Alee..ee" tasol no gat hat bilong boi Total i pas pinis long maus bilong em na kism meri Simbu i go long rumgad.

Justin Navi & Robin Munare,
Hagen, Westen Hailans.

□ TUPELA nupela marit bilong Arowe i gat nupela pikinini. Na tupela i wok long painim nem bilong givim long pikinini meri ya. I no longtaim Kanage i kamap na kolim nem Maria. Tasol mama bilong pikinini i bekim, "No gat, dispela em nem bilong susa tru bilong mi. Nogut em bikpela na pamuk nabaut na bagarapim nem bilong gutpela susa." Olsem na Kanage, i kolim nem Stella. Tasol man Arowe i bekim, "No gat dispela em nem bilong prenmeri bilong mi ya. Nogut dispela nem tu i bagarap." Kanage harim na kalap i go ausait long windo. I no longtaim, em i harim man Arowe i singaut na ron wantaim pes solap i kam ausait, bikos meri i hamaim em pinis long hap sospen.

Ben Jimex & P. Kila,
Aurox, Wewak.

□ PRENMER! bilong Kanage tokim em long go wet long Jacksons ples balus long 6 klok apinun. Tasol Kanage kirap long 5 klok moning wantaim hap spak bilong asde nait i stap yet na go long ples balus. Boi wet i go inap long apinun na pekpek kilim em. Kanage i go long sekyuriti na askim em, "Excuse me sir, can I borrow your toilet?" Sekyuriti kirap na tokim em, "Stop playing up, man." Tasol Kanage i bekim, "Hey bras, I am not playing up. I'm playing down." Sekyuriti kirap givim gutwan long bros bilong Kanage na olgeta pekpek i kapsait.

Ben Sano,
Gordens Haiskul,
Nesenel Kapitel Distrik

Ol Bumbu setelmen pipel i no amamas long ol papa graun na NHC

SAM VULUM i raitim

SAMTING olsem 13,000 manmeri bilong Bumbu setelmen long Lae i no amamas long tok orait em ol papa bilong graun na Nesenel Hausing Kopresen (NHC) i sainim long graun em ol i stap long en.

Long wanpela pas i go long National Council of Urban Settler (NCUS), ol i tok NHC i mekim planti toktok tru long stretim sindaun bilong ol manmeri long setelmen. Na dispela bai kamap wantaim helpim bilong ol papa graun.

NHC i stat pinis long stretim rot i go insait long setelmen, putim ol paip bilong wara na ol bikpela tep. Dispela i kamap aninit long namba wan hap bilong NHC na namba tu i stap

yet.

Tasol ol setla i tok NHC i wok klostu moa wantaim ol papa graun na i no ol setla yet. Ol setla i no gat ol gutpela mausman i stap long taim NHC na ol papa graun i sainim tok orait.

Pas i tok NHC na ol papa graun i no bekim gut askim bilong ol setla. Na tu taim bilong kibung i sot tru na i no gat gutpela ples bilong holim kibung. Ol setla i stap long taim bilong sainim tok orait em ol lapun man husat i no gat gutpela save long wanem samting i kamap.

Ol setla i laikim ol maus man husat i gat save bai i ken skelim gut dispela tok orait.

Husat i skelim dispela tok orait bai i no ken bihainim tingting na laik bilong ol papa graun.

Kimbe plisman kotim man Saina long vidio muvi nogut

OL PLISMAN bilong Kimbe i bin sasim pinis wanpela man Saina long haitim tripela vidio muvi nogut insait long haus bilong em. Ol plisman i bin holim dispela man long Tunde, 2 Julai, 1991.

Provinsal plis komanda (PPC), Siev Inspekta Simon Kauba i tok long 10 klok nait long Tunde, ol plisman i bin sekim haus bilong dispela man na painim ol dispela vidio. Lo bilong kantri i no oraitim ol dispela kain vidio muvi.

Dispela man em Steven Chee Sang Lui husat i gat 26 krismas na i no marit yet. Dispela man em menesa bilong Spirit of West New Britain stua long Kimbe.

Steven i bin baim K200 na i kam stap ausait wetim kot bilong em. Kot bilong em i bin kamap long Trinde na mejistret Vincent Linge i painim olsem Steven i asua long holim ol dispela vidio nogut.

Kot i givim em inap long tude, Fonde 4 Julai apinun long baim K1,000. Sapos no gat, em bai go kalabus inap long 8-pela wik olgeta.

Win na ren bagarapim haus kaunsil bilong Aitape

LIKLIK ren na win i bin pundaun long Aitape, Sandaun provins las yia. Sampela samting i bin bagarap. Na namel long ol em opis bilong Siau Lokal Gavman Kaunsil Semba.

Diwai i sanap arere tasol long opis i bin pundaun antap long sait bilong opis na bagarapim kapa. Na long dispela taim i kam inap nau, no gat wanpela samting i bin kamap bilong stretim dispela opis.

Na i no ol kaunsil tasol i save yusim dispela haus long holim ol kibung bilong ol.



• Diwai i bagarapim kapa bilong Siau Lokal Gavman Kaunsil Samba opis long 1990.

K13,000 i lus long Bromley na Menton gen long Enga

TUPELA man i haitim pes na go insait stilim K13,000 bilong Bromley na Menton supamakot stua long Wabag, Enga provins.

Tupela i bin stilim tu planti arapela klos na kaikai long stua. Dispela trabel i bin kamap long bikmoning long Sande. Ol plisman bilong Wabag i bilip olsem tupela sekyuriti gad i save long dispela trabel na holim pasim ol pinis.

Dispela em i namba tu taim bilong dispela kain bikpela stil pasin long kamap long stua ya. Long las mun tasol, kompani i bin lusim K58,000. Na long narapela birua, paia i bin kukim tu bakstua bilong em long Wapenamanda.

Taim stua i bin pas long Sarere, ol i lokim tupela sekyuriti gad insait olsem ol i save mekim olgeta taim.

Ripot bilong ol papa graun i laik pasim Hoskins ples balus i no tru

OL pipel husat i laik pasim Hoskins ples balus i no ol papa tru bilong graun.

Nupela provinsal Komes minista na memba bilong Wes Nakanai, Herman Sahale i go pas long dispela grup. Na ol i givim nesenel gavman tupela wik long baim K12 milien kompensesen, stat long las Fraide na bai pinis long neks wik.

Tasol ol ripot i tokaut olsem ol papa tru bilong graun i laik bihainim gutpela rot bilong toktok na stretim hevi. Dispela em ol lain bilong Kuru Kuru na Waholuholu wan pisin. Dispela grup i karamapim 10-pela haus lain olgeta. Lida bilong ol, Hura Mondo na Mou Ivu i tok loya bilong ol nau i toktok wantaim gavman long stretim dispela hevi.

Ol dispela tenpela haus lain i bin tok orait long mun Epril, 1989 olsem Monda bai go pas long olgeta toktok long hevi bilong ples balus.

Ol memba bilong grup i laik pasim ples balus em ol yangpela man husat i no skelim gut hevi.

Ami bilong Japan i bin wokim dispela ples balus long namba tu Wol Woa.

Papua Niugini Nesenel Ileksen, Me-Jun, 1992

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.


Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

Tingim gut, ol gutpela lida i kamap long stretpela vot

TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektorel rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa



Authorised by
Reuben Kaiulo,
Electoral
Commissioner Papua
New Guinea

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektorel Opis, Distrik Menesa o Opisa-In-Sas long hap bilong yu.

Tingim ... lo i tok olsem olgeta Papua Niugini man na meri i mas givim nem bilong vot.

OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektorel Opis i stap klostu long hap bilong yu na pulimapim wanpela fom bilong vot nau!

Tingim gut, givim nem nau! Olsem bai yu gen vot long 1992 ileksen.

MAN I SAVE TOKTOK

"Wantaim mani nogut bilong dispela graun, yupela i mas mekim ol manmeri i kamap pren bilong yupela." (L 16:9)



FRANK MIHALIC i raitim

LONG neks taim wanpela wan kina bras mani i kamap long han bilong yu, yu holim em inap liklik taim na yu lukim em gut, na yu larim em i stori long yu. Aing em i bin raun long planti ples na i bin stap insait long planti kain han na i bin mekim planti kain wok.

Ating kina ya i bin kamap long han bilong wanpela wokman i bin taitim bun tru long sapotim famili bilong em. Ating em i bin baim skul fi bilong ol pikinini bilong em, na nau ol i sindaun gut long skul.

Ating wanpela gridi maniman i bin holim strong tru narapela wan kina mani. Em i bin krungutim em insait long han na pinga bilong em. Dispela mani i mumutim ol wan kina mani na i

haitim i stap.

Narapela wan kina i stap insait long naispela pinga bilong wanpela yangpela meri i marit nupela. Ol i bin presen long em long wan kina wan kina. Nau em i amamas na i baim sampela bilas bilong haus.

Narapela wan kina i bin sevima laip bilong wanpela man. Long wanem, em i bin baim wok bilong wanpela dokta.

Tasol, sore, narapela kina i bin kamap tu long han bilong dokta, olsem fi bilong kilim i dai pikinini insait long bel bilong meri.

Wanpela kina i bin baim strongpela dring na i bin mekim wanpela man i spak nogut tru, na em i pundaun i stap long graun.

Na wanpela kina i doti na i gat

wara bilong tuhat i stap long en. Em i bin winim kumu na kaukau. Em i lus long maket.

Mani em i bikipela samting long laip bilong yumi olgeta. Tasol i gat planti kain samting yumi no inap baim long mani. Mani i no inap baim helt bilong yumi. Mani i no save mekim yumi i gutpela o klinpela o holi. Mani i no inap baim heven.

Tasol mani em inap winim planti pren. Olsem Jisas yet i bin tok: "Wantaim mani nogut bilong dispela graun, yupela i mas mekim ol manmeri i kamap pren bilong yu." Na dispela i no wantok sistem tasol. Sapos yumi givim mani bilong yumi bilong helpim ol trangu na ol rabisman, na yumi baim dokta o skul fi, o yumi helpim wok bilong God ...

ol dispela mani bai i kam bek long yumi long las de.

Long ston antap long matmat bilong wanpela lapun, ol i bin raitim tingting bilong em yet long ol mani bilong em. Daiman i tok olsem:

"Olgeta mani mi spendim pinis, em i no moa stap.

Olgeta mani mi holim, em i lus pinis.

Olgeta mani mi givim pinis, em i stap yet."

Nau mi laik holim wanpela twenti toea mani bras na larim em i stori long mi. Em i tok olsem: "Mi wanpela liklik twenti toea tasol. Mi no inap long baim wanpela Pepsi. Mi no inap baim wanpela niuspepa o wanpela Kembris. Mi no inap baim get

bilong wanpela pilai ragbi. Mi no inap baim wanpela bairo o wanpela debuk o wanpela popo long maket. Mi liklik mani tru.

Tasol long taim ol i tromoim mi insait long basket bilong bungim mani long haus lotu, man, mi bikipela samting tru! Nabaut long mi i gat planti repela toea tasol i stap. Mi wanpela mi win."

Kas bilong yu, twenti toea!

Pater Sal i dai wantaim bel isi

PLANTI man i save long Pater Salvator Dougherty bai i ken tingim olsem ol i save kolim em Pater Sal.

Pater Salvator o Sal i wanpela man husat i mekim bikipela wok tru long stretim sindaun bilong planti man na kamapim gutpela sindaun na wok bung wantaim.



• Peter Salvator OFM i givim setifiket long Josephat Makail, na Sista Therese i lukluk i stap.

Pater Salvator Dougherty OFM i dai long Aitape long 2 klok long 27 Jun, 1991. Em i bin dain bihain long bikipela sik. Ol dokta i bin glasim em long Desemba las yia na painimaut olsem kru bilong em i no wok gut. Dokta i tokim em olsem bai em i ken stap laip yet inap long tripela mun. Tasol em i bin stap laip longpela taim moa long dispela taim ol i makim long em.

Mama i bin karim em long Auckland long Nu Silan long 20 Mas, 1930. Em i joinim Oda bilong Franciscan misineri long Australia long 16 Februari, 1950. Na em i kamap olsem pater long 18 Mas, 1959.

Em i wok long ol misin olsem Vanimo, Yanungen na Aitape. Taim em i wok long Yanungen i stap, em i statim wanpela komyuniti skul. Em i wokim tu wanpela ples balus.

Em i holim wok olsem Daiosisen Edukesen Seketeri bilong Aitape long 1968 inap long 1974. Em i wanpela olpela memba bilong Provinsal Edukesen Bod tu bilong Wes Sepik provins. Na tu wok olsem memba bilong Aitape haikul na Sen Ingastius haikul. Em i wok olsem ekting siaman tu bilong Provinsal Plening komiti bilong Provinsal Edukesen Bod long 1970 inap long 1976.

Em i wanpela long ol man husat i statim Kaindi Tisa Koles long Wewak na wok olsem wanpela komiti memba bilong Drafting komiti bilong Nesenel Edukesen Ekt, na tu Nesenel Tising Sevis Ekt bilong PNG. Em i kamap Asisten Nesenel Katolik Edukesen Seketeri long Mosbi long 1976 inap long 1981. Na em i bin trenim namba wan seketeri bilong PNG yet.

Em i statim PNG Katolik Tisa Asosiesen, PNG Katolik Nes Asosiesen na tu em i givim bikipela helpim long statim PNG Katolik Wimens Federe-sen.

Pater Sal i statim tu Sen Martin Pastorel senta na Sosel Trening senta long Aitape. Aninit long lukaut bilong em, Santu Matin Pastorel senta i kamapim planti ol gutpela wokman na meri. Na planti manmeri i bin toktok long wok bilong em. Senta i givim kos long ol lokal sios lida, kounsii, mejjstret na ol memba bilong provinsal asembli.

Long 1983 inap long 1990, em i ranim ol kos long Integrel Humen Developmen (HID) o skul bilong kirapim na strongim ol man. Em i ranim dispela kos long ol wokman bilong sios na gavman wantaim.

Planti ol manmeri husat i greduet long dispela hap nau i wok nabaut wantaim gavman na ol sios insait long kantri. Dispela wanpela kos em i givim tu long ol tisa bilong Korektiv Institusen Sevis long Bomana, Mosbi.

Maski em i pilim sik nogut tru, em i go het long wok. Bodi bilong em i solap long marasin em i kisim. Long dispela taim em i go long Rabaul long Mas bilong dispela yia long HID kos bilong ol bisop na pater. Long dispela taim, sik i bagarapim em olgeta. Em i givim skul tasol long wanpela aua na bihain em i go malolo. Em i go het tu long tis long Sen Martins Pastorel senta.

Ol Buang long Lae bai holim namba tri bung

BUANG grup bilong Luteran Sios long Lae bai bungim ofa mani i go long strongim wok sios long dispela wik Sande, 7 Julai, 1991.

Dispela bai i namba tri taim bilong givim dispela ofa we ol Buang seket insait long Luteran sios i save kamapim. Namba wan taim i bin kamap long 22 Jun, 1989 na namba tu taim long 24 Jun, 1990.

Mausman bilong Buang grup long Lae, Skai Kalo i tok moa long 2,000 manmeri bai bung long dispela Sande. Dispela bung bai kamap long Boawalu kem long Kamkumu.

Skai Kalo i tok olgeta grup bilong Buang insait long Lae bai bringim

mani bilong ol i kam. Dispela mani i bilong helpim wok misin bilong ol Buang komyuniti long Lae yet. Dispela mani tu bai was long harim wanem kain singaut i kam long sios na tu long ples.

Skai Kalo i tok bihain long dispela bung Buang komyuniti bai traim long wokim wanpela komyuniti haus long Boawalu. Em i tok wok i no stat yet tasol ol bai statim bihain long dispela namba tri bung.

Em i tok ol arapela Buang grup long Mosbi, Hagen, Mumeng na Buang asples yet bai kamap long dispela bung. Ol arapela memba long Lae siti tu bai kamap.

Wes Nu Briten Vartabar bungim K16,000

MOA long 3,000 Yunaited Sios manmeri long Wes Nu Briten i bin holim bikipela Vartabar bilong ol long las wiken.


Vartabar i nem bilong wanpela bikipela bung bilong ol Yunaited Sios manmeri bilong Is na Wes Nu Briten. Long dispela bung ol i putim mani wantaim long helpim Sios. Ol i holim dispela bikipela bung bilong ol long Galilo viles.

Ol Yunaited sios manmeri long Wes Nu Briten yet na tu ol narapela i stap long ol narapela provins i kamap long dispela bung. Samting

olsem 20 manmeri bilong Bialla na Hoskins i save stap long Mosbi i bin kamap tu long bung.

Minista bilong Minerels na Eneji, Patterson Lowa i go pas long dispela grup. Insait long grup tu em Seketeri bilong Dipatmen bilong Praim Minista Brown Bai, na Asisten Seketeri bilong Foren Afeas, Sebulon Kulu.

Ol dispela lain i bungim K670 wantaim kwaia na singsing tumbuna. Dispela mani i wantaim mani ol narapela grup i bungim i kamap olsem K16,011.90 olgeta.



Helpim mani • Ekting namba tu Praim Minista, Akoka Do i givim K50,000 long Anglican Bisop, Aisak Gadebo. Dispela mani i bilong mekim ol wok redi long amamasim senteneri bilong Anglican Sios long PNG

CALLING ALL BANDS


Mipela salim samting bilong Musik...

- Emplifaia
- Spika
- Miksa
- Dram
- Dibot
- Maut ogen

- Let bilong Gita
- Skin bilong Dram
- Ol Songbuk na Kodbuk
- Mekim Piarap bilong gita nating olsem pawa gita wantaim

Pick-up bilong gita K33.50 tasol


Rook's Radio, P.O. Box 191, Lae, PNG. Telipon: 42 4616



Bateri Emplifaia bilong Gita LID na BEIS K160.00 tasol Post Nating.



Winfield Kumuls



PAPUA NEW GUINEA
V
FRANCE

SUNDAY 7TH JULY
3 PM
GOROKA

Maunten bilong Pinatubo i pairap bikos ol god i no amamas long ol pipel

PINATUBO maunten long Filipin Alan i paia na bagarapim ol haus na samting bilong ol manmeri.

Dispela maunten em,

ol manmeri bilong Aeta long Filipin i save bilip olsem em ples nogut. Ol i tok i gat man i lukautim dispela maunten olsem na ol i no

save katim diwai o bagarapim dispela maunten.

Niusman Donald Goertjen i tok taim kampani i kam katim diwai na painim gol na kopa long dispela maunten long 1989, hevi i bin stat long dispela taim.

Bikpela maunten i save pairap na kamapim bikpela gurua na ronim olgeta manmeri i stap long dispela hap i kamdaun.



Ripota ya i tok i save gat moa long 82,000 manmeri i stap long maunten Pinatubo long taim bilong tumbuna.

Ol manmeri i bin go long dispela ha taim ples i bin drai. Wapela dok i bin kam bungim ol long dispela taim. Skin bilong em i gat wara wantaim. Ol i bihainim dok ya i go na painim dispela maunten wantaim wara na ol i ting em i gutpela ples bilong ol long stap na wokim haus. Olsem na ol i stap long dispela maunten.

Ripot i tok samting olsem 10,000 manmeri i bin lusim ples ya na i kam stap long aninit bilong maunten.



• Wapela paitman bilong Slovenia wantaim strongpela masin gan i lukautim ol rot long Sentrel Ljubljana. Ljubljana em biktaun bilong Slovenia.



• Ol soldia bilong Yugoslavia i go insait long wapela patrol pos bilong ol Slovenia ami.



• Ol paitman bilong Slovenia i banisim rot.

• (ANTAP) Tenka bilong Yugoslavia gavman i brukim banis long rot em ol Slovenia ami i sanapim klostu long Ljubljana ples balus. Slovenia em wapela provins bilong Yugoslavia. Tasol em i laik kamapim gavman bilong em yet. Las wiken presiden bilong Solvenia i askim ol arapela Yurop kantri long sapotim gavman bilong em.

I gat ol hait tok bilong Amerika na Irak i pait gen

AMERIKA bai stapim olgeta rot bilong Irak long train na wokim ol nupela samting bilong pait.

Sekyutiri kaunsil bilong Amerika, Pentagon i tokaut long dispela. Mausman bilong Pentagon, Peter Williams i tok long las wiken, ol i bin kisim sampela samting bilong pait em Irak i laik wokim long Abu Ami Bareks.

Ol opisa bilong Pentagon i no inap tokaut long wanem samting Irak i bin laik wokim. Tasol i gat bikpela bilip olsem Irak i laik wokim marasin (Yurenium) bilong wokim posin bilong kilim man. Ripot i tok olsem Pentagon i haitim tok long ol laik pait gen wantim Irak. I gat moa long 50,000 ami bilong Amerika i stap yet long hap.

Tasol Williams i tok sapos ol i laik kirapim woa gen long Irak, ol i no inap tokaut long dispela. Bikos ol i tingting planti yet nogut bai Irak i no inap bihainim tok orait em ol i bin mekim wantiam Amerika. Dispela tok orait i stap olsem Irak i mas lusim olgeta samting bilong

pait. Stet Dipatmen i bin kotim tu mausman bilong Irak long Amerika bilong askim Pentagon long sekim tu olgeta samting em Baghdad i gat bilong pait.

Tasol mausman bilong Irak i bekim olsem ol wokman husat i sekap i no mekim stret wok bilong ol. Long wanem pablik holidie bilong Amerika i

bin kamap na stapim ol.

I gat bikpela pret i stap tu olsem Amerika bai kirapim pait gen. Dispela em bikos Stet Seketeri, James Baker i tok long las wik Trinde nait olsem Irak i mas harim tok nau na rausim olgeta samting bilong pait.

Baker i givim taim inap long mun Ogas bilong dispela yia na 15 Janueri bilong 1992.

Williams i tok tu olsem moa long 50,000 ami bilong Amerika i stap yet long boda bilong Irak na ol i ken kirapim pait sapos ol i kisim tok orait.

Em i tok Amerika i bin kamapim bikpela bagarap pinis long planti samting bilong Irak long Galp woa. Tasol Amerika i no save long wanem samting em Irak i mekim nau.



• Sampela turis bilong Isrel em ol Hasmiri rebel i bin holim pasim long India long las Fonde. Wapela bilong ol i lus yet, na wapela i dai.

Amerika bilip Saddam Hussein i haitim yet ol bom na marasin nogut

AMERIKA i bin tokim Yunaited Nesen Sekyuriti Kaunsil olsem Irak i bin haitim olgeta strongpela masin na arapela samting bilong pait wantaim ol smok bom na posin marasin. Ol i bin haitim ol dispela samting long wapela nupela ples.

Wapela opisa bilong Amerika husat i stap long Irak i tok olsem, insait long ol dispela ples hait, Irak bai wokim gen ol nupela smok bom na posin marasin.

Ol saveman bilong Amerika i tok taim woa i pinis long Irak, Saddam Hussein i bin train long haitim planti samting bilong pait long nupela hap. Tasol Irak i tok i no gat kain samting olsem i bin kamap. Em i laikim Amerika i mas soim stret sampela mak olsem Irak i bin mekim kain pasin olsem o no gat.

Sampela opisa bilong Irak long Foren dipatmen i tok, kain toktok Amerika i mekim i no tru. Wapela opisa bilong Irak i tok Amerika na ol narapela kantri i no laik bai Yunaited

Nesen Kaunsil i stapim toktok ol i oraitim long Irak long 2 Ogas taim Irak i laik tekova long Kuwait.

Amerika Ambeseda, Alexander Watson i tok edministresen bilong Presiden George Bush i gat bikpela bilip olsem Irak i laik haitim ol marasin nogut bilong en long ol inspekta bilong Yunaited Nesen Sekyuriti Kaunsil.

Tasol kaunsil i bin holim wapela kibung bihain long ol inspekta bilong Yunaited Nesen Kaunsil i sasim Irak long brukim tok promis ol i bin mekim taim woa i pinis.

Ol inspekta i tok ami bilong Irak i bin pasim ol long lukluk raun long sampela ples we ol i bilip Irak i haitim ol marasin nogut bilong pait i stap long en.

Ol i bin lukim dispela long pasin ol bikpela ka wantaim trak na foklip i rausim sampela samting hariap long wapela ples hait.

Taim ol i lukim kain pasin olsem, ol i holim wapela kibung.



• Wapela riskiu woka i sevim meri ya ausait long haus em kolta i kapsait na killm 20 pipel. Birua ya i kamap long Babotan, Frans long las wiken.

Amerika i belhat long pasin bilong Slovenia

AMERIKA i bin askim Slovenia long stapim toktok ol i bin mekim long gavman bilong Sentral Yugoslavia.

Toktok bilong Slovenia i kirapim bikipela pait long ples bilong ol rebel paitman insait long Ripablik kantri.

Ol narapela kantri bilong Yurop i bin holim wanpela kibung bilong bringim bel isi long sentrel Yugoslavia na Slovenia.

Na 12-pela kantri i bin kamap pinis na holim wanpela spesel kibung bilong stretim dispela hevi.

Amerika, Keneda na ol arapela kantri husat i bin kamap long dispela kibung i bin tokim Yugoslavia olsem wok bilong ekonomik na politik i stap long han bilong ol. Em i mas bringim bek toktok bilong bel isi i go bek gen

insait long kantri.

Tasol taim Slovenia na Kroatia i lusim Yugoslavia, ol i bin gat bikipela hevi long wok bilong politik na ekonomik. Tupela i bin stap aninit long Yugoslavia inap long 73 yia olgeta.

Maus Meri bilong Amerika Stet dipatmen, Mis Margaret Tutwiler i tok Yugoslavia em i no wanpela strong-pela kantri. Tasol gavman bilong Presiden George Bush i tok em i pret bikos kain gavman bai bagarapim olgeta gutpela kantri bilong ol waitman.

Amerika Seketeri bilong Stet, James Baker i tok em i bilip kain pasin olsem kamap long Yugoslavia bai i no inap kamapim pasin bilong 1914. Toktok i kamap pinis long Wasington olsem demokretik gavman bai kamap long Zeckoslovia na i go long Erithrean provins.



• Ol soldia bilong Rasia i lukautim Vilnius telepon eksens long Mosko, bihain long ol i tekova long las Trinde. Ol i tok i gat bom insait long telepon haus ya. Tasol ripot i tok Rasia i mekim olsem long daunim gavman bilong Lituena.



• Absibop Trevor Huddleston bilong Inglen i bungim ol blek skin studen long Saut Afrika. Ol studen ya i laik yusim Alexandra skul. Bikos skul ya i nogat inap wait skin studen, na i pas. Ol blek studen i go insait long yusim tasol ol plisman i stapim ol.

Saina kilim 21 man long salim na smokim spak brus

NESENEL kot bilong kantri Saina i tok orait pinis long kilim 21 pipel long wanem ol i bin salim na smokim spak brus insait long kantri.

Kot i tokaut long kilim ol dispela man long wanpela pablik kibung long Kunming. Moa long 5,000 manmeri i bin stap long harim dispela toktok.

Gavman bilong Saina i tokaut long stapim ol man long smokim na salim spak brus. Tasol bihain long dispela tok save, ol dispela 21 man i i go het na mekim dispela pasin.

Saina i gat bikipela tingting long stapim spak brus long Sauten boda long Golden Traingel bilong

Tailan, Buma na Laos.

Nau yet ol man i wok long kisim spak brus (hero-in) i go long boda bilong Yunan na salim long sip i go olgeta long Hong Kong. Bihain long Hong Kong, ol bai salim i go long Amerika. Nau dispela lo i kamap na ol bai traime long stapim kain pasin olsem.

Long Trinde 26 Jun, 1991, kot i bin tok orait na kilim planti man pinis insait long ol arapela provins. Gavman i mekim dispela pasin long stapim ol bikipela hevi nau i kamap long Saina.



• Maris Stella Mabtje long namel i bungim ol Amnesti Intanesenel memba bilong Sweden husat i helpim em. Apatait gavman bilong Saut Afrika i bin kalabusim Maris long 1987. Tasol sik i mekim na em i kam ausait long stat bilong dispela yia. Em i stap yet aninit long lukaut bilong ol plisman.

Ol plisman i stapim ol blak pikinini long skul bilong ol wait pikinini

OL plisman long Saut Afrika i muvim ol skul pikinini bilong ol blak manmeri i go long olpela skul bilong ol waitman.

Ol plis i bin yusim pawa long mekim dispela pasin. Ol pasim ol rot wantaim ol bikipela samting olsem olpela ka na arapela samting moa na bihain ol i kisim 5-pela bas na i go pulapim ol skul pikinini long en. Ol i blokim ol rot ya bilong ol papamama bilong ol pikinini long kam na kisim ol.

Dispela skul bilong ol pikinini bilong ol waitman long Orange Grove i bin pas long mun Janueri bikos skul i sot long ol skul pikinini.

Moa long 300 skul pikinini bilong ol blak manmeri i pulap long ol bas na helikopta wantaim ol plisman i raun long antap na was long ol i stap.

Ripot i tok skul bilong ol blak pikinini i olpela na i no gat inap spes long olgeta i stap long en. Tripela o 4-pela i sindaun long wanpela tebol na olgeta arapela i sanap.

Dispela skul tu i bruk bruk nabaut na i no gutpela long ol pikinini i lainim gut samting long en. No gat laibreri bilong ritim buk, saiens rum bilong skul, ol windoa i bruk nabaut na toilet i no gutpela moa bilong yusim.

Nesanel Edukesen kodineta komiti husat i save wok egensim pasin bilong wait na blak i lukim ol yet olsem narapela, i kros long edukesen sistem bilong Saut Afrika. Ripot i tok sistem bilong edukesen long Afrika i no save givim inap mani long baset i go long skul bilong ol blak pikinini. Ol i save givim moa mani i go long skul bilong ol waitman tasol.

Ripot i tok dispela kain pasin i bagarapim pasin em Mista de Klerk i mekim long stapim pasin bilong waitman i stap longwe long ol blakman. Ripot i tok plen i wok gut pinis long senisim dispela pasin olsem na kain pasin nogut olsem i no ken kamap moa.

IDD TO ISRAEL

Telephone numbers beginning with 541xxxx in Tel-Aviv (area code 3) have changed to 699xxxx.

The last four digits remain the same.

To call, simply dial — 05 + 972 + 3 + 699xxxx.



Post & Telecom
Partners in 1991 South Pacific Games



Hausing Komisen mas salim ol haus bihain long 15 yia

Dia Edita,

Mi wanpela manki Mindick insait long Finsafen, Morobe provins. Tasol nau mi stap long Rabaul, Is Nu Briten provins.

Mi gat liklik bel hevi long Nesenel Hausing Komisen. Olsem na mi laik autim long *Wantok Niuspepa* na ol menesmen i ken lukim.

Nesenel Hausing Komisen i save sasim ol kas-toma moa long 15 yia. Yupela i mas kamapim sampela lo olsem sapos ol man i stap long haus moa long 15 yia, ol i ken baim dispela haus. Na maski long yupela i rentim yet.

Tasol kain pasin bilong yupela long sasim ol man moa long 15 yia i no stret long tingting bilong mi. Bikos yupela i nogat wokman bilong mekim wok mentenens. Planti hausing komisen i bruk nambaut. Tasol komisen i wok long sasim ol man yet.

Hausing Komisen i mas salim ol kain haus olsem long ol man i stap moa long 15 yia.

Na maski long giamanim ol man na kisim mani nating long i kain pipia haus ya.

Em tasol liklik wari bilong mi. Yu husat brata o susa i laik sapatim o egensim dispela pas orait, rait tasol long *Wantok Niuspepa*, na mi ken lukim.

Eki Jimmy.
RABAU

Momase klap kamapim nem nogut

Dia Edita,

Mi laik autim belhat bilong mi long Momase Osi rul tim bilong Lae. Olgeta taim mi go lukim Momase tim i pilai, bai ol i kirapim pait long namel bilong gem.

Wanpela taim ol i paitim referi long gem. Olsem na mi laik askim, bilong wanem tru na yupela i makim referi long lukautim

pilai bilong yupela?

Dispela pasin i no gutpela tru. Bikos em i bagarapim gutpela nem bilong ol pipel bilong Momase.

Sapos yu man bilong pait, orait yu ken go na joinim boksing klap. Sapos nogat orait lusim belhat bilong yu i stap, na bihain yu go pinisim long meri o susa bilong yu long haus

Mara Whass
LAE

Stapim ol manki long smok na buai

Dia Edita,

Mi wanpela manki Sepik husat i stap nau long Rabaul, Is Nu Briten provins. Mi laik toktok long sampela manki krismas bilong ol i stat long 16 na i go daun long 5.

Ol i save smok na kaikai buai tumas. Taim ol i lap, bai yu lukim tit bilong ol i blek stret olsem bilong ol bikman.

Sekim Rabaul taun maket

Dia Edita,

Mi wanpela meri Tolai long Is Nu Briten provins. Mi stap nau long bik-taun bilong mipela, Rabaul.

Mi laik komplem i go long ol taun kaunsil wokman husat i save kisim tiket long ol meri i salim kaikai long Rabaul Taun maket.

Sapos wanpela meri i salim kaikai

Yupela ol papa na mama bilong ol dispela pikinini i stap we? Traim na stapim pikinini bilong yupela long smok na kaikai buai hariap. Bikos ol i bagarapim bodi bilong ol.


Na tu dispela i ken mekim ol manki bilong yupela i no inap long kamap bikpela hariap.

William Wanny
RABAU

bilong em olsem taro, kaukau na singapo, em bai i baim K2.10 takis olgeta. Bikos ol bos bilong maket bai i sasim em 70t long taro, 70t long kaukau, na narapela 70t long singapo.

E. Kapinias
RABAU

MOA TAIM LONG BENG



Long 1 Julai 1991, bai mipela i op narapela aua moa inap 3 klok long givim yu inap taim long kam long beng. Mipela i putim narapela aua moa antap long olupela taim pastaim long olgeta Mande i go long Fonde. Dispela senis i kamap long helpim olgeta manmeri long kam long beng long wanem taim ol i laik long en. PNGBC em beng bilong helpim yu.

NUPELA TAIM
BILONG PNGBC.

MANDE INAP FONDE
9.00am - 3.00pm
FRAIDE - 9.00am - 5.00pm.



Lukautim nem bilong Luteran


Dia Edita,

Mi wanpela manki Sepik. Mi laik autim tingting bilong mi long pasin mi save lukim em wokman bilong Luteran Siping Kampani i save mekim.

Taim sip ya i kisim ol pasindia long Wewak i kam long Madang, ol wokman bilong sip i save kirap na grisim ol yangpela meri taim ol i lusim sip na go daun.

Samson Sully
WEWAK

Yupela laik kamap man o?



Dia Edita,
Mi wanpela Goroka long Isten Hailans provins. Mi stap nau long Biaila, Wes Nu Briten provins. Mi laik toktok long pasin bilong sampela meri husat i laik kamap olsem ol man.

Mi no save amamas tru long lukim ol meri i supim long longpela trausis na raun. Bik is skin bilong mi i sav, kirap tru. Sampela taim mi save pillim olsem mi laik go

tru na holim pasim ol stret.

Mi bilip planti man bai i gat wankain tingting olsem mi.

Mi laik askim na yupela ol dispela kain meri. Yupela i mas putim stret ol kios bilong yupela. Na maski long putim bilong mipela ol man.

Yupela ol dispela meri i laik kamap olsem ol man o?

Jesi Wansi
BIALLA

Bikpela yunivesiti senta op long Saten Hailans

ISSAC SOKA i raitim

BIKPELA yunivesiti senta long Papua Niugini i stap long Saten Hailans provins. Na ol i bin opim dispela senta long Tunde 2 Julai, 1991.

Ripot i tok olsem dispela yunivesiti senta i bin kisim pinis 480 studen olgeta stat long

taim em i wok long 1989 i kam inap nau. Namba tu yunivesiti long en em long Is Sepik provins (47 studen).

Primia wantaim ol minista bilong em na ol arapela sinia opisa long Dipatmen bilong Saten Hailans tu i bin kamap long bung. Ol tisa na bikman bilong Ekstensen dipatmen bilong yunivesiti tu i bin

kamap.

Dairekta bilong senta i tokaut tu olsem provinsal gavman i bin givim gutpela sapot tru long ol. Em i givim inap mani bilong ol long wok.

Ripot i tok tu olsem 20 studen bilong senta i stap skul nau long Yunivesiti bilong Papua Niugini (UPNG) long Mosbi na Yunitek long Lae.

Nupela stail haus sanap long Manus

MANUS provinsal gavman i sanapim tupela nupela kain haus long wanpela bikpela ailan bilong Manus.

Dispela ol haus i gutpela long kain ples olsem Manus we i no gat planti diwai na tu ples i stap klostu long solwara. Na tu i no inap kosim ol manmeri bikpela mani.

Teknikal Sevis divisen yet i kamapim plen bilong haus na Neturel Risos divisen husat i lukautim wanpela trening kos nau long ailan i tingting long wokim dispela ol haus pastaim long kos i pinis dispela mun.

Moa long 20 man i bin kamap long olgeta hap bilong Manus long skul bilong wokim kain haus olsem.

Ol bai lainim wok bilong katim timba long sen so na putim marasin

long en. Bihain Teknikel divisen bai lukautim ol long wokim ol haus.

Dispela yia Manus provinsal gavman i putim K25,000 bilong helpim wokim gut ol haus long ples. Na divisen i tingting long skruim ol dispela haus i go long ol arapela ples i stap klostu long nambis.

Askim bilong katim ol bun bilong kokonas long wokim haus na wesana bilong wokim simen banis i stap long han bilong ol saveman.

Wanpela Forestri Opisa i tokaut olsem planti manmeri bilong Pasifik ailan i yusim pinis bun bilong kokonas long wokim haus. Tasol saveman, Demac Wiringa i tok i mas i gat stretpela masin samting bilong yusim bun bilong kokonas long wokim haus.

Paiauwut bisnis i gro long Hagen.



• Bisnis bilong paiauwut i bikpela nau long taun na siti insait long Papua Niugini.

Long Hagen taun, wanpela mekpas paiauwut bai kos inap long K2. Hia yu ken lukim wanpela lapun ya baim sampela paiauwut long maket na sotkat i go long netbal na bungim stret ripota bilong Wantok, Henry Morabang.

Bikman ya i no save gut long tok pisin olsem na Wantok i no inap kisim ol toktok bilong em.

Helt dipatmen pasim Redio Daru

IAN KAKARERE i raitim

HELT dipatmen long Westen provins i stapim wok bilong Redio Daru long 19 Jun, 1991.

Ripot i tok redio stesin i no gutpela bikos ol kapa i ros na bagarap na ren i ken pundaun i kam insait long redio rum. Haus bilong ol wokman na meri bilong stesin tu i no gutpela bilong ol i stap long en.

Olgeta samting long haus na redio stesin i olupela tru na i ken givim sik

ong ol manmeri

Sampela niusman i go long Rabaul na ol arapela i go bek stap nating long provins na ples bilong ol long wetim ol samting long stret pastaim. Ripot i tok taim ol lain ya i kirap i go, i gat bikpela hevi long muvim ol skul pikinini bilong ol.


Redio Westen em wanpela rot bilong ol manmeri bilong provins long kisim nius na nau ol i kisim taim. Planti program bilong ol skul pikinini tu i stop na ol i no lainim gut samting long skul nau.

BRAND NEW HYUNDAI

GOING GOING

FROM A LOW
K12,950

- Air Conditioning
- Radio & Cassette
- Factory Warranty
- Rust Proofed
- Radial Tyres



tac

Say G'day to
THE AUTO CENTRE
HYUNDAI

PHONE 25 8566 or 25 8245

Ol Tari kisim nem nogut nating Moa patrol mas kamap long Hailans haiwe

Dia Edita,

Mi wanpela manki Tari long Saten Hailans provins, tasol nau mi stap long Ramu Suga long Madang provins.

Mi laik komplek long ol toktok mi save harim long planti manmeri olsem ol Tari i save kilim ol man nating nating.

Yes tok bilong yupela i tru. Tasol ol dispela trabel i no save kamap long ol Tari stret. Planti ol arapela trabelman long ol arapela provins i save mekim dispela, na bagarapim nem

bilong mipela ol gutpela Tari.

Olsem na mi ting sapos Tari i kamap olsem wanpela provins bilong em yet, bai i orait olgeta.

Bai ol Tari pipel yet i ken go het long mekim wok bisnis na kirapim provins bilong ol.

Bikos planti manmeri i bagarapim gutpela nem bilong Tari long trabel bilong ol arapela trabelman nating.

Em tasol na husat i laik bekim em laik tasol.

**Michael Aki
RAMU SUGA**

Dia Edita,

Mi wanpela manki Wabeg long Enga provins, tasol nau mi stap long ramu Suga long Madang provins.

Mi laik autim bikipela bel kros bilong mi i go long ol haiwe patrol plis long raun gut long Haiulans haiwe.

Mi mekim dispela tok bikos i gat planti stil pasin i wok long kamap long ol PMV ka. Na planti gutpela manmeri i save lusim samting bilong ol. Mipela i

save pilim sori tru long ol trangu lapun manmeri, na pikinini taim ol raskol i stilim ol mani na samting bilong ol.

Olsem na mi mekim dispela komplek i go long ol plisman bilong haiwe long sekim rot olgeta taim, bai ol manmeri long ol PMV i ken sevim samting bilong ol. Em tasol na husat i laik bekim em laik tasol.

**Bonifas Lit Pallnu
RAMU SUGA**

Olsem wanem long Pomio nau? Hesingut i mekim gutpela wok



Dia Edita,

Mi wanpela manki Morepuna long Wes Pomio, Is Nu Briten provins. Na mi laik autim wari bilong mi i go long *Wantok Niuspepa*.

Mipela ol pipel bilong Mamusi namba wan na namba tu i no save kisim wanpela gutpela sevis i kam long Is Nu Briten provinsal gavman. Na tu i no gat gutpela rot long ples bilong mipela.

Dispela i stapim mipela long statim ol liklik bisnis long ples.

Na tu mipela i no gat mani insait

long baset bilong provinsal gavman. Na mani nesenel gavman i givim i kam long provinsal gavman i go we?

Ating ol memba i pulmapim tasol mani long poket, na raun nating long Rabaul taun.

Plis traim opim ai bilong yupela, na lukluk long hevi bilong ol pipel LONG Pomio.

Maski long giamanim ol pipel na sindaun tasol long opis.

Em tasol liklik wari bilong mi.

**Jack Kalu
POMIO**

Dia Edita,

Mi wanpela manki Walingai long Sialum eria bilong Morobe provins. Mi laik bekim pas bilong tupela brata ya, Kaiko Jicka na Jasper Akick. Pas bilong tupela i bin kamap long *Wantok Niuspepa*.

Tupela brata ya i tok nesenel memba bilong Finsafen, Henu Hesingut i no mekim wanpela samting long helpim ol pipel bilong Finsafen. Tupela i tok taim ol pipel i askim Hesingut long sampela helpim, em i no save givim han.

Mi laik askim tupela long wanem taim tupela i askim Hesingut, na em i no yesa long askim bilong tupela.

Ol lida bilong nesenel gavman bai i no inap long mekim samting bilong wan wan man. Ol i mas givim samting we i ken helpim olgeta bilong ples.

Henu em i wanpela gutpela lida. Bikos em i bringim pinis planti developmen long taun, na tu long ples bilong em yet. Traim na opim ai na lukluk pastaim bipo yupela i toktok.

Mekuri Melengu BULOLO

EM TV i slek tumas

Dia Edita,

Mi wanpela manki long Sauten Hailans provins, tasol nau mi stsp long Rabaul. Mi laik autim liklik bel hevi bilong mi long *Wantok Niuspepa* bai ol wokman bilong EM TV i ken lukim.

Planti taim ol wokman husat i save putim kamap program i save pilaim wankain musik na piksa tasol.

Dispela i no gutpela long ai na yau bilong mi. Ating planti wontok tu insait long dispela kantri i gat wankain bel hevi. Tasol ol i les long westim taim bilong ol long rait na komplek.

Olgeta taim mi save lukim wankain edvetismen, na ol arapela longlong manmeri nabaut bilong Papua Niugini i save kamap.

Plis traim na senisim ol dispela kain program. Maski long harim toksave na larim ol kainkain rabis program i stap yet. Yupela i gat ai na yau tu o nogat?

Em tasol liklik wari bilong mi. Yu husat brata o susa i laik sapotim o egensim orait rait tasol long *Wantok Niuspepa*.

**Max Muli Kop
RABAU**

Lukautim Wewak taun

Dia Edita,

Mi wanpela manki bilong Sandaun provins. Mi bin go long biktaun bilong Is Sepik provins, Wewak na lukim pasin bilong ol manki long hap.

Ol manki i save go insait long ol Saina stua na stilim nambaut ol samting. Mi lukim olsem dispela kain pasin i no gutpela tumas.

Mi laik askim nau yupela ol dispela manki. Wewak taun em i bilong husat?

Ating em i taun bilong ol man long arapela provins, na kantri husat i kam wok long hia. Olsem na yupela i save mekim kain pasin olsem.

Sapos olgeta bisnis i pasim blanket na ranawe, bai olsem wanem long taun na yupela? Ating bai bikipela bus stret i kamap ya.

Olsem na tingim taun bilong yupela na lukautim gut. Yupela i noken mekim ol bikhet pasin we yupela yet bai i painim taim long bihain taim.

**Emil Lowi
VANIMO**

"EM TV opim ai"

Dia Edita,

Mipela i save amamas long lukim dispela "Mekim Musik" program. Dispela program i save kamap long olgeta Trinde.

Wanpela samting em mipela i save les tru long lukim planti musik bilong ol waitman tumas. Yupela i mas traim na pilaim ol musik bilong Papua Niugini stret.

Mi bilip planti waitman long kantri bai i amamas long lukim, na harim ol musik bilong mipela yet.

**Nego Kuddle
LAE**

Nalau i ken klinim Morobe



Dia Edita,

Mi wanpela manki Morobe. Mi laik sapotim wok bilong Primia Jerry Nalau long rausim ol setelmen long Lae Siti. "Father good job, Keep it up".

Sapot bilong mi go olsem. Yu husat manmeri provinsal gavman i rausim yu long bagarapim siti mas i go bek long ples. Yupela save stap nating long taun na salim buai wantaim bia long graun bilong gavman.

Yupela mas lusim graun i stap long gavman, bai em i ken kamapim sampela wok developmen. Olgeta taim ol man nambaut i save mekim rong samting long gutpela siti bilong mipela.

Nau em i gutpela taim long klinim Morobe. Yupela ol kain pipia man olsem i save salim buai wantaim bia na bagarapim gutpela siti bilong ol arapela manmeri long stap. Go bek

nau.

Na tu toksave i go long ol man we buldosa i bagarapim haus bilong ol. Yupela i bin askim long kompensesen mani. Mi tokim yupela stret, ol Morobe i no save kaikai pekpek bilong yupela ol kain piapia man olsem husat i save askim long kompensesen tumas.

Yupela mas go bek gen long ples bilong papa bilong yupela, na askim em long baim yupela.

Sapos yupela ol man bai yupela i harim tok, na rausim ol kain pipia haus hariap.

Mi laik tokim yupela olsem, kain pasin i nogat stret long blut bilong ol Morobe. Sapos yu laik askim moa yet, mobeta yu go long ples bilong yu. Na askim tumbuna bilong yu long givim yu mani.

Em tasol liklik sapot bilong mi.

**U-Frenu Araglin Tela
LAE**

... tasol em bai klinim olsem wanem?

Dia Edita,

Taim primia bilong Morobe provins, Jerry Nalau memba bilong em i kisim pawa, ol i bin mauswara long senisim kos bilong sip insait long Morobe provins. Tasol dispela samting i no kamap yet.

Mi ting olsem dispela tok bai i no inap long kamap tru. Bikos primia Nalau i tok long stretim Morobe tasol ol man bilong em i helpim long

stretim Morobe i no stret tu long tingting bilong mipela ol Morobe.

Mi lukim primia Nalau i makim wanpela man Hailans long wok bilong siti atoriti. Ol arapela sinia eksekutiv tu em ol Hailans na arapela provins pipel i kisim.

Olsem na primia Nalau, bai yu klinim Morobe olsem wanem,

Sina Moati FINSAFEN

Sensim taim bilong Wes Nu Briten ileksen

Dia Edita,

Mi wanpela manki bilong wel pam block long Kimbe, Wes Nu Briten provins. Mi laik autim liklik bel hevi bilong mi i go long kabinet long senisim taim bilong Wes Nu Briten provinsal ileksen.

Mi no wan bel bikos kabinet i skruim taim bilong provinsal gavman ileksen i go long Novemba.

Kabinet i mas sotim taim. Bikos nau yet planti long long politisen i stap yet long gavman. Na ol i no save mekim gut wok bilong ol.

Kabinet i mas senisim tingting gen. Na putim kamap ileksen bilong provinsal gavman tupela wik bihain long Nesenel ileksen.

Kain pasin ya i no gutpela tumas long kabinet i skruim taim bilong provinsal ileksen. Yupela mas putim kamap ileksen hariap, na rausim ol pipia memba.

Sapos kabinet i no senisim ol orait, yumi olgeta manmeri insait long Wes Nu Briten mas putim kamap wanpela straik bilong yumi. Na soim kabinet olsem yumi i no wan bel long tok orait ol i mekim.

Em tasol liklik wari bilong mi.

**Pam Luz
KIMBE**

Maski giaman wok long nait na gris

Dia Edita,

Mi wanpela manki bilong Is Sepik provins, tasol mi stap nau long Bialla long Wes Nu Briten provins.

Hia long ol wel pam plantesen, mi save lukim ol meri i wok i go inap tudak. Na i save pinis long 10 o 11 klok nait(11.00pm), na go long haus.

Mi ting ol meri i no save mekim trupela wok long nait. Ol i save giaman long wok, na gris wantaim ol bos long nait. Na bihain bai bos i kisim ol i go lusim long haus.

Long lukluk bilong mi, ating dispela i no gutpela tumas.

Yupela ol meri i mas

yusim het bilong yupela. Noken bagarapim bodi bilong yupela nambaut. Larim gut bodi bilong yupela i stap long wanpela gutpela man yu bai i maritim long bihain taim.

Na tu yupela i no ol man na yupela j laik wok opa taim long nait. Yupela ol meri ya.

Olsem na yupela i mas go hariap long haus. Bikos yupela i gat bikipela wok long haus bilong mekim, olsem bilong lukautim famili.

Na sapos yupela ol pingel meri, tingting gut pastaim na noken salim yupela yet.

**Duzam Suangiril
BIALLA**

PNG WEITLIFTA TIM KOMPETISIN



KISIM TIM

KISIM PRAIS!

★ Kisim sikis-pela weiltiftas stori i stap long beksait bilong 1kg Trukai Rais Peket

★ Katim ol na salim ikam wantaim nem na adres bilong yu long envelop igo long:-

TRUKAI
P.O. BOX 1660
PORT MORESBY



Fes-pela 10,000 lain ol kisim rait bai kisim **FRI PNG WEITLIFTA TIM POSTA** na bai ol istap long dro long **BIKPELA PRAIS!**

- ★ Hom Entateinmen Yunit
- ★ Kala Televisin
- ★ Redio Kaset Pleia
- ★ Kamera

LUKIM LONG BEKSAIT LONG 1kg TRUKAI RAIS PEKET
INSAIT LONG STOA BILONG YU NAO!

Ol provinsal seketeri toktok long hevi bilong pawa saplai long ol distrik

ALPHONSE BARIASI i raitim

INSAIT long kibung bilong ol provinsal seketeri long Madang dispela wik, toktok bilong pawa saplai i go long ol distrik, sab distrik na stesin i bin kamap.

Mausman bilong ol Momase seketeri, Chris Virhuri (Sandaun) i bin tokim dispela kibung olsem ol distrik hetkwata insait long planti provins i gat hevi long pawa. Sampela



Chris Virhuri... mausmen bilong ol Momase seketeri

taim i save no gat pawa bilong mekim ol wok bilong gavman long ol opis, bisnis na ol haus slip bilong ol

woka long ol dispela distrik hetkwata.

Hevi i kamap long wanem i no gat inap mani bilong baim bensin bilong ranim ol pawa stesin.

Olgeta seketeri i tokaut long askim Lektrisiti Komisn (Elcom) long lukluk long dispela hevi na kirapim ol liklik pawa stesin long ol dispela kain ples.

Fainens dipatmen seketeri, Morea Vele i bin stap tu long kibung. Na em i tok bai dipatmen bilong em i lukluk long dispela samting.

Yunaited Nesen bekim tingting bilong rausim ol setelmen pipel

YUAITED Nesen (UN) i askim olgeta kantri bilong wol long traime abrusim pasin bilong rausim ol manmeri i sindaun long graun bilong narapela man.

UN i mekim dispela toktok bihainim kain pasin em Morobe provinsal gavman i mekim nau long rausim ol manmeri long ol setelmen bilong Lae.

Dispela toktok i kam long dairekta bilong wanpela han bilogn UN ol i kolim United Nations Centre for Human Settlements (UNCHS). Nem bilong man ya em d. Hohal. Wok bilong UNCHS em long toktok na helpim ol setelmen pipel.

Johal i tok taim wanem gavman i laik rausim ol setla, em i mas makim nupela ples bilong ol manmeri long sindaun, baim kompensesen long ol samting bilong ol i bagarap na husat

i kisim hevi i mas gat sans long tok-tok long sait bilong ol.

Kibung bilong UN Jenerel Asembli long 20 Diesemba, 1988, i askim olgeta kantri bilong wol long kamapim ol progrem bilong wokim ol haus bilong ol manmeri. UN i askim ol gavman tu long stretim ol setelmen nau i stap.

Johal i tok ol gavman i ken lukautim ol setelmen i kamap bihain taim, sapos i gat gupela we bilong lukautim na skelim wok bilong graun. Na em i tok ol setla husat i stap long wanem hap graun longpela taim, gavman i mas luksave long ol na givim ol sampela helpim.

Toktok bilong Johal i kamap long wanpela niusleta bilong ol setla ol i kolim Maus Bilong Komyuniti. Wanpela grup ol i kolim National Committee for Urban Shelter (NCUS) i save wokim dispela niusleta.

Morobe provinsal gavman tokaut olsem ol yut mas askim long helpim

ELIZABETH SOLOMON i raitim

MOROBE provinsal gavman i tokaut pinis long sambai na helpim ol yut husat i laik kisim helpim.

"Tasol yupela ol yut i no ken pasim maus na ting olsem gavman bai mekim dispela ol tingting i kamap tru. Sapos yupela i gat hevi na laik save long wanpela samting, yupela yet i mas askim."

Provinsal minista bilong Edukesen, Isaac Narol i bin mekim dispela tok

taim em i pasim wanpela kos bilong ol yut long Malahang ausait long Lae las Fraide.

Em i tok planti taim ol yut i gat planti askim, tasol ol i no save tokaut long ol askim bilong ol. Ol i save pasim maus na haitim ol dispela samting i stap i go na dispela i save kamapim ol bel hat na kros pait pasin.

Asisten seketeri bilong Yut na Edukesen, Mahanu Angu na Samson Mangot wantaim ol arapela yut na edukesen opisa i bin stap tu.

Niugo setelmen i gat K44,000 dinau i stap yet

PLANTI manmeri bilong Niugo setelmen long Wewak i stap moa long 10-pela yia pinis tasol ol i no mekim wanpela samting yet long stretim ol haus bilong ol.

Ripot bilong komiti i lukautim ol setelmen long Is Sepik provins i tok dispela i kamap bikos ol manmeri bilong setelmen i no save kisim gupela mani long wok bilong ol.

Ol man i save wok long wan wan famili i save kisim samting olsem KI27 long wan wan pe de. Na taim komiti i skelim kain mani olsem wantaim ol setelmen manmeri long ol narapela provins, ol i save kisim liklik mani tru. Long dispela 340 haus nau i stap, 279 haus lain i no traime yet long stretim haus ol bilong ol.

Insait long wanpela progrem bilong Nesenel Hausing Kopresen (NHC), ol setla bai kisim helpim bilong Gavman long wokim ol haus bilong

ol. Tasol ripot i tok dispela progrem i pundaun nau. Long wanem ol setla i no bekim ol dinau bilong ol.

Aninit long dispela progrem nau, ol pipel bilong Niugo setelmen i gat K44,000 i stap yet olsem dinau long bekim i go long Stet. Dispela i kamap long Niugo na ol narapela setelmen tu long kantri. Gavman i stapim progrem.

Ripot i tok ol setla i mas baim KI8 i go long Stet long wan wan mun bilong bekim dinau. Dispela i min olsem 70 toea long olgeta pe de. Tasol ol setla i no baim dispela mani. Na i go antap long K50 long wan wan yia o KI.92 long wan wan pe de. Tasol ol i no baim yet na mani nau i kamap sampela tausen kina pinis.

Niugo setelmen i wanpela tasol long Wewak we gavman i luksave long en. Ol narapela 8-pela namba bilong ol olsem 8 i kamap nating. Na i gat 46,000 manmeri i stap long ol dispela setelmen.



• MV Malalo i rausim ol samting bilong mekim Altape bris gen long 19 Jun, 1991.

Yunitek saveman tok "Nalau no gat pawa bilong rausim ol Lae setelmen"

PRIMA bilong Morobe, Jerry Nalau i no gat pawa long rausim ol manmeri bilong ol setelmen long Lae.

Wanpela saveman long wok bilong graun long Yunivesiti bilong Teknologi long Lae, Andrew Lakau i tok aninit long lo i lukautim graun bilong Stet, Saptal 185 i tok nesanel minista bilong Lens tasol i gat pawa long graun bilong Stat.

Aninit long lo, ol provinsal gavman i no gat graun long Papua Niugini. Em i tok sampela senis nau tasol i wok long givim pawa long ol kain kain grup long lukuatim ol graun.

Dispela bai kamap aninit long wanpela progrem

bilong Lens dipatmen ol i kolim Land Moilization Programme. Tasol dispela i no min olsem ol dispela grup bai kamap papa bilong ol graun.

Aninit long lo olgeta graun em stet i baim pinis long ol papa bilong graun stret i bilong stet. Na nesanel gavman i gat pawa long mekim wanem samting long dispela ol graun.

Lakau i tok i no gat lo i tok ol provinsal gavman i mas rausim ol manmeri long ol setelmen. Tasol i gat lo i tokaut olsem Lens minista, seketeri bilong em o opisa ol i makim tasol i gat pawa long rausim ol manmeri long graun bilong Stet.

**MR BOSMAN
BILONG STOA**

I gat **FRI**
Hubba
Bubba
Bag
bilong
yu!

taim yu baim
5 PELA BOKIS long wanpela
long dispela prodak long
RABTRAD NIUGINI PTY. LTD.
Long olgeta brans
Long mun Jun 3rd - Julai 12th tasol!

HRD 11962



9th SOUTH PACIFIC GAMES
PAPIA NEW GUINEA 1991

CAMBRIDGE
A MAJOR SPONSOR

Wel kapiak na taro bilong Simbu i kamap olsem wanem

LONG bipo tru i gat wanpela meri wantaim pikinini meri bilong em i stap long ples Elimbarei long Saut Simbu.

Man bilong meri ya i dai pinis na em tasol i stap wantaim pikinini meri bilong em long ples ya. Nem bilong liklik meri em Mohari.

Mohari i liklik meri tumas na i no inap long mekim ol wok yet. Olsem na em i no save go tumas wantaim mama bilong em long gaden.

Wanpela taim mama bilong Mohari i laik i go long wanpela gaden i stap longwe liklik long ples. Mama i kukim kaikai bilong pikinini pinis na tokim em long stap tasol long haus. Em i no ken opim dua na kam ausait bikos planti tewel i save raun long kism ol pikinini o ol manmeri husat i stap wanpis long haus.

Mama i kirap na tekov pinis long gaden na liklik Mohari wanpela i stap long haus. Em i wanpela tasol olsem na em i pasim dua bilong haus na stap insait.

Long namel bilong de wanpela tewel man i kamap long haus. Nem bilong tewel man ya em, Firuame. Em i gat wanpela lek, wanpela han, wanpela yau na olgeta arapela samting long skin bilong em i wanpela tasol.

Em i kam tasol na giaman-im singautim Mahari olsem mama bilong em. Taim



Mohari i harim olsem, kwik-taim em i kalap long bed na i kam opim dua bilong haus.

Wantu tasol tewe man i go insait long haus na holim liklik meri ya na katim wanpela hap lek na han bilong Mohari. Em i kism meri ya i go lusim antap long het bilong haus na tekov i go pinis long ples hait bilong em.

Meri ya i pilim pen na kra i stap antap long haus na wetim mama bilong em.

Long apinun mama bilong em i kamap long ples na i singaut i go pas long pikinini

meri bilong em. Em i singaut na askim Mohari, yu i stap long haus o no gat?

Taim liklik meri ya i harim nek bilong mama, isi tasol na em i bekim. Tasol em pilim pen na i no singaut bikpela. Em i singaut liklik tasol olsem, mi no gat lek na han bilong kam long yu."

Taim mama bilong em lukim olsem, em save pinis long dispela tewelman. Mama i kra i wantaim na kism naip wantaim paia i go tasol long ples bilong tewelman ya na kukim na kilim Firuame. Em

kilim tewelman ya i pinis na kukim haus bilong em wantaim paia na tewelman ya pinis olgeta.

Bihain long paia i pinis, tewelman ya i tanim olsem wel taro na mama wantaim pikinini i tanim kamap wel kapiak.

Sapos yu go long ples Mokuma long Saut Simbu, bai yu lukim ol dispela samting i stap yet.

Andrew Pamundi Monza
Haus Palamen
WAIGANI



□ TUPELA lapun i pait arere long rot. Longpela lapun i ronim sotpela lapun wantaim hap stik. Sotpela lapun i ron i go hariap tru long haus bilong wanpela waitman na singaut, "Excuse me! Excuse me! Excuse me!" Waitman i kam ausait long haus na bikmaus, "Wanem excuse me nembet?" Na lapun i bekim, "That man wants to pait me. But I abrusim the stik and kalap to the baret."

Regina S. Tagwi,
Angoram Sevis Kem,
Angoram Distrik, E.S.P.

□ NAMBA wan pikinini meri bilong Kanage marit long wanpela man Menyamya. Bihain long 6-pela mun, Kanage i go lukim dispela man na askim em long baim pikinini meri. Man Menyamya i kirap na askim em, "Yu laikim hamas mani tru bai mi baim pikinini meri bilong yu?" Kanage kirap na pinisim olgeta namba 7 i kamdaun. Em i tok, "Pe bilong pikinini meri bilong mi em 7 tausen, 7 hundred, 77 kina na 77 toea." Man Menyamya i pret long dispela kain mak bilong mani na rausim pikinini meri i go bek wantaim Kanage long ples.

Norman Yaul,
Bialla, W.N.B.P.

□ WANPELA Gawi i save bagarap tru long ol musik bilong Telek. Na olgeta taim em i save tingting long go lukim Rabaul. Wanpela taim em i lusim Lae na kalap long sip i go long Rabaul. Apinun tru ol i go kamap na boi karim liklik han beg bilong em na tait long rot i go. Long hap rot, tupela nes bilong Nonga haus sik i bungim em na tok, "Boina Ravian" long em. Gawi tingting krangki olsem tupela meri i tok nogutim em. Em tanim na singautim tupela meri long sanap. Bihain em tokim tupela, "Harim, taim mi stap long Bumbu, no gat wanpela man i save kaskas long mi. Tasol nau yupela ol meri Tolai i laik traim, a? Goan, yumi lukim." Boi kirap tasol slekim tupela meri ya i go pundaun na em taitim rot i go na kamap stret long Kerevat haus kalabus.

Ari Utto,
Police Station, Alotau.

□ OLGETA taim meri bilong Kanage i save kros long man bilong em. Wanpela taim Kanage i les long kros bilong meri na kism gita bilong em na goap sindaun antap long diwai na mekimsave long skrapim gita i stap. I go i no longtalm na meri bilong em i ron i kam ausait na singaut, "Kanage, man tapak i laik pundaun ya." Kanage lukluk i go antap long diwai na askim, "Tapak we?" Na meri i bekim, "Yu lukluk i go daun." Kanage lukluk i go daun long trausis na lukim olsem em i no sindaun gut. Boi belhat wantaim na kalap i go daun na raunim meri bilong em.

Regina S. Tagwi,
Angoram Sevis Kem,
Angoram Distrik, E.S.P.

□ TUPELA meri Hailans i go raun long Aigris maket long Angoram. Tupela lukim wanpela meri Biwat i salim mami (yam) i stap na wanpela i go askim em, "Susa, hamas long mami bilong yu?" Meri Biwat i no harim gut na narapela meri Hailans gen i askim, "Susa, hamas long mami bilong yu?" Meri Biwat i harim olsem na kirapim stret das long Aigris maket. "Bilong wanem na yutupela i semim mi olsem. Mi no blari tukina meri bilong yutupela!" Sampela wantok i sanap klostu i laik tok klia long dispela meri Biwat tasol no gat, tingting bilong em i pas pinis.

Max Maru,
Las Kampani, Angoram.

LAIPLAIN

Paul manki pret long sik AIDS

Dia Laiplain,
Mi wanpela yangpela manki husat i save slip wantaim planti meri. Na nau mi pret nogut mi kism pinis sik AIDS.

Mi gat tripela prenmeri na mi wok long slip wantaim olgeta yet tasol mi laik maritim namba wan meri

husat bai i gat bel long pikinini bilong mi. Bikpela bel hevi nau long mi em nogut mi gat sik AIDS bikos mi wok long paul wantaim planti meri tumas. Mi laikim sampela helpim nau.

RISK TAKER

Dia pren,

Poin bilong tok yu mas klia long en em sik AIDS i no gat marasin long en na husat man o meri i kism bai bai. Olsem na yu mas i go long dokta i ken selap yu.

Tasol narapela tu em nogut yu kism ol arapela sik bilong pasin pamuk nabaut long ol meri yuraun wantaim.

Nogut wanpela bilong ol tripela prenmeri bilong i bin slip wantaim ol arapela man husat i gat ol sik nogut pinis na i givim long yu gen.

Olsem na yu mas go long haus sik na ol dokta i sekim yu. Sapos yu kism ol sik olsem gonoria na sipilis bai i ken bagarapim yu

bihain we yu i no inap long kamapim pikinini taim yu i marit.

Yu bin tok long maritim wanpela bilong tripela meri husat bai i gat i bel long pikinini bilong yu.

Dispela i no gutpela pasin tumas bikos yu i wok long tingim amamas bilong yu tasol bilong go long ol meri. Mi laik askim yu sapos ol tripela meri wantaim i save long ol yet olsem yu pren bilong ol tripela wantaim?. Ol i save olsem husat namba wan meri i gat bel bai yu maritim ty i nuogat?. Ol tripela meri ya i wanbel long gat bel long pikinini bilong yu? Ol tripela i save olsem yu i wok long slip wantaim wanwan bilong ol tu o nogat?

Pren, ol dispela samting em yu mas tingim pastaim bikos dispela i soim olsem yu i no tingting tumas long marit bilong yu. Yu laik amamasim tasol bodi bilong yu na no tingim ol tripela pren meri bilong yu.

Plis pren, mipela i laik bai yu traim stapim ol pasin yu wok long mekim nau na tingting gut pastaim long ol hevi na wanem samting bai i kamap long yu long bihain. Yu ken stapim ol pasin yu wok long mekim nau na stap gut inap yu marit long bihain.

LAIPLAIN



• Redi long singsing: Yangpela Agnes Ambelyse (raithan) i helpim Janet Tuplam bilong Sauten Hailans long penim pes wantaim pen bilong diwai. Dispela em long soim olsem ol studen bilong Sogerl Nesenel haikul ausait long Mosbi siti i redi gen long bikpela Sogerl Singsing De.



MUSIK na TELEVISIEN

Telek i paia wantaim MISPAIA

PLANTI man, meri na pikinini i save kolim em *Telek*. Tasol nem tru bilong dispela boi Barovon em George Mamua. Na dispela nem *Telek* i save pundaun namel long tupela nem tru bilong em.

Na nau, Pacific Gold studio i autim gen namba 8 kaset bilong dispela man. Dispela kaset bilong *Telek*, "MISPAIA" i kamap wantaim narapela kain stori. Televisen kampani bilong Papua Niugini, EM TV i bin wokim tu sotpela vidio muvi bilong *Telek* bihainim singsing MISPAIA. Dispela em i namba wan singsing long Sait A bilong kaset ya.


Mausman bilong Pacific Gold studio long Rabaul, Nelson Amos i ting sotpela vidio muvi bilong *Telek* long singsing MISPAIA i winim tru dispela em *Painim Wok* ben i bin wokim long las ya.

"Sotpela vidio muvi bilong *Telek* long singsing MISPAIA i gutpela na i kamap namba wan stret. Dispela i winim tru ol arapela em Pacific Gold i bin helpim long kamapim bipo," Amos i tok.

Moab stringben

George "Telek" Mamua em i wanpela olupela memba bilong *Moab* stringben bilong Barovon yet.

Tasol taim *Moab* stringben i bin kamap long katim kaset bilong ol wantaim Pasifik Gold namel long mun Mas na Epril, *Telek* i no bin stap. Hobbs Lapau tasol i stap wantaim ben na helpim ol long katim kaset bilong ol. Dispela kaset tu i no kam



• Telek wantaim olupela Moab Stringben bilong Rabaul.

ausat yet.

Amos i tok ol i bin miksim stringben wantaim lektrik musik long dispela kaset. Henry Maniot i bin helpim long pilaim dram na Donald Lessy i skrapim ol gita na pilaim kibot.

Telek i singim 9-pela singsing olgeta long dispela kaset bilong em. Na olgeta dispela singsing i stap long tok ples Kuanua na *Tok Pisin*. Tupela *Tok Pisin* singsing em inap helpim MISPAIA na salim kaset em namba tri singsing MI SAVE BAGARAP long Sait A na WANPELA MONING, namba tri singsing long Sait B.

Telek i sindaun raitim na tanim dispela tupela singsing long stail bilong em yet. Tasol tupela wantaim i holim yet kain stail bilong ol Sepik.

Nelson Amos i tok *Telek* i kisim singsing, WANPELA MONING, bilong ol boi *Young Kumans* bilong Wewak long Is Sepik provins na tanim i go long stail na nek bilong em yet. Tasol olgeta arapela pairap na kik bilong musik i stap wankain yet.

Singsing NURVUE KE IAU long Sait A tu em narapela nambawan singsing i stap long tok ples Kuanua yet. Long dispela singsing, *Telek* i autim liklik sampela kain reggae stail bilong ol Tolai. Na em i soim tru wanem samting i bin mekim nem *Telek* i kamap olsem wanpela nambawan wanpis musik atis long Papua Niugini.

Namba 5 singsing KAMIMIR NILA i soim gen sampela olupela stail bilong Pasifik Ailan musik. Kain pairap bilong gita na kibot i wankain olsem ol wansolwara musik nau i save kamap wan wan taim tasol.

Ol narapela singsing long dispela kaset we i gutpela long harim em MAPINA KADA we i bihainim kain stail bilong "Tolai rock" yet. Narapela gutpela singsing we i narakain olgeta long ol arapela *Tok Pisin* kaset long dispela kaset em MI GAT LAIK. Dispela em singsing bilong wanpela skulmeri na i gat gutpela stail long singsing na ol gita wantaim kibot. MI GAT LAIK i bihainim tu kain tumbuna stail bilong reggae musik.

Telek i no lus tingting long kolim tu bel bilong man na mekim ol i tingting. Olsem na em i putim singsing GAIVIN RA BIAVI i stap las tru. Ol toktok i stap long tok ples Kuanua na i isi tru. Kabu Rita i bin givim tu nek long helpim *Telek* long dispela singsing.

Insait long dispela kaset, *Telek* yet i bin singsing na lukautim ol wok bilong dram. Na Kabu Rita i helpim em long pilaim ol gita, givim bekap nek na lukautim kibot. Ensinia em Kabu na Lino Tiriman i helpim em long wokim dispela kaset.

Waiwai bungim stail bilong "Dropsun" na "Ramsonic" wantaim lektrik music

OLGETA hap bilong Is Nu Briten i wok long redi nau long amamasim namba 15 ya bilong provins. Long Rabaul yet, olgeta samting i wok long go het gut.


Na ol amamas bai stat long Julai 4 i go inap long 14 Julai, 1991. Na olgeta samting insait long klostu tupela wik bai winim tru ol arapela bikpela festival olsem bilong *Warwagire*. Na planti stringben bilong Is Nu Briten provins tu i wok long redi gut tru long dispela bikpela de.

Tupela bilong ol dispela kain stringben em *Ramsonic na Dropsun* stringben bilong Ramale viles long Not Kos eria bilong Rabaul.

Wanpela memba bilong dispela tupela ben, Vincent Waiwai i abrusim liklik stail bilong stringben na traim lektrik musik wantaim Pacific Gold studio long Rabaul.

Nelson Amos bilong Pacific Gold, Rabaul i tokaut olsem insait long dispela kaset bilong Waiwai, hap brata (kasen) bilong em yet, Kemson Pilak i helpim long ol singsing, pilaim lid, ritim na bes gita, kibot na kulele.

Ben memba bilong *Painim Wok*, Henry Maniot husat i bin



• Vincent Waiwai... i laik traim lektrik musik wantaim Pacific Gold studio long Rabaul.

wok bipo wantaim Pacific Gold studio i helpim long paitim dram na katim dispela kaset bilong Vincent.

Ol pren i bin helpim tu Waiwai long tupela singsing bilong narapela tok ples long dispela kaset. Wanpela em namba wan singsing long Sait A. ANGKAVE we i stap long tok ples Wes Nu Briten na narapela em namba wan singsing long Sait B. AISIwe i stap long tok Motu.

"*Ramsonic* stringben i bin kamim pinis singsing ANGKAVE wantaim Pacific Gold studio.

"Tasol nau Waiwai i kisim singsing ya na

putim wantaim lektrik musik," Nelson i tok.

Olgeta narapela 6-dram na katim dispela kaset i stap long tok ples Kuanua yet.

Nelson Amos (Nella) i tok klia tu olsem dispela yangpela man i no save raun tumas long taun. Em i boi bilong ples husat i save laikim kakao na kokonas plantesin bilong em. Long wan wan taim tasol bai em i kam raun long taun.

"Tasol long taim bilong katim kaset, Vincent i bin kam stap fultaim long taun," Nella i pinisim olgeta toktok bilong em.

EMTV						
<p>THURSDAY 04 JULY, 1991</p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS</p> <p>7.00 TODAY SHOW (G)</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET</p> <p>4.00 KIDS KONA</p> <p>4.30 TEENAGE MUTANT NINJA TURTLES</p> <p>5.00 THE FLINTSTONES</p> <p>5.27 EMTV TOKSAVE</p> <p>5.30 HOME AND AWAY</p> <p>6.00 NATIONAL EMTV NEWS</p> <p>6.30 A CURRENT AFFAIR</p> <p>7.00 NEIGHBOURS (G)</p> <p>7.25 EMTV NEWS UPDATE (G)</p> <p>7.30 HEY DAD (G)</p> <p>8.22 EMTV TOKSAVE</p> <p>8.25 EMTV NEWS UPDATE</p> <p>8.30 21-JUMP STREET (PGR)</p> <p>"Brother Hanson and the Miracle of Renner's Pond"</p> <p>9.24 EMTV NEWS UPDATE</p> <p>9.29 EMTV NEWS MAGAZINE</p> <p>9.30 SPORTS ACTION</p> <p>10.30 THE WACKIEST SHIP IN THE ARMY</p> <p>"The lamb who hunted wolves, Part 2" (G)</p> <p>11.30 EMTV NEWS (REPLAY)</p> <p>11.57 MEDITATION WITH PASTOR WALO ARNI (G)</p> <p>12.00 STATION CLOSE</p>	<p>FRIDAY 05TH JULY, 1991</p> <p>6.00 TEST PATTERN AND MUSIC (G)</p> <p>6.27 STATION OPEN</p> <p>6.30 ITN WORLD NEWS (G)</p> <p>7.00 TODAY SHOW</p> <p>9.00 STATION CLOSE (G)</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 THE REAL GHOST BUSTER (G)</p> <p>4.30 TEENAGE MUTANT NINJA TURTLES (G)</p> <p>5.00 THE FLINTSTONES (G)</p> <p>5.27 EMTV TOKSAVE</p> <p>5.29 NATIONAL EMTV NEWS BREAK (G)</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR</p> <p>7.00 NEIGHBOURS (G)</p> <p>7.25 EMTV NEWS UPDATE</p> <p>7.30 FAMILY TIES (G)</p> <p>"Love me do"</p> <p>8.00 AUSTRALIA'S FUNNIEST HOME VIDEO SHOW</p> <p>8.26 EMTV TOKSAVE (G)</p> <p>8.29 EMTV NEWS UPDATE (G)</p> <p>8.30 SPORTS ACTION "Rugby League" (G)</p> <p>10.24 NATIONAL EMTV</p> <p>10.29 EMTV NEWS MAGAZINE</p> <p>10.30 THE WACKIEST SHIP IN</p>	<p>THE ARMY "What is honour a word" (G)</p> <p>11.30 EMTV NEWS (REPLAY)</p> <p>11.57 MEDITATION</p> <p>12.00 STATION CLOSE</p> <p>SATURDAY 6th JULY, 1991</p> <p>8.00 TEST PATTERN AND MUSIC</p> <p>12.57 STATION OPEN</p> <p>1.00 WIDE WORLD OF SPORTS (G)</p> <p>5.00 LAVERNE & SHIRLEY</p> <p>5.27 EMTV TOKSAVE (G)</p> <p>5.29 NATIONAL EMTV NEWS BREAK</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 HEY HEY IT'S SATURDAY</p> <p>8.22 EMTV TOKSAVE</p> <p>8.25 EMTV NEWS</p> <p>8.30 HAWAII 5-0: (PGR) "While you are at it, bring in the moon"</p> <p>9.29 EMTV NEWS MAGAZINE</p> <p>9.30 SPORTS SPECIAL (PGR) "Rugby League"</p> <p>11.30 EMTV NEWS (Replay)</p> <p>11.57 MEDITATION</p> <p>12.00 STATION CLOSE</p>	<p>SUNDAY 7th JULY, 1991</p> <p>8.00 TEST PATTERN AND MUSIC</p> <p>10.55 STATION OPEN</p> <p>11.00 WIDE WORLD OF SPORT</p> <p>1.00 BUSINESS SUNDAY</p> <p>2.00 SUNDAY (G)</p> <p>4.00 SPORTS SUNDAY</p> <p>6.00 NATIONAL EMTV NEWS</p> <p>6.23 THE ROAD TO THE 1991 SOUTH PACIFIC GAMES</p> <p>6.30 SPORTS ACTION "Rugby League"</p> <p>7.55 CHIT CHAT WITH SIR PAULIAS MATANE</p> <p>8.00 60 MINUTES</p> <p>8.52 EMTV TOKSAVE (G)</p> <p>8.55 NATIONAL EMTV NEWS UPDATE</p> <p>9.00 SUNDAY NIGHT MOVIE "Vagabond King" (G)</p> <p>11.00 EMTV NEWS (Replay)</p> <p>11.27 MEDITATION</p> <p>11.30 STATION CLOSE</p> <p>MONDAY 8th JULY, 1991</p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS</p> <p>7.00 TODAY SHOW</p> <p>9.00 STATION CLOSE</p>	<p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 KIDS KONA (G)</p> <p>4.30 TEENAGE MUTANT NINJA TURTLES (G)</p> <p>5.00 THE FLINTSTONES (G)</p> <p>5.27 EMTV TOKSAVE</p> <p>5.29 EMTV NEWS BREAK</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 NEIGHBOURS (G)</p> <p>7.25 EMTV NEWS UPDATE</p> <p>7.30 THE GREAT MOROBEEN TV GIVE AWAY GAME SHOW (G)</p> <p>8.00 THE YOUNG DOCTORS (G)</p> <p>8.52 EMTV TOKSAVE</p> <p>8.55 NATIONAL EMTV NEWS UPDATE</p> <p>9.00 FLYING DOCTORS (PGR)</p> <p>9.54 EMTV NEWS UPDATE</p> <p>9.59 EMTV NEWS MAGAZINE</p> <p>10.00 SPORTS ACTION</p> <p>11.30 EMTV NEWS (REPLAY)</p> <p>11.57 MEDITATION WITH PASTOR WALO ARNI</p> <p>12.00 STATION CLOSE</p> <p>TUESDAY 9th JULY, 1991</p> <p>6.00 TEST PATTERN AND</p>	<p>MUSIC</p> <p>6.27 STATION OPEN</p> <p>6.30 ITN WORLD NEWS (G)</p> <p>7.00 TODAY SHOW (G)</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (G)</p> <p>3.00 SESAME STREET (G)</p> <p>4.00 THE REAL GHOST BUSTERS (G)</p> <p>4.30 TEENAGE MUTANT NINJA TURTLES (G)</p> <p>5.00 THE FLINTSTONES (G)</p> <p>5.27 EMTV TOKSAVE (G)</p> <p>5.29 EMTV NEWS BREAK</p> <p>5.30 HOME AND AWAY (G)</p> <p>5.29 EMTV NEWS BREAK</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 NEIGHBOURS (G)</p> <p>7.24 SOCCER ROUND-UP (G)</p> <p>7.27 EMTV NEWS UPDATE (G)</p> <p>7.30 MEKIM MUSIK</p> <p>8.27 SOCCER ROUND-UP (G)</p> <p>8.30 EMTV NEWS UPDATE</p> <p>8.35 WEDNESDAY NIGHT MOVIE "The Proud & the Profane" (G)</p> <p>9.52 EMTV TOKSAVE</p> <p>9.55 EMTV NEWS UPDATE</p> <p>10.30 SALE OF THE CENTURY (G)</p> <p>11.00 ROBBO'S WORLD TONIGHT (G)</p> <p>11.57 MEDITATION WITH PASTOR WALO ARNI</p> <p>12.00 STATION CLOSE</p>	<p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS</p> <p>7.00 TODAY SHOW</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN</p> <p>3.00 SESAME STREET</p> <p>4.00 THE REAL GHOST BUSTER</p> <p>4.30 TEENAGE MUTANT NINJA TURTLES</p> <p>5.00 THE FLINTSTONES</p> <p>5.27 EMTV TOKSAVE</p> <p>5.29 EMTV NEWS BREAK</p> <p>5.30 HOME AND AWAY</p> <p>6.00 NATIONAL EMTV NEWS</p> <p>6.30 A CURRENT AFFAIR</p> <p>7.00 NEIGHBOURS</p> <p>7.24 SOCCER ROUND-UP</p> <p>7.27 EMTV NEWS UPDATE</p> <p>7.30 MEKIM MUSIK</p> <p>8.27 SOCCER ROUND-UP</p> <p>8.30 EMTV NEWS UPDATE</p> <p>8.35 WEDNESDAY NIGHT MOVIE "The Proud & the Profane"</p> <p>9.52 EMTV TOKSAVE</p> <p>9.55 EMTV NEWS UPDATE</p> <p>10.30 SALE OF THE CENTURY</p> <p>11.00 ROBBO'S WORLD TONIGHT</p> <p>11.57 MEDITATION WITH PASTOR WALO ARNI</p> <p>12.00 STATION CLOSE</p>

G General Exhibition PGR- Parental Guidance Required AO - Adults Only



WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

MIRI AIORI long Ext 203
JOHNATHAN BONIPE long Ext 215
KOSINTO FOSAGU long Ext 218

1991 ATS NA KRAV SO
6 I GO INAP LONG 22 SEPTEMBER long
WAIGANI ATS SENTA

ATS na KRAV SO i save kamap long olgeta yia bilong ama-
masim Independens wiken Na long dispela yia, em ba stap
tu long karamapim Saut Pasifik Gems.

Em wanpela bikpela So tru bilong soim ol kain kain ats na
KRAV

Na kain kain atis, maski biknem o no gat nem, i ken kamap
bilong soim o salim ol droing na kaving samting bilong ol. Ol
lain husat i laik soim ol samting bilong ol i ken toktok wan-
taim

Fay Wright long telepon namba 25 1926 o
Dominique Martin long telepon namba 21 3080

Yu ken kisim ol Infomesen (tok save) pepa na ol Entri
(Aplikesen) fom long ol dispela hap, Soft Touch (Brian Bell),
olgeta stua bilong PNG ColorLab, Card Shop long Boroko,
na long Waigani Ats Senta.

Sapos yu laik mipela i salim ol Entri fom i kam long yu,
orait pulimapim fom i stap daunbilo na salim i kam long dis-
pela adres.

ARTS & CRAFT EXHIBITION,
ARTS COUNCIL OF PORT MORESBY,
P.O. Box 258,
PORT MORESBY.

Telepon namba: 25 1926 o 25 3503

Salim wanpela aplikosen fom na tok save pepa i kam long:

Nem:

Adres:

Ol singsing grup na ol tieta o drama grup wantaim ol lain
bilong autim lektrik o stringben musik na ol lain husat i laik
danis i ken givim nem bilong mekim ol dispela samting long
taim bilong So. Tasol, yupela i mas stretim rot bilong yupela
yet.

Bikpela sapat na sponsa i kam long:

**PANGIA CONSTRUCTION
PTY LTD**

**MOBIL EXPLORATION
NIUGINI**

**PNGBC i gat ol nupela
aua bilong wok**

**Mande i go inap long
Fonde**

9.00am — 3.00pm

Fraide

9.00am — 5.00pm



SUPRIM, NESENEL, DISTRIK NA LOKAL KOT BILONG PAPUA NIUGINI KOMITI BILONG SKELIM OL KOT I NO KAMAP STRET LONG TAIM ASKIM I GO LONG OLGETA PIPEL (PABLIK)

Komiti bilong Skelim ol Kot i no Kamap Stret long Taim i laik askim pablik long
raitim hap ripot na toktok bilong ol dispela samting i stap daunbilo:

- Ol Kot bilong Papua Niugini i save harim stret ol toktok long taim o sampela kot i
save kamap bihain long taim ol i makim long en?
- Wanem sampela samting tru i save mekim na ol dispela kot i no save kamap stret
long taim?
- Yu inap tingim sampela rot em mipela inap bihainim long daunim ol dispela hevi
bilong ol kot i kamap bihain tu o no gat?
- Long ol sampela kot, inap ol Kot i pasim sampela i stap inap sampela taim bihain o
no gat? Long wanem, long sampela taim (olsem long ol birua bilong ka), sampela
samting i mas kamap pastaim bilong stretim ol pipel i kisim bagarap.
- Mipela inap stretim wok bilong ol Kot olsem wanem?
- Siev Jastis bilong Papua Niugini i bin statim dispela Komiti long 15 Me, 1991. Na ol
membra bilong Komiti em:

Siaman: Honorebel T. Hinchliffe
Wanpela Jastis bilong Suprim Kot ov Jastis na Nesenel Kot ov
Jastis

Ol Membra: Mis Minty Mae (Her Worship) Mista B. Takin
Sinia Mejistret Sinia Lial Opisa
Boroko Distrik Kot Opis bilong Pablik Solisita
Boroko, Nesenel Kapitel Distrik Boroko, Nesenel Kapitel Distrik

Mis Royale Thompson Mista S Mogish
Wok wantaim (Partner) Sinia Stet Prosekyuta
Young & Williams, Ol Loya Opis bilong Stet Prosekyuta
Mosbi, Nesenel kapitel Distrik Boroko, Nesenel Kapitel Distrik

Membra: Mista L Newell, I.S.O.
Seketeri Rejistra bilong olgeta Kot

Komiti i laik pinisim olgeta wok bilong em pastaim long mun Mas, 1992 i pinis.

Yu ken salim ol bekim na tingting bilong yu i kam long dispela adres:

The Secretary,
Court Delay Reduction Committee,
C/O Registrar,
Supreme and National Court Building,
P.O. Box 7018,
Boroko, N.C.D.,
Papua New Guinea.

o salim long Fax namba 25 7732.

T. Hinchliffe
Siaman,
Court Delay Reduction Committee.

For draws, point ladders, tables from all
the provincial centres every week in your

THE TIMES &



WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

MIRI AIORI long Ext 203
JOHNATHAN BONEPE long Ext 215
KOSINTO FOSAGU long Ext 216



KIVUNG BILONG OL SIAHOLDA LONG KAMPANI BAI
KAMAP LONG OPIS BILONG KAMPANI, MALAGUNA ROAD,
RABAU LONG FRAIDEI 26 DEI LONG MUN JULY 1991,
LONG K10 KILOK LONG MONING.

BISNIS

1. Ripot long ol wok bisnis bilong Kampani, na tu ripot bilong ol Dairekta long yia 1990.
2. Ripot bilong Odita.
3. Makim 3 pela dairekta long kisim ples bilong:-

Nason Palom
Joseph ToKabi
Hosea Turbarat

Ol dispela Dairekta ol i pinis, tasol ol ilaik sanap resis gen long Dairekta.

4. Pei bilong ol Dairekta.
5. Makim Odita.
6. Arapela bisnis.

Namba 4 dei long mun July 1991.

Bihainim tok orait bilong Bod.

J.I. OCKLEY
Sekretari

SOGERI SINGSING

SATURDAY
JULY 13
9AM - 5PM

AT SOGERI NATIONAL HIGH SCHOOL

CULTURAL EVENTS 9AM - 12NOON DANCING 1PM - 5PM

FOOD & DRINKS

SALE OF SOGERI ART,
CARDS, BOOKS & T-SHIRTS

PARKING ON SCHOOL
GROUNDS WITH
FULL SECURITY

ADULTS K3.00
CHILDREN K1.50


TO AVOID LONG
QUEUES ON THE DAY,
BUY YOUR TICKETS
NOW AT:

THE SOFT TOUCH
MANUFACTURE
GIRL GUIDES HAND-
CRAFT SHOPS AT KOKI,
TRAVELODGE AND
ISLANDER TRAV-
ELODGE HOTELS

STUDIO Y - YWCA
UNIVERSITY BOOK
SHOP



SPONSORED BY THE



PAPUA NEW GUINEA BANKING CORPORATION

COME EARLY TO
AVOID TRAFFIC

DO YOU REALLY MEAN BUSINESS

?

Then don't keep it to yourself
Tell Papua New Guinea
through

PNG
BUSINESS

For Editorial/Advertising Enquiries:

Tel. 25-2500

Fax: 252579

P.O. Box 1982, Boroko.

BAIM WANTOK

na save long
ol kainkain
samting i kamap
—long PNG



Always
a step
ahead
with

THE TIMES

BIRTHDAY GREETING MESSAGE



Happy birthday to mum
DIANA who will be turn-
ing 22 on 6/7/91. Birthday
wishes coming your way from
son TALU and Daddy. We luv
ya, mum. U're great.

**N1 Nambawan
Finance Limited**
Telephone 25 6496 25 8116

FOR RENT

NAMBAWAN HAUS NITA STREET BOROKO

1st floor — K1870 per month 136m²

1st floor — K662 per month 34 2m²

1st floor — K1417 per month 103m²

2nd floor — K1100 80m²

2nd floor — K840 per month 67m²

For more information phone 25-3666



SOFBAL

Kila 2 i aut pinis long resis

BOMANA SOFBAL RIPOT

FAY DUEGA i raitim

BOMANA op sisen sofbal resis bai i sot long wangepa tim long dispela wiken long Sande 7 Julai, 1991.

Bikos Kila 2 tim bilong Bomana resis i pinis nau long resis.

Kila 2 i bin lusim tupela gem long fofit. Ol eksekutiv bilong asosiesen i givim wangepa sans long em long las wik. Tasol las wik em i no kamap long pilai.

Olsem na ol i rausim em olgeta long resis.

Opisal husat i go pas long ogenaisim ol resis, Andrew Moi i tok Kila 2 i abrusim tripela gem we lo bilong gem i tambu long en. Em i tok

BOMANA OP SISEN DRO RAUN NAMBA 11

SANDE 7 JULAI, 1991.

Taim Daimon	Pilai
1.00pm	D1 CIS vs McGregor 2
2.30pm	D1 Dok Yunit vs Kila 1
4.00pm	D1 McGregor 3 vs Bomana Staf
1.00pm	D2 Bomana 2 vs McGregor 4
2.30pm	D2 Gordons 1 vs Bomana 3
4.00pm	D2 Bomana 1 vs Gordons 1

Risal bilong las wiken:

Daimon Wan:

Bomana 3 def Kila 2 (long fofit)

McGregor 1 def Gordons 1 15-6

McGregor 4 def McGregor 2 18-2

McGregor 3 def Bomana 2 8-7

Daimon 2:

Bomana 1 def Kila 1 23-2

Bomana 4 def CIS 7-4

tripela moa gem tasol i stap bipo long gren fainal i stat, na Kila 2 i lusim resis nau.

Ol tim husat i bin stap long dro long pilaim Kila 2 bai i kisim tupela isi poin long fofit.

Las wik em Bomana 3 i kisim tupela poin. Bikos ol pilaia bilong Kila 2 i no kamap long pilai wantaim em.

Dispela wiken bai CIS i pilai wantaim McGregor 2. Dispela gem bai i kamap long daimon wan long wan klok apinun (1.00pm). Dispela bai i wangepa strongpela gem stret.

Dok Yunit bai i bungim Kila 1 long 30 minit i lusim 2 klok apinun (2.30pm). Dispela gem bai i kamap long daimon wan.

Narapela gem em McGregor 3 bai i bungim Bomana Staf long daimon wan.

Tupela tim wantaim i bin winim gem bilong ol long las wiken. Olsem na dispela bai i wangepa strongpela gem tru.

McGregor 4 bai i bungim Bomana 2 long daimon 2 long 1 klok apinun (1.00pm).

Bomana 2 bai i strong long dispela gem. Bikos las wiken, liklik taim em i kisim bikipela mekim save i kam long McGregor 3.

Tasol em i strong na i lus 8-7 long gutpela skoa liklik.

Olsem na dispela wiken, na em bai i traिम long pilaim wankain pawa bilong em long autim McGregor 4.

Godons 1 bai i bungim Bomana 3. Dispela gem bai i kamap long daimon 2 long 30 minit i lusim 2 klok apinun (2.30pm).

Bomana 3 i mas trening moa, na redi gut long dispela gem. Bikos em i no bin pilai long las wik.

Las wiken em i kisim tupela isi poin long fofit egensim Kila 2.

Olsem na em i mas kisim bek pawa bilong em long mekim save long ol meri bilong Godons 1.



• Em wok bilong sofbal we yu mas pundaun sampela taim long putim skoa bilong tim.

• Susa ya i no abrus bikos bal i hait pinis long han bilong em.
• (antap) Sapos beta i redi, pitsa i redi long tromoi bal longem.



BENSON and HEDGES

MOSBI SOKA RISAL

Primia Divisen:
 Westpac 3 b Verave 0
 Sobou 1 b G.F.C. 0
 Kurti Andra 2 vs Rapatona 2
 Golo 2 b Guria 1
 University 4 b Defence 0
 Amalpak M.U. 2 b B/Kumuls 1

1st Divisen:
 Buresong 3 vs Milne Bay 3
 Kula 2 b Nali 1
 S.T.C. 2 b Tarangau 1
 B.F.C. vs Bao Mitas (deferred)
 Koupa 2 b Air Niugini 0

2nd Divisen:
 Tarangau 2 b Amazon Bay 1
 Korion 2 vs Maniota 2
 Wanzesi 2 b Gala United 1
 Losegu 1 b Sulem 0
 Mana 3 b Bao Mitas 2
 Cloudy Bay 2 b B.F.C. 0
 Mt. Obree 3 b Buresong 2
 Oruka 1 b Elcom 0

Primia Risev Divisen:
 G.F.C. 1 vs Sobou 1
 Westpac 3 b Verave 1
 Kurti Andra 5 b Rapatona 1
 Golo 4 b Guria 2
 B/Kumuls 1 b Amalpak 0
 University 4 b T. Defence 2

Wlmen Divisen:
 Guria 4 b Kurti Andra 0
 Wanzesi 2 b University 0
 Milne Bay 11 b Koupa 0
 Sobou 8 b T. Defence 0
 G.F.C. 0 vs Amalpak 0
 Kula 2 b B/Kumuls 0

Anda 19 Divisen:
 Rapatona 2 b Bao Mitas 0
 Amalpak 1 vs Guria 1
 Kurti Andra 2 b Buresong 0
 Sobou 2 b Westpac 1
 Verave 3 b B/Kumuls 1
 Golo 0 b T. Defence 0
 University vs G.F.C. (deferred)

First: Wanzesi bye.



Enga Soka Asosiesen Poin Tebol 01/07/91

Snia Man

Team	Play	Win	Draw	Lost	For	Ag	Goals	Goal Diff	Points
Moku	13	9	2	2	31	9	22		20
Tarakum	13	8	2	3	23	15	6		18
Teachcom	13	8	1	4	26	17	9		17
United	13	5	4	4	19	16	3		14
Buresong	13	5	3	5	21	15	6		13
Amagain	13	4	4	5	24	24	0		11
Enga Blues	13	4	3	6	23	28	-6		11
Elcom	13	4	1	8	11	19	-8		9
Enga Royals	13	3	3	7	21	25	-4		8
TN Club	13	1	3	9	10	28	-19		5

*Sorry games under dispute
 Note* Points deducted for player not cleared

Junia Man- Final Table

Buresong	12	8	4	0	23	8	15		20
Amagani	12	5	5	2	15	9	6		15
Teachcom	12	6	2	4	14	8	6		14
Tarakum	12	4	4	4	16	16	0		12
Moku	12	4	3	5	12	13	-1		11
Kumuls	12	4	2	6	13	14	-1		10
Tn Club	12	0	4	8	5	24	-19		4

Wimen

Teachcom	14	9	4	1	34	8	26		22
Amagani	14	7	5	2	26	19	16		19
Yab East	14	7	5	2	22	10	12		19
Moku	14	8	3	3	17	8	9		19
Kumuls	14	5	5	4	10	14	-4		15
United	14	5	4	5	19	13	6		14
Tapi	14	4	4	6	13	18	-5		12
Buresong	14	2	6	6	9	26	-17		10
Tarakum	14	2	1	11	9	20	-30		5
TN Club	14	1	3	10	5	35	-30		5

Sarere 29 Jun, 1991

Taim	Div	Fil	Pilai
12:00pm	Jun	G1	Moku vs Amagani
1:30pm	Wom	G1	United vs VTN Club
4:30pm	Sen	G1	Enga Blues vs Tarakum
12:00pm	Jun	G2	Teachcom vs Buresong
1:30pm	Wom	G2	Buresong vs B/Kumuls

Sunde 30 Jun, 1991

1:30pm	Jun	G1	Tarakum vs B/Kumuls
4:30pm	Sen	G1	Amagani vs Moku
1:30pm	Wom	G2	Yab Is vs Amagani

BYE: TN Club
 • Dispela em ol fainnal gem bilong Junia kompetisen. Ol fainnal bai i kamap bihain long Nesenel sempionsip.
 Na ol arapela gem bai i kamap bihain long wiken bilong 27 na 28 Julai, 1991 Bikos Enga Soka Asosiesen i rere nau long lukautim Junia sempionsip.

Ol Soka bilong las wiken:

Ol resis bilong ol Junia man	teachcom del Elcom 1 0
Amagani del Moku 1 0	Moku del Amagani 4 1
Buresong del Teachcom 1 0	
Tarakum dro Kumuls 0 0	
Resis bilong ol sinia man:	Resis bilong ol meri:
Tarakum del Enga Blues 3 0	United del TN Club 3 0
Buresong del United 3 0	Kumuls del Buresong 1 0
Enga Royals dro TN Club 1 1	Teachcom del Tapi 2 1
	Yab East dro Amagani 0 0
	Moku del Tarakum 3 0 (by forfeit)

Madang Anda 16 tim redi long taitel

YAKAM KELO i raitim

ANDA 16 tim bilong Madang long Nesenel Anda 16 sempionsip i redi pinis. Nesenel Anda 16 sempionsip bai i kamap long Wabeg, Enga provins long 20-21 Julai, 1991.

Kosa bilong skwat, Johannes Grengo i tok em wantaim namba tu bilong em, Bonny Bongo i bin sindaun long las wiken, na makim ol fainnal 22 pilaia.

Namba wan trening skwat i gat 60 pilaia olgeta.

Hia em nem bilong ol pilaia insait long 22 pilaia fainnal tim:

Robert Norm (Momase), Steven Asin (Mimlon), George Yambre (Air Niugini), Mukar John (Momase),

Adam Kikipa (Madang Blues), Simon Wala (Madang Blues), David Lambert (Momase), Ismael Tomsqual (Madang Blues), Chris Guam (Watabag), Sammy Awele (Momase), Kambing Deki (Momase), Nasa Wangu (Air Niugini), Steven Polongkes (Madang Blues), Kumuna Mullun (Momase), Chris Kaukesa (Momase), Pius Pokorom (Gala United), Mike Yoga (Spiders), Moses Wato (Mimlon), Kawi Kerowe (Spiders), Robert Teddy (Madang Blues), Jack Koni (Gala United), David Kaukesa (Momase).

Tripela pilaia husat bai i sambai long wanem kain bagarap i kamap long ol pilaia em Allan Pepai (Watabag) Michael

Kaith (Mimlon), na Kubu Doi (Momase).

Ol tim opisal em, Johannes Grengo (het kosa), Bonny Bongo (asisten kosa), Peter Boski (menesa), na Patrick Kiromat (tim

dokta). Johannes i gat bilip long Anda 16 skwat bilong em long dispela tonamen. Em i tok planti pilaia insait long tim em ol gutpela pilaia. Na ol i redi long givim strongpela

salens egensim ol arapela senta.

Nau yet tim i save trening long 4-pela de long wanpela wik. Dispela em long Mande, Tunde, Fonde na Fraide.

Kas bilong Paulus Savo yet



• Nesenel pilaia, Paulus Savo i skulim yangpela bilong Verave long las wiken gem long Mosbi primia resis. Westpac i win 3-0.

Mimlon redi long fainnal

i kam long pes 22

Arapela bikpela resis tu bai kamap namel long tupela goli i save wokim stail. Victor Karson bilong Momase na Giring Som bilong Mimlon.

Tupela goli i stail tru. Na ol bai putim kamap gutpela salens long lukautim umben bilong tupela.

Kasen i noken so-op tumas. Nogut yu bai brukim han na John Peka bai rausim yu long nesenel training kem.

Air Niugini i wok long ran long namba 4 ples. Na ol lain pele long Karkar Ailan na Bagbag, Watabag i stap long namba tri ples.

Lae Bisket Kap tonamen pulim laik

KIMBE RIPOT

YAKAM KELO i raitim

PLANTI distrik long Wes Nu Briten provins i soim bikpela laik stret long pilai insait long Lae Bisket Kap tonamen. Dispela tonamen bai i kamap long 11-13 Oktoba, 1991.

Wanpela komiti memba bilong Tonamen Ogenaising Komiti, Mathias Ire i tok pastaim ol i bin kisim nem bilong 6-pela distrik. Tasol sampela moa nem i kam insait yet.

Nupela nem i kam insait pinis long em NBPOD (Mosa) wantaim Passis Manua. Tupela distrik ya i mekim namba bilong tim long pilai insait long tonamen i goap long 8-pela olgeta.

Mathias i bilip olsem moa nem bai i kam insait yet. Na komiti i bilip olsem 12-pela tim tasol bai i kik. Tasol namba bai ating i goap long 14 olgeta.

Olgeta tim long wan wan distrik husat bai i kam pilai long dispela tonamen i mas baim nominesen fi, na stretim olgeta samting bipo long Sarere 31 Ogas, 1991. Bikos komiti i no inap kisim moa tim bihain long dispela de.

Mathias i tok taim dispela tonamen i stat long 1986, ol wan wan husat i bin kamap long pilai i bin lukautim ol yet long olgeta samting. Ol yet i mas baim haus slip, trenspot, kaikai na ol arapela fi bilong ol tu wantaim.

Olsem na tonamen bilong Ogas, 1991 bai i wankain yet. Wan wan tim bai ilukautim ol yet, we nogat helpim bai i kam long Tonamen Ogenaising Komiti.

Mathias i tok komiti bai i toktok tu long lukim sapos ol i ken askim ol ausat provins tim tu long kik insait long dispela tonamen long sampela yia bihain.

Rausim namba tu divisen long Bisini

PLANTI taim mi save tingim olsem, watpo bai mi tokaut long ol samting we i nogut long ai bilong mi insait long soka? Bikos sapos mi autim ol stori nogut, nem bilong soka tu bai i go nogut. Tasol, wanpela samting nogut tru i kamap long las wiken long Bisini ples pilai. Na i mekim mi i senisim tingting olgeta.

Tingting bilong mi nau i bilong autim olgeta samting. Sapos em i gutpela, bai mi autim. Sapos em i nogut tu, em bai mi stori long en. Long las wiken, tripela man olgeta i kisim bikpela bagarap tru na i slip nau long haus sik. Mi prea olsem bai papa God i noken kisim laip bilong ol yet.

Dispela asua i stat long ol pilaia. Bihain, ol sapota i ran i go insait

long fil na raunim ol pilaia bilong wanpela tim nambaut. Tripela pilaia ya i no ranawe kwik. Olsem na ol i slip nau long haus sik.


Pastaim tru, ol referi i wok long kisim bagarap long han bilong ol pilaia na ol sapota. Nau, yumi lukim ol pilaia i wok long kisim bagarap. Klostu bai ol sapota tu... Mi prea tasol olsem wanpela lapun o pikinini i no ken bagarap.

Dispela kain samting i no kamap tasol long soka. Nogat. Ragbi Lig hia long Papua Niugini em i as bilong dispela kain pasin tu. Husat manmeri i save bihainim ol osi ruls long kantri bai i save long dispela kain pasin.

Wanem we em ol spot long kantri i wok long kisim nau long train lukautim ol reperi, ol pilaia na ol sapota tu? Mi yet laikim bai

soka i mas go pas long askim dispela kwesten.

Em i mas go pas na painimaut wanem ol we tru i stap long traim banisim ol dispela trabel i no ken kamap long soka. Long las wiken,



mi lukim pasin we i mekim mi i gat bikpela be' hevi tru long Mosbi Soka Asosiesen.

Tupela samting i mas kamap kwik long Mosbi soka. Namba

wan samting em long rausim ol namba tu divisen i go kik long GFC o difens graun. Dispela singaut i kam long maus bilong planti ol bikpela saveman bilong soka hia long Mosbi. Tasol ol ekekyutiv bilong PMSA i pasim yau, na opim maus na lukluk tasol i stap.

Planti manmeri i laik lukim anda 19 soka resis long Bisini.

Sapos ol ekekyutiv i mekim dispela samting bipo yet, trabel bilong las wiken bai i no inap kamap. Trabel i bin kamap long ol namba tu divisen. Namba tu samting tu i mas stat kwik, em long PMSA i mas putim ol plisman o sekyuriti olgeta wiken nau long Bisini.

Sekyuriti bilong ol pilaia, reperi

na ol sapota tu i mas go pas nau long tingting bilong ol PMSA eksekutiv. Sapos dispela tupela samting mi tokaut long en ya i no stat long dispela wiken, ol eksekutiv i mas mekim bikpela tokaut olsem.... Neks wiken, ol bai i stat.

Long ol tripela man pilaia husat i kisim bikpela bagarap long las wiken o ol bikman bilong ol man ya i laik save wanem samting ol bai i mekim nau. Mi ken helpim stiaim tingting bilong yupela.

Mi laik helpim yupela givim ripot i go long PMSA. Na askim PMSA long wanem rot em inap stretim ol tripela ya. Yupela i ken ringim mi long telepon namba 27 4951(wok)

Nogat sin pet - nogat pilai

ELIZABETH SOLOMON i raitim!

LAE Futbol Asosiesen (LFA) i askim nau olgeta soka pilaia long putim sin pet bilong lukautim lek taim ol i pilai.

Sin pet em hap plastik bilong putim long fran bilong lek, na bihain putim soken i go antap long en.

Sekeieri bilong LFA, Philip Awak i bin tokaut long dispela long las wik Tunde.

Toktok bilong sin pet i bin kamap bipo yet. Na LFA i ting dispela wanpela bikpela samting. Tasol las wik ol referi i glasim na lukim olsem dispela em bikpela samting.

Nau yet planti soka pilaia bilong LFA i no tingting tumas long putim sin pet. Tasol Awak i tok ol i mas stat lainim long putim. Bikos dispela em i wanpela lo bilong intanesenel soka bodi, FIFA em PNGFA i

membra long en.


Olsem na long pinis bilong mun Me, ol referi i bin skelim gen dispela toktok. Na givim strongpela tok lukaut nau long ol pilaia. Ol i tok sapos ol pilaia i no putim sin pet, bai ol i no inap pilai. LFA i sapotim ol referi long dispela.

Philip i tok sin pet i wankain olsem ol arapela spot yunifom olsem su, soken, na trausis. Olsem na olgeta pilaia i mas putim sin pet long taim bilong pilai.

Sapos ol pilaia i nogat sin pet. Ol i mas yusim bilong narapela pilaia sapos ol i laik pilai, Awak i givim strongpela tok lukaut olsem.

Las wiken sampela pilaia i bin stat long yusim sin pet. Philip i makim olsem long neks wik samting bai planti pilaia i putim sin pet. Na dispela bai i gutpela tru.

Dispela senis bai i stapim planti bagarap long kamap long lek bilong ol pilaia.



• Difens pilaia long lephan i laik putim lek i go namel long kisim bal long Yunivesiti pilaia. Difens i no strong na Yuni i win 4-0 long Mosbi primia kik las wiken. Poto Misako Elemiah.

Nagai givim yesa pinis long Wewak

WEWAK Soka Asosiesen i kisim tok orait pinis bilong lukautim Momase Rijinel tonamen. Tonamen ya bai i kamap long Oktoba, 1991.

Asosiesen i kisim dispela tok orait i kam long bikman bilong Momase Rijinel soka bodi, Richard Nagai long Lae.

Mausman bilong Wewak Soka Asosiesen, David Pandi i tok wok rere i go het nau. Provinsal spot kodineta, Terence Moka i go pas long Tonamen Ogenaising Komiti long redim ol samting.

Ol tim husat bai i kik insait long tonamen em Wewak, Sepik Kantri, Madang, Lae, Morobe Kantri, na Vanimo. Wewak i no save yet sapos Madang Kantri bai i kik tu o nogat.

Nominesen fi bilong baim na kik em lain bilong Richard Nagai i no pasim tok orait yet long en, Pandi i tok.

Na Wewak Soka Asosiesen bai i pinisim olgeta primia gem bilong em long dispela wiken. Na bihain long Somare Sil tonamen bai kik bilong

fainal i stat.

Somare Sil tonamen bai i kamap long 20-23 Julai, 1991.

Nau yet olgeta klap i baim pinis pilaia na klap resistresen fi, na asosiesen i amamas tru.

Wewak United wantaim Tarakum i go pas nau long lata. I gat bikpela bilip olsem tupela bai i bung long gren fainal. Ol tim husat i sindaun long namba 3 ples na go daun em asosiesen i no stretim yet poin bilong ol.

Long kik bilong Somare Sil tonamen em ol opisal i skruim las de bilong baim K200 nominesen fi i kam long Sande 7 Julai, 1991.

Pandi i tok Rijinel Memba bilong Is Sepik, na Foren Afeas Minista, Sir Michael Somare i givim K2,000 mani pinis. Dispela mani em ol opisal bai i yusim olsem prais mani.

Pandi i tok ol ausait tim i mas kamap long Wewak bipo long Sarere 20 Julai.

Mimlon redi long winim maina primia taitel

HENRY MORABANG i raitim

BIKPELA kik resis bilong winim maina

primia taitel bilong Madang Soka Asosiesen bai i stap namel long Mimlon na Momase. Dispela gem

bai i kamap long Sarere.

Mimlon nau i sindaun long namba wan ples. Na em i gat 20 poin

bihain long ol i autim tiket bilong Air Niugini 3-2 las wik. Momase i sindaun long namba tu ples long 19 poin.

Momase tu i bin wilwilim stret Madang Blu long tripela gol stret. Na ol Madang Blu i no bekim wanpela. Ol i karim kiau ya.

Ol sapota bilong soka long Madang i mas tingim. Sapos wanem tim i winim dispela gem bai winim taitel. Bikos i gat wanpela gem tasol long pinisim olgeta kik bilong primia divisen.

Husat bai laki.

Ripot i kam long Madang i soim olsem, wanem tim i gat gutpela midfil bai winim dispela kik.

Long sait bilong Mimlon, ol i gat intanesenel pilaia, James George. Em i bin pilai long Melanesian Kap kik resis long New Caledonia na tu em memba bilong training skwat bilong PNG.

Yangpela boi Trobrian Ailan bai go pas long midfil bilong Mimlon. Billy "kensa" Diwong bai poromanim em long midfil. Taim James na Billy i poroman long namel, i nogat arapela ol birua tim inap brukim banis bilong tupela.

i go moa long pes 21



• Em kain kik bilong nambawan divisen resis long Mosbi. Kas bilong Air Niugini yet long las wiken gem long Bisini Graun.

PEKA BEKIM TOKTOK

WAN WAN pilaia bilong nesanel soka tim i gat save long wanem wok bilong em long mekim long 1991 Saut Pasifik Gems. SP Gems bai i kamap long Mosbi na Lae Siti long 7-21 Septemba, 1991.

Nesanel kosa John Peka i tok fainal tim i kam aut pinis. Na em i gat bikpela bilip long tim em i makim. Em i tok planti manmeri tu i soim sapot na bilip long fainal skwat bilong em.

Em i tok dispela em wanpela gutpela skwat. Na em i gat nambawan 11-pela pilaia bilong em pinis.

John Peka i tok as tingting bilong holim trening kem em long:

- kosa i skelim ol pilaia na traim long kamap wantaim plen bilong pilai;
- painimaut na kamapim namba wan 11-pela pilaia; na
- luksave long wanem posisen i gutpela na orait long wan wan pilaia.

John Peka i tok sampela pilaia i ken pilaia gut moa long wanpela posisen, tasol kosa i mas luksave gut tru long wanem posisen stret i

gutpela long dispela pilaia.

Em i tok namba wan 11 tim bilong em i stap pinis bikos olsem kosa, em yet i stap wantaim ol, na holim trening wantaim ol. Olsem na kain samting olsem i no inap long abrus.

Peka i tok em i makim skwat bilong em pinis. Bikos olgeta pilaia ya i bin kamap long namba tu trening kem long Lae.

Em i tok bai i no gutpela sapos em i mekim senis long wanpela pilaia husat i givim taim bilong em pinis long kamap long trening.

Las wiken long Goroka, PNGFA i kibung na pasim tok orait long givim tripela wik long nesanel skwat i holim namba tri trening kem long Lae.

John Peka i welkamim dispela tok orait bilong PNGFA. Bikos skwat i mas gat longpela taim liklik moa long trening wantaim.

Em i tok PNGFA i askim long skwat i tokaut long baset bilong em. Olsem na skwat menesa, Peter Seske i wok long dispela yet.

Momase tonamen kibung bai kamap

YAKAM KELO | raitim

KIBUNG bilong tokaut long holim Momase Rijinel tonamen bai i kamap long Madang long Sarere 20 Julai, 1991.

Presiden bilong Lae Futbal Asosiesen (LFA) na nesanel kosa, John Peka i tokaut olsem long dispela wik. Em i tok dispela kibung long Madang i bilong tokaut stret long ol samting bilong dispela tonamen.

Insait long kibung ya bai ol i toktok long wanem samting i mas redi long taim bilong tonamen.

John Peka i tok ol wan wan asosiesen insait long Momase rijin bai i kamap long dispela kibung. Hia em sampela het tok o ajenda bilong kibung:

- Makim opisal;
- Afiliesen fi;
- Tonamen fi; na
- Prais bilong ol tim i kisim bihain long tonamen.

John Peka i tok mani bilong lukautim dispela tonamen i no kam aut yet.

Em i tok LFA i bin mekim wanpela askim i go long 4-pela provinsal gavman bilong Momase rijin

pinis. Tasol wanpela bekim i no kamap yet.

Em i tok Morobe provinsal gavman i bin autim pinis baset bilong em. Olsem na ol bai i wet tasol long lukim sapos Morobe provinsal bai i givim helpim bilong em o nogat. Tasol Peka i no save long tingting bilong Madang, Sandaun na Is Sepik provinsal gavman. Is Sepik provinsal gavman i stap aninit nau long lukaut bilong edministreta, bihain long nesanel gavman i rausim gavman bilong primia Bruce Samban.

Hia em ol as na Peka i askim 4-pela provinsal gavman long givim sapot long sait bilong mani:

- Ol 4-pela provinsal gavman i mas strongim soka insait long ol rijin;
- Bungim olgeta manmeri long rijin wantaim long pilai soka;
- Pasin bilong kamapim amamas na gutpela sindaun namel long ol manmeri wantaim spot;
- Strongim na kirapim soka insait long ol taun na ples na olgeta provins.

John Peka i tok namba bilong mani LFA i bin askim i no K10,000 we Wantok Niuspepa i bin riportim long bipo. Mak bilong mani Peka i makim em K20,000.



• Kas ya i strong tru na banisim gut bal long ol pilaia bilong Air Niugini long Mosbi soka resis bilong nambawan divisen long las wiken.

Lae makim Anda 16 tim pinis

YAKAM KELO | raitim



LAE Futbal Asosiesen (LFA) makim pinis Anda 16 skwat bilong pilai insait long Nesanel Anda 16 semptionsip. Nesanel semptionsip bai i kamap long Wabeg long 21 na 22 de bilong Julai, 1991.

Anda 16 kosa, Rupert Romni i bin tokaut pinis long fainal skwat. Hia em nem bilong ol pilaia insait long skwat:

Paul Nata, Mark Gwaleam, Gesong Oiye, Bis Buka, Awoi Benao, Wakai Thomas, Dim Becky, Narol Orere, Jerry Oattie, Jack Yagung, Mathias Peter, Erol Benuna, Nigel Bamabas, Alisa Jure, Motsi Solomon, Peter Nathan, Yafon Morgan, Thomas Vincent, Goilee Tingkeo na Ebo Allan.



• Pilaia bilong Westpac i pundaun slip long graun na kas bilong Verave i apim lek long long klsim bal. Westpac i win 3-0.



MOSBI SOKA ASOSIESEN DRO
RAUN 2: WIK 7

Sarere 6 Julai 1991.

Taim	Divisen	Graun	Pilai	
9:00	1st	B1	University	v Amalpak M.U.
9:30	Wom	B1	BFC	v Wanzesi
10:00	1st	B1	University	v T. Defence
10:30	1st	B1	Buresong	v Kula
11:00	1st	B1	BFC	v Milne Bay
11:30	2nd	B2	Amazon Bay	v Korion
12:00	Wom	B2	GFC	v Guria
12:30	2nd	B2	Losegu	v Tarangau
1:00	Pre	B2	T. Defence	v Sobou
1:30	Pre	B2	University	v Amalpak M.U.
2:00	U19	GFC	Kurti Andra	v Amalpak M.U.
2:30	U19	GFC	University	v B. Kumuls
3:00	Wom	GFC	Rapatona	v Guria
3:30	2nd	GFC	Mt Obree	v Mana
4:00	2nd	GFC	Maniota	v Elcom
4:30	U19	Defence	GFC	v T. Defence
5:00	Wom	Defence	Kurti Andra	v Wanzesi
5:30	Res	Defence	T. Defence	v Sobou
6:00	Res	Defence	B. Kumuls	v Westpac

Bye: Wanzesi (1st)

Sande 7 Julai, 1991.

Taim	Divisen	Graun	Pilai	
9:00	Res	B1	Guria	v GFC
10:30	2nd	B1	Cloudy Bay	v Sulem
12:30	1st	B1	Wanzesi	v Tarangau
2:00	Pre	B1	B. Kumuls	v Westpac
4:00	Pre	B1	Guria	v GFC
9:00	U19	B2	University	v GFC
10:30	Wom	B2	Kula	v sobou
12:35	1st	B2	Nali	v S.T.C
2:00	Pre	B2	Golo	v Kurti Andra
4:00	Pre	B2	Verave	v Rapatona
11:30	U19	GFC	Sobou	v Rapatona
1:00	Women	GFC	Koupa	v Amalpak M.U.
2:30	2nd	GFC	Golo	v Kurti Andra
4:00	Res	GFC	Verave	v Rapatona
10:00	U19	Defence	Guria	v Westpac
11:30	U19	Defence	Verave	v Buresong
1:00	Women	Defence	Milne Bay	v B. Kumuls
2:30	Second	Defence	Gala United	v Buresong

Bye: First Koupa, Air Niugini
Second Oruka
U19 Colo

Suspended teams First: Bao Mitas
Second: bao Mitas
Under 19: Boa Mitas

MID WEEK DRAW
SECOND DIVISION WEEK 3

Monde 8 Julai 1991

4:45	2nd	B1	Cloudy Bay	v Elcom
4:45	2nd	B2	Tarangau	v Mt Obree

Tunde 9 Julai 1991

4:45	2nd	B1	Wanzesi	v Amazon Bay
4:45	2nd	B2	Training	

Trinde 10 Julai, 1991

4:45	2nd	B1	Sulem	v Gala United
4:45		B2	Squad Training	

Fonde 11 Julai, 1991

4:45	2nd	B1	BFC	v Losegu
4:45	2nd	B2	Cloudy Bay	v Oruka

Note: Fees: K3.00 per team. Official referees
K6.00 per game

Nesenel Wimens kik long Ogas

Kas bilong Moses To'ope



• Moses To'ope (lephan) bilong Westpac i laik kisim bal long pilala bilong Verave long Mosbi soka resis las wiken. Westpac i winim dispela kik 3-0. Poto Misako Elemiah.

PNGFA i orait pinis long nupela taim bilong holim Nesenel Wimens sempionsip.

Dispela kik bai i kamap nau long 23-25 Ogas, 1991 long Hagen. PNGFA sekeri, Idris Kumbruwah i tok dispela tok orait i bin kamap long taim ol opisal bilong PNGFA i kibung long Goroka las wiken.

Kumbruwah i tok em i askim olgeta provinsal asosiesen husat i afiliat pinis long PNGFA long salim tim i go long Hagen. Na i salim tok sore long senis em i bin kamap long bipo.

PNGFA i bin makim olsem kik ya bai i kamap long Lae long Jun. Tasol planti senta i no baim nominesen fi long kik. Olsem na PNGFA i skruim taim i go long Ogas.

PNGFA i askim olgeta memba senta long salim tim. Bikos dispela bai mekim resis i kamap strong. Nau yet Goroka, Enga na Madang i redi pinis wantaim nominesen fi bilong ol. Save i stap olsem Mosbi, Lae, Kimbe, Vanimo na Hagen bai i kamap tu.

Nominesen fi em K300. Tasol ol tim bai kisim bek K50 sapos ol i kamap long tonamen. Las de bilong baim dispela fi em Trinde 31 Julai, 1991.

INSAIT

• Madang Anda 16 tim redi p21

• Lae Bisket Kap kik ripot p21

• Ol provinsal dro na lata p21

SOFBAL RIPO
- pes 20

• Lae makim Anda 16 tim p23

• Wewak kisim tok orait pinis p22

• Lae/Nogat sin pet - nogat pilai p22

• Momase tonamen kibung bai kamap long Madang p23

KIKBEK WANTAIM PISE
- pes 22

MOSBI SOKA LATA

Premier Division Ladder 03/07/91

Division	Played	Win	Draw	Lose	For	Against	Points
University	16	11	3	2	50	17	36
Amalpak M.U	17	10	4	3	34	30	34
G.F.C	16	8	7	1	27	12	31
Rapatona	17	6	8	3	27	18	26
Mobil Sobou	17	7	5	5	33	27	26
Guria	17	7	4	6	28	26	25
Golo	17	6	3	8	29	28	21
Westpac	17	4	7	6	23	24	19
Kurti Andra	17	4	6	7	25	31	18
Blue Kumuls	17	5	3	9	19	35	18
T. Defence	17	2	5	10	33	38	11
Verave	17	3	1	13	22	36	10

1st Division Ladder 03/07/91

Koupa	17	12	4	1	35	15	40
B.F.C	16	10	4	2	30	15	34
Bao Mitas	16	9	3	4	37	20	30
Air Niugini	17	8	5	4	27	21	29
Kula	17	7	5	5	27	24	25
Tarangau	17	5	4	8	22	28	20
Nali	16	4	6	6	14	22	19
Steamships	16	5	4	7	24	25	19
Milne Bay	16	4	2	10	22	34	14
Buresong	15	2	5	8	21	33	11
Wanzesi	16	1	3	13	17	37	6

2nd Division Ladder 03/07/91

Losegu	17	11	5	1	24	9	38
Wanzesi	18	11	4	3	48	15	37
Korion	17	11	2	4	41	25	35
Mt Obree	17	11	2	4	40	30	35
Amazon Bay	18	10	3	5	49	26	33
Bao Mitas	18	9	5	4	28	24	32
Maniota	18	8	6	4	32	27	30
Mana	18	8	2	6	23	21	26
Gala United	17	7	3	7	29	28	24
Oruka	17	6	3	8	23	19	21
Elcom	17	4	6	7	20	26	18
Cloudy Bay	17	4	4	9	24	32	16
Buresong	17	3	1	13	15	39	10
Tarangau	17	3	1	13	12	30	10
BFC	16	2	1	12	14	26	7
Sulem	17	2	1	14	17	49	7

Premier Reserve Ladder 03/07/91

Golo	17	11	5	1	35	18	38
Westpac	17	10	4	2	25	12	34
University	17	9	6	2	31	17	33
Mobil Sobou	17	8	6	2	25	21	30
Kurti Andra	17	8	4	5	27	23	28
B/Kumuls	17	6	5	6	19	17	23
GFC	17	5	6	6	25	32	21
Guria	16	6	2	8	19	24	20
Amalpak M.U	17	5	5	7	18	17	20
Rapatona	15	4	3	8	20	24	15
Verave	16	1	3	12	12	26	6
T. Defence	17	1	2	14	16	39	5

Womens Division Ladder 03/07/91

Wanzesi	17	14	3	0	43	2	45
Guria	17	13	2	3	70	9	41
Amalpak M.U	17	9	6	2	50	10	33
Mobil Sobou	17	10	3	4	40	9	33
University	17	10	3	4	39	14	33
G.F.C	17	7	3	7	18	24	24
Kurti Andra	17	7	1	9	20	28	22
Milne Bay	17	6	2	9	23	25	20
Kula	17	5	4	8	15	29	19
B/Kumuls	17	3	2	12	15	45	11
T. Defence	16	2	1	13	11	56	7
Koupa	16			16	3	58	0

Under 19 Division Ladder 03/07/91


Rapatona	17	12	4	1	65	15	40
Mobil Sobou	17	12	2	3	38	14	38
Kurti Andra	17	10	1	6	26	12	31
B Kumuks	17	9	3	5	29	17	30
Verave	16	7	6	2	23	13	27
Bao Mitas	17	7	5	5	21	16	26
GFC	16	7	2	6	26	20	23
Westpac	17	7	2	8	22	26	23
Guria	17	4	7	6	19	25	21
T. Defence	16	5	3	8	18	36	18
University	14	3	6	5	16	20	15
Buresong	17	3	4	10	17	47	13
Golo	16	3	4	9	17	47	13
Amalpak	15	1	3	11	15	34	6

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola

B&H

BENSON and HEDGES

B&H



15 YIA IS NU BRITEN PROVINSAL GAVMAN

Fonde 4 July, 1991

ENB redi long amamasim 15 yia bilong provinsal gavman

HENRY PILIE i raitim

BIKPELA amamas bilong makim namba 15 yia aniveseri bilong Is Nu Briten provinsal gavman bai stat long 6 Julai, 1991.

Long statim klostu tupela wik bilong amamas, ami bilong Papua Niugini Difens Fos bai soim liklik stail bilong ol. Na tu, ol meri bilong resis long taitel bilong Mis Franjipani bai kamap na soim ol yet bihainim kain stail bilong resis long bipo.

Ol memba bilong Difens Fos husat i stap nau long Rabaul

bai kamapim wanpela kain pilai bilong giaman woa long Kwin Elizabeth Pak. Dispela bai stap inap long samting olsem wan aua. Na long wankain taim yet long Niugini Klub, ol meri bilong resis long Mis Franjipani taitel bai sanap lain na stailim ol yet. Ol bai bilas long samting bilong ol tumbuna stret.

Dispela tupela bikpela samting i makim wanpela longpela wik bilong ol kain kain pilai, spot, drama na so bilong stap inap long 13 Julai. Dispela em i bikpela de bilong makim Is Nu Briten provinsal gavman de.

Long 7 Julai bai i gat wanpela bikpela lotu bilong olgeta lain bilong Rabaul long Kwin Elizabeth Pak. Dispela lotu i olsem bung wantaim lotu bilong ol memba bilong olgeta kain kain sios long provins. Ol lain husat i stap ausait long Rabaul bai go na bung wantaim na lotu long ol komyuniti gavman eria bilong ol yet.

Ol narapela samting bai kamap stat long 6 Julai na i go em long givim ol kain kain presen samting bilong makim dispela de, wanpela yut so, open de bilong ol wan wan divisen, ol kain kain muvi, ol komyuniti skul bai soim wanem samting ol i wokim na save kamapim long ol skul, ol kain kain pilai resis nabaut, toktok resis namel long ol skul, so op long ol kain kain klos samting, ol meri bilong resis long Franjipani kwin bai sanap antap long ka na raun long taun, ol pipel bai bung wantaim long

planim diwai raun long Rabaul na ol arapela ples klostu na ol biknem lain bilong danis antap long paia bilong Baining bai autim dispela stail bilong ol.

Dispela olgeta samting i no inap kamap long Rabaul tasol. Nogat. Em bai kamap long olgeta arapela komyuniti gavman eria bilong Is Nu Briten. Ol pilai na kain kain arapela samting bilong amamasim de ya bai kamap long Palmalma long Pomio i go inap long Lasul Be long hap bilong ol Baining.

Long wankain taim yet, ol skul bai amamasim dispela de long hap bilong ol yet. Na long makim tu dispela bikpela de bilong provins, ol bai opim tu namba wan teknikal haikul bilong Is Nu Briten long Malaguna. Bipo ol i save kolim dispela skul olsem Malaguna Teknikal Koles. Tasol nau ol i senisim i go long teknikal

haikul.

Sampela embasi long Mosbi na ol nesanel wantaim provinsal lida baias salim ol mausman na bikman bilong ol i kamap long Rabaul long 13 Julai. Ol bai stap insait long wanpela bikpela seremoni bilong makim de bilong provinsal gavman. Na tu long dispela de, ol bai givim medal i go long sampela biknem man na meri bilong provins husat i bin givim bikpela han long kirapim provinsal gavman long Is Nu Briten.

Na tupela bikpela woa sip bilong kantri Frans, Aviso Belny na Aviso Commandant Birof bai sua tu long Rabaul long 9 Julai i go inap long 12 Julai. Na long taim ol i kamap stap long Rabaul, ol bai stap insait tu long amamasim namba 15 yia aniveseri bilong Is Nu Briten provinsal gavman.

Gavman kontrak helpim ol yut grup long provins

HENRY PILIE i raitim

MOA long 3,600 yangpela manmeri long Is Nu Briten i kisim helpim pinis long planti ol kontrak em provinsal gavman i statim long 1987.

Planti bilong ol dispela lain i no gat wok na i stap insait long kain kain yut grup long provins. Antap long dispela, ol liklik bisnis grup i kisim ol kontrak long wokim ol haus, stretim pawa, bokis ais na masin bilong givim gutpela kolwin long opis.

Na ol yut grup i kisim ol kain kontrak olsem katim gras, klinim sait bilong rot na ol narapela kain kain liklik wok we i isi long ol lain husat i no gat gutpela save tasol i ken mekim.

Provinsal Woks kodineta, Joe Enman i tok taim ol man-

meri i mekim ol dispela wok, ol i no helpim provins tasol long go het. Nogat. Em i soim olsem provinsal gavman i yusim gut mani bilong en long sait bilong ol ples.


Em i tok aninit long dispela ol kontrak, provinsal gavman i bin lukautim gut tru ol rot long provins. Na ol manmeri long ples i amamas long kain wok i kamap long rot bilong ol. Na tu ol i kisim helpim long mani ol i kisim long wok kontrak bilong ol.

Long taim dispela kontrak skim i stat, 405 manmeri tasol i bin stap insait long en. Dispela namba i go antap long 1,050 long 1990 na long dispela yia em i go antap long KI020. Na tu long pinis bilong dispela yia, bai provinsal gavman i baim pinis K883,300 i go long ol bilong manmeri long 1987 i kam inap nau.



• Ben masta, Jubilee ToPeris i wokim liklik stail bilong mekim bel bilong ol yangpela i kirap na ol i lap. Bihain ol i ken sindaun na hamaim gut ol dram na bigul nabaut. Dispela em sampela samting bai kamap long wanpela wik bilong amamasim 15 yia aniveseri bilong Is Nu Briten provinsal gavman.

Menesmen wantaim ol Wokman na meri bilong Papua Niugini Benging Kopresen i laik Givim Bikpela Tok Amamas i go long Provinsal Gavman na ol Pipel bilong Is Nu Briten long taim bilong ol long makim namba 15 YIA ANIVESERI bilong ol.



PAPUA NEW GUINEA BANKING CORPORATION

Komiti bilong lukautim wara saplai na toilet kamap gen

LILY WAISEA i raitim

IS Nu Briten Provinsal Asembli i tok orait pinis long kirapim wangepela komiti bi long lukautim ol wara na toilet projek long provins.

Provinsal minista bilong Helt na Pramerit Helt Kea, James Agi i tokim asembli olsem i gat wangepela komiti i bin kamap long 1985 bilong mekim dispela wok, tasol i no gat gutpela man bilong go pas long en. Na tu komiti i no gat plen bilong bihainim.

Nupela komiti em; FAS biong Sosel Sevis olsem siaman, Asisten Seketeri bilong helt, asisten seketeri bilong komyuniti gavman, Provinsal Woks Kodineta, Wata Bod Distrik

Menesa na Provinsal Helt Inspekta.

Mista Agi i tok long dispela taim nau, ol komyuniti gavman wantaim helt na teknikal sevises i mekim ol wok bilong ol nupela wara saplai.

Em i tok Helt Divisen i bihainim skim nau i stap we planti manmeri long komyuniti i wok bung wantaim. Na tu ol komyuniti gavman i ken kisim inap mani bilong wokim ol wara saplai i kam long provinsal gavman.

Mista Agi i tok komiti bai mekim ol las stadi long ol projek nau i stap. Ol bai stadi long wanem kain plen bilong projek na we ol bai yusim mani long dispela projek.

Em i tok dispela gutpela wok bilong skelim ol wara saplai projek bai helpim ol manmeri long komyuniti na stapim tu ol kain kain sik.


Ol viles fama inap planim rais long Is Nu Briten

RAIS I GRO GUT LONG IS NU BRITEN PROVINS OLSEM POTO I SOIM:

SOLDIER BURUKA i raitim

RAIS i wok long gro gut tru long Nengmutka Trening Institut long Gazelle Peninsula. Dispela em i wangepela liklik skul bilong ol fama we wangepela Japan Intanesenel Oganaisesen, OISCA Intane-

senel i givim mani bilong ranim. Primia Sinai Brown bilong Is Nu Briten i tok amamas long skul bilong planim rais long stail bilong ples yet. Gavana Jenerel, Sir Serei Eri, Agrikalsa na Laipstok minista, Tom Pais wantaim Seketeri P. Sai'i i bin lukluk raun tu long dispela projek.



Taim bilong soim strong • Dispela foto i soim wangepela kain stik o wip danis bilong ol Tolai.



• Rais plantesin bilong Nengmutka viles long Is Nu Briten provins.

CONGRATULATIONS 15TH ANNIVERSARY EAST NEW BRITAIN PROVINCIAL GOVERNMENT



The Islands Region Biggest Airline

Air Services for the Islands
Charters Nationwide

AIRLINK


P.O. Box 1930
RABAU, E.N.B.P.
PAPUA NEW GUINEA
Phone 92-1712 Fax 92-1917

When Flying in the Islands
Choose Airlink

Serving the people of:

Arawa	Buka	Gonali	Kavieng	Manga	Namatani	Tol
Bali	Emirau	Hoskins	Lae	Mapua	Open Bay	Uvol
Bialla	Fullerborn	Jacquinot Bay	Londolovit	Mussau	Rabaul	Witu
Boang	Gasmata	Kandrian	Malekolon	Nissan Is	Sule	


Who's helping our great country



grow a little greater?

As PNG's national bank, the PNGBC knows and understands PNG best. We're helping everyone in the country. From providing development finance for business, to helping the personal saver with special savings schemes so that your money grows and grows.

Whether you're trying to save money for your children, looking for a personal loan or a housing loan, or planning better ways to make your business a success, there's only one bank to talk to... The PNGBC.



P.O. Box 78, Port Moresby. Telephone: 21 1999. Fax: 21 1954

Ol asembli memba bai gat nupela fan

Rabaul i gat namba wan masin bilong wokim suga sofdring long Papua Niugini

LILY WAISEA i raitim

IS Nu Briten provinsal gavman i orait pinis long statim kamap wanpela helpim skim bilong ol provinsal asembli memba.

Insait long dispela skim, ol memba bai putim mani long wanpela fan na kisim bek bihain taim sapos ol i pinis long wok o i dai.

Dispela skim bai stat nau long mun Julai. Olgeta memba bilong asembli i sapatim tingting bilong dispela skim. Ol i bin tok orait long dispela insita long wanpela wik kibung bilong provinsal asembli long Rabaul.

Provinsal Fainens na Plening minista, Joe Ben i tokaut long dispela bil olsem olgeta memba bai putim K13.74 long namba wan fotnait na K27.47 bihain long olgeta fotnait.

Ben i tok provinsal gavman bai baim ol memba inap long taim ol i stap long opis. Em i tok K500 bai go long ol memba husat i stap namba taim tasol long asembli, K1000 long namba tu na tri na K1423.56 long ol memba husat i pinisim stret taim bilong ol wantaim provinsal

asembli.

Nau ol memba i stap yet long olpela ritaimen helpim ekt bilong 1988. Na ol i no putim mani yet long dispela skim. Sapos ol memba i dai o pinis long asembli, ol bai kisim K500. Sapos ol i stap long asembli long namba wan yia. Na K1000 long namba tu na tri yia.

Planti senis i kamap pinis long nesenel konstituensi bilong 1988, na fotnait mani na benifit mani bilong provinsal gavman, nesenel palamen i stretim pinis taim Salaris na Ruminesen komisin i tok orait long en.

Dispela toktok i bin kamap long 1989. Na Ruminesen komisin i bin askim olgeta provins long givim sampela tingting bilong kirapim kain skim olsem. Skim ya i mas kamap wankain olsem Nesenel Providen Fan we olgeta gavman memba i mas putim mani long en.

Nau yet olpela ritaimen skim i no wok gut wantaim nupela lo bilong Salaris na Ruminesen komisin. Tasol provinsal gavman i statim nupela skim ya aninit long tok lukaut bilong komisin.

HENRY PILIE i raitim

KOSKEY Kai Haus long Malaguna rot long Rabaul nau i gat masin bilong tanim wara bilong suga i go long ol manmeri bilong dring.

Dispela em namba wan taim tru Papua Niugini i kisim dispela kain masin olsem. Dispela masin i kam long kantri India.

Mausman bilong Koskey Brothers Limited i tok dispela kain masin i pulap tru long India na planti manmeri i save yusim long kisim mani long en.


Dispela masin i gupela long ol manmeri i

no gat wok bikos em i no kos bikpela mani tumas. Na tu em i isi long statim na yu ken karim raun.

Mausman i tok sapos yu salim wanpela kap long 20 toea, yu ken kisim K10 long wanpela de.

Masin i ken wok nating na tu long pawa. Tasol pawa bai kos narapela K200 gen antap. Kos bilong masin stret em K1,000. Kampani ya em wanpela brens bilong wanpela faktori long India i save wokim ol dispela kain masin.

Kampani i tokaut tu olsem taim ol i save salim oda, masin i save kamap tupela mun bihain long Papua Niugini.



Ol wokman bilong Boskey Brothers Pty Limited long Iephan i go long raithan, Royal Tinabun, Anthony Warren na Thomas Tonga (menesa) i soim stail bilong wokim nupela suga sofdring long stua bilong ol long Rabaul.

Namba bilong ol man, meri na pikinini IS NU BRITEN - 1990


Ples:	1990	Ol Man	Ol meri	1980
KOKOPO	46,970	25,977	20,993	30,028
BITAPAKA	11,688	6,813	4,875	8,466
SINIVIT/IS BAINING	10,715	6,207	4,508	4,648
RALUANA	10,028	5,118	4,910	6,073
VUNAMAMI	11,388	6,230	5,158	8,674
KOKOPO EBEN	3,151	1,609	1,542	2,167
POMIO	28,009	13,665	14,344	25,704
SENTREL POMIO	4,339	2,149	2,190	5,620
IS POMIO	4,607	2,321	2,286	8,109
WES POMIO	2,349	1,149	1,200	7,186
MELKOI	5,886	2,849	3,037	4,789
INLEN POMIO	5,720	2,778	2,942	---
MAMUSI	5,107	2,419	2,689	---
RABAUL	109,429	59,632	49,797	77,465
BALANATAMAN	11,413	6,033	5,380	8,674
SENTREL	14,622	8,121	6,501	9,497
DUK OV YOK AILAN	8,234	4,283	3,951	6,367
KOMBIU	6,672	3,374	3,298	4,952
LASSUL/BAINING	14,731	8,694	6,037	8,804
LIVUAN	7,624	4,053	3,581	4,984
VUNADIDIR	7,960	4,164	3,796	---
REIMBER	8,260	4,335	3,925	6,230
TOMA	8,807	4,635	4,172	10,563
WATOM AILAN	1,698	890	808	1,546
RABAUL EBEN	17,022	9,749	7,273	14,954
KEREVAT EBEN	1,212	714	498	894
NONGA EBEN	1,164	587	577	---

P.N.G. DRILLERS PTY. LTD.

Professionals to the Core

FOR ALL YOUR DRILLING REQUIREMENTS

- Diamond Drilling
- Reverse Circulation
- Geotechnical Drilling
- Air Core
- Stratigraphic Drilling
- Site Investigations Onshore/Offshore
- Water Bores
- Seismic Drilling



I laik Givim Bikpela Tok Amamas i go long Is Nu Briten Provinsal Gavman long namba 15 Yia Aniveseri bilong en.

LAE
42 4988 or 42 4962
or 42 4821

HEAD OFFICE
ABEL TASMAN ST., LAE
P.O. Box 2643 LAE
Fax. 42 5540

RABAUL
92 1184

SULPHUR CREEK RD., RABAUL
P.O. Box 1353 Rabaul
Fax. 92 1883

Ol wok na fores bisnis long Is Nu Briten provins

NATHANIEL BURUA (Asisten Seketeri long Divisen bilong Fores - Rabaul) i raltim

OL DIWAI samting long Is Nu Briten provins i karamapim moa long 15.24 milien hekta. Long dispela eria em 3.33 milien hekta i kam aninit long Tim Rait Pejes TRP. Dispela i min olsem wok bilong katim timba i ken kamap long ol.

Na narapela 11.91 milien hekta i no kam aninit long TRP. Ol dispela eria i gat bus, tais wara, mangro na samting olsem.

I gat tupela kain bus o fores long provins, tropikel na montane ren fores. Na i gat ol kain kain diwai olsem Kamarere, Taun, Callophyllum, na Canarium. Ol dispela diwai i pulap long ol eria we i nogat maunten. Ol diwai olsem Nothofagus, Castanopsis na Kauri Pine i pulapim ol montane fores eria.

Ol eria em sampela timba wok i kamap nau i karamapim 11.19 hekta.

Planti bilong ol dispela eria em long Saut Kos bilong Baining i go olsem long Not Kos, na i go moa long Pomio na Uvol eria.

Long Gazelle eria, planti Egrikalsa wok i kamap. Egrikalsa wok i karamapim planti eria Gazelle Peninsula. Ol eria i no gat Egrikalsa wok, na bus i karamapim i stat olsem long Kerevat na i go long Baining.

FORES DEVELOPMEN

Ol fores wok em i kamap nau long provins i karamapim wok bilong katim timba (Risoses Developmen), na bilong planim moa diwai (Fores Ekstensen). Divisin bilong Fores insait long provins yet i mekim ol dispela wok.

Riforestesen wok bilong planim ol nupela diwai i bihainim tu ol fores developmen projek.

Risoses Developmen

Wok bilong katim timba long provins i kamap long ol eria we i kam aninit long TRP, Timba Atoriti Eria, Frihol Estet na Len Pejes. Len Pejes em ol graun Stet i papa long en.

Developmen wok long ol Lokol Fores Eria i kam aninit nau long lukaut bilong Provinsal Fores Divisen. Bikos long wanpela Polisi o lo em Provinsal Eksekutyutiv Kaunsil i bin oraitim long 1986.

Ol arapela developmen olsem long rot, bris, et pos, na skul i bihainim tu ol dispela fores wok.

Ol pipel i kisim ol arapela helpim tu olsem royelti mani.

Fores Ekstesen

Ol forestri woka i mekim ol pipel bilong Gazelle Peninsula eria i luksave nau long kamapim ol ego fores projek, wudlots na neseri. As bilong dispela em long helpim ol egrikalsa kes krop em prais bilong ol i wok long go daun yet.

Balsa (Ochroma lagopus) em wanpela diwai i no strong, na i save gro long Amerika. Ol i save yusim long wokim ol samting i no hevi long ol liklik sel kanu bilong solwara.

Ol fores woka i grisim pinis ol pipel bilong planim ol dispela kain diwai. Dispela bisnis o wok bai helpim ol pipel long kisim liklik mani. Bikos prais bilong ol kes krop olsem kakao na kopra i pundaun tru.

Long 1989 yet i kam inap nau, moa long 40 hekta eria bilong Gazelle Peninsula i pulap long ol Balsa diwai tasol. Dispela namba bai i goap moa long sampela yia bihain. Bikos planti lokal pipel i soim bikpela laik long dispela wok.

Forest Divisen long provins bai i helpim tasol ol liklik smolholda manmeri husat i laik planim dispela diwai.

Riforestesen

Hevi bilong graun i mekim na plantesen long Kerevat i stapim pinis wok bilong planim moa diwai. Tasol Open Be Timba kampani i mekim sampela riforestesen progrem yet. Dispela em long planim ol nupela diwai.

Planti wok bilong planim ol diwai i kamap long ol graun we Stet i papa long en.

Nau yet, moa long 4,000 hekta bilong Open Be eria i pulap long ol diwai pinis.

Ol fores woka i grisim tu ol lokal fama long planim sampela diwai bilong ol yet. Dispela em long redi inap namba bilong diwai em sipmil bai i yusim long wokim plang.

Nau yet ol lokal fama i planim diwai pinis long ol eria we i karamapim 60,000 hekta olgeta. Dispela 60,000 hekta i no karamapim 4,000 hekta em kampani yet i planim diwai pinis long en.

OL TIMBA INDASTRI

Nau yet i gat 8-pela kampani i wok insait long provins. Long ol dispela kampani, tupela i lukautim wok bilong planim ol balsa diwai. Na long katim diwai olsem long Kerevat Fores Plantesen, ol arapela kampani i lukautim dispela wok.

Ol arapela 6-pela kampani i wok long ol bus we bikpela ren i save pundaun. Ol dispela eria i stap aninit long tripela kain tok bilong wok. Ol dispela tok orait em TRP, Timba Atori na Len Pejes eria.

Planti bilong ol dispela kampani i save katim timba tasol. Na liklik wok tasol bilong somil indastri.

Bikpela kampani insait long provins em Open Be Timba. Kampani ya i save salim moa long 78,000 kiubik mita timba long olgeta yia.

Long sait bilong somil wok, ol dispela kampani i no go insait tumas. Ol i wokim liklik somil wok tasol. Ol plang ol i katim long somil em ol yet i save yusim. Na ol i salim wan wan insait yet long provins.

Divisen bilong Fores insait long Dipatmen bilong Is Nu Briten i gat wok bilong mekim insait long

i go moa long pes 8

RABAU BATTERY SERVICES


"The Battery Specialists"

- ★ **Manufacturers of Automotive, Auxilliary and Solar Power Batteries**
- ★ **KOYO Motorcycle Batteries**
- ★ **SUNRISE Sealed Maintenance-Free Batteries for Standby Power & Special Applcations**

RABAU

92 1215 or 92 2574

After Hours: 92 7338 P.O. Box 248 Facsimile 92 2534




BEARING SERVICE CENTRE

COMPREHENSIVE STOCKISTS OF AUTOMOTIVE & INDUSTRIAL BEARINGS

92 1215 or 92 2574

RABAU BATTERY SERVICES

Malaguna Road, P.O. Box 248, Rabaul. Fax: 92 2534




ISLANDS COMMUNICATIONS PTY. LTD.

**AGENTS FOR MAXON TAIT
CODAN
RADIO COMMUNICATIONS
MARINE ELECTRONIC
SERVICING**



- **RABAU P.O. BOX 816
TEL: 92 1961/92 2767**
- **KIMBE P.O. BOX 314
TEL: 93 5278**



I laik Givim Bikpela Tok Amamas i go long Is Nu Briten Provinsal Gavman long namba 15 Yia Aniveseri bilong en.

For all your VHF, HF, Landbased or Marine Radio Systems, Islands Communications Services, New Ireland, East and West New Britain.

Asembli oraitim ol senis bilong Rabaul taun atoriti em PEC i tokaut long en

LILY WAISEA i raitim

PROVINSAL Asembli bilong Is Nu Briten i tok orait pinis olsem olgeta wok Rabaul Taun Atoriti i mekim i mas kam aninit long Rabaul Taun Atoriti Ek bilong 1991.

Provinsal Asembli i bin bung long Jun, 1991 na i givim tok orait olsem Provinsal Eksekutiv Kaunsil (PEC) i mas lukluk long dispela aninit long Seksen 97. Seksen 97 i tok, "PEC i ken mekim tok orait, we i no bihainim dispela Ekt, na i karamapim olgeta wok i kam aninit long en."

Tok orait ya i karamapim ol wok olsem bilong makim ol memba bilong atoriti, makim ol memba ol i givim nem poinis, rul, baset, wok mani na resistesen bilong ol memba long atoriti.

Provinsal minista bilong Komyuniti Gavman na Jastis, Henry Saminga i tokaut long dispela ek long kibung bilong PEC long mun Jun, 1991. Em i tok planti memba i sapatim dispela senis.

Olgeta memba bilong provinsal asembli i amamas long Is Nu Briten provinsal gavman lo i karamapim wok bilong Rabaul Taun Atoriti.

Ol i luksave tu olsem dispela senis i ken kamap longtaim yet. Tasol provinsal gavman i mekim gutpela tok orait bilong strongim gen wok bilong Rabaul Taun Atoriti.

Deputi Oposisen lida na memba bilong Kombiu, Thomas ToBunbun i askim liklik long wanem samtig bai kamap long Rabaul Taun Atoriti bihain. Em i egensim tingting bilong atoriti long strong long mani em i mekim insait long provins tasol. Em i laikim olsem atoriti i no gen wok aninit long wanpela stretpela baset, em provinsal gavman i mas oraitim.

Bikos dispela bai i helpim atoriti long wok gut na gutpela bilong givim sevis i go long ol pipel.

Memba bilong Kokopo na Vunamami, Oscar Tamur i sapatim dispela senis long ekt bilong atoriti. Tasol em i givim tok lukaut olsem atoriti i save sevim gut ol pipel bilong Rabaul taun.

Ol i bin oraitim Rabaul Taun Atoriti Ekt long bung bilong PEC long mun Mas, 1991.



Ol Dukduk i redi • Wanpela kain strongpela tambu danis tru bilong ol Tolai em long taim ol dukduk i kamap. Dispela danis i gat strongpela stori. Long taim bilong bilasim na redim ol dukduk long danis, i gat bikpela tambu tru long ol meri.

THE MANAGEMENT AND STAFF OF DHL WOULD LIKE TO CONGRATULATE EAST NEW BRITAIN PROVINCIAL GOVT ON THEIR 15TH ANNIVERSARY CELEBRATIONS



First we delivered the world.

• MANUS

• VANIMO

• KAVIENG

• WEWAK

• RABAU

• MADANG

• MENDI

• GOROKA

• KIMBE

• MT. HAGEN

• LAE

• KIUNGA

• POM

• DARU

• ALOTAU

Now we give you PNG in the bag!

DHL International has more offices, in more countries, with more international experience than any other courier.

So if you have to deliver the world, or Papua New Guinea, call DHL. Now

PHONE: 25 9866 OR 25 1702
FAX: 25 9404

DHL Offices in PNG

Goroka	72/2971/72 1009
Madang	82 3270
Vanimo	87 1000
Kavieng	94 2394
Lae	42 2970/42 1256
Rabaul	92 2673
Alotau	61 1394
Mt. Hagen	52 1859
Daru	65 9005
Kiunga	58 1009
Wewak	86 2869
Kieta	95 6449
Kimbe	93 5013

STORI BILONG JACOB TIMELE



• Timele...lusim wok tisa long 1972 na kamap memba bilong Matangaun Asosiesen bilong redi long kantri i kism indipendens long 16 Septemba, 1975.

HENRY PILIE i raitim

JACOB Timele i gat 63 krismas, bilong Gunanba viles long Kokopo, Is Nu Briten provins.

Timele i marit na i gat tupela bikpela pikinini man. Em i bin makim Kokopo Komyuniti Gavman long Is Nu Briten provinsal gavman stat long 1977 i kam inap long 1981. Na kamap namba 5 primia bilong Is Nu Briten long 1981 bihain long Ellias ToBaining. ToBaining i pinis long primia bikos em i no bihainim sampela lo bilong pasin tumbuna.

Timele i bin statim skul long 1947 long ples bilong em yet. Long yia 1948 i go inap long 1951 em i go moa long Vuvu Sen. Mary's skul long Not Kos, long Gazelle Peninsula.

Timele i pinis long Sen. Mary's

skul na i go long Vuvu Sen. Paul's Tisa Trening Koles long 1952. Dispela koles nau i stap long Vunakanau long Sentrel Komyuniti gavman eria.

Timele i statim wok bilong em olsem tisa long 1953. Em i wok tisa inap long 19 yia olgeta. Long 1972 em i lusim wok bilong tisa na go insait long politiks.

Na joinim wanpela politikal pati ol i kolim Mataungan Asosiesen, wanpela bilong ol tripela politikal pati insait long Is Nu Briten provins. Dispela tripela pati ya i kamap bikos Papua Niugini i bin tingting long kism indipendens long 1975.

Bihain long 1977, Is Nu Briten i holim namba wan provinsal ileksen na Timele i winim sia long konstituensi bilong em. Insait long tupela yia, Timele i stap olsem wanpela memba nating

i go moa long pes 7

Atoriti bilong helpim ol pis bisnis i stat pinis long provins

LILY WAISEA i raitim

PROVINSAL asembli i tok orait pinis long kirapim wanpela Pis Maketing Atoriti long Is Nu Briten provins. Tok orait i bin kamap long mun Jun kibung bilong asembli long las wik.

Dispela atoriti bai mekim wok bilong helpim na strongim bisnis bilong pis insait long provins. Na tu long kain pasin we i tambuim kain bisnis em inap bagarapim solwara na arapela samting.

Asembli i tok orait tu olsem atoriti bai kamap aninit long wanpela provinsal lo. Em bai stap wok tu olsem wanpela kopresen we i stap longwe liklik long provinsal gavman. Pawa bilong em bai bihainim tasol ol dispela lo bilong provinsal ekt.

Pawa bilong em long wok tu i wankain olsem ol lain bilong Provinsal Disebel Bod na Is Nu Briten Maket Atoriti.

Aninit long dispela tok orait, Provinsal Eksekutiv Kaunsil (PEC) bai makim 5-pela memba na wanpela mausman bilong en long stap wok long atoriti. Atoriti bai wok tu aninit long PEC. Ol narapela 4-pela memba bilong atoriti em FAS bilong Ekonomik Sevises long provins, PAS bilong Fiseris, wanpela memba bilong makim nesanel dipatmen bilong



Aigris long rot • Wally Bosim bilong Vunamami viles i sindaun long sait bilong rot wantaim ol pis bilong em na wet long salim ol pis bilong em.

Fiseris na Marin Risoses, na wanpela man bilong makim ol lain bilong painim pis long provins.

Atoriti bai makim wanpela menesa na ol arapela woka bilong mekim ol wok bilong en. Na PEC yet bai tokaut long wanem rot bilong bihainim na makim atoriti menesa.

Bihainim dispela nupela tok orait bilong asembli, Kokopo Pis Maket bai muvim olgeta samting bilong en i go long Is Nu Briten Pis na

Maketing Atoriti taim em i statim ol wok bilong en. Nesanel dipatmen bilong Fiseris na Marin Risoses wantaim provinsal gavman i givim mani bilong ranim dipela projek.

Ol pipel bilong ples bai salim ol pis na arapela samting ol i painim. Na tu long kisim samting olsem aisblok na gutpela toktok na tingting long we bilong ranim pis bisnis. Ol arapela pipel nating i ken baim tu pis long atoriti.

Stori bilong Jacob Timele

i kam long pes 6

long provinsal gavman. Long 1979, provinsal gavman i givim em wok olsem Edukesen minista.

Timele i bin kamapim 5-pela yia plen long edukesen long Is Nu Briten provins taim em i stap long opis. Tasol em i no holim dispela sia longpela taim bikos insait long 8-pela mun, provinsal gavman i makim bas em olsem Het bilong Komyuniti Gavman.

Timele i tok taim em i kisim opis, 17 komyuniti gavman i kamap wantaim viles kot sistem. Bihain ol i makim em olsem minista bilong Trempot.

Na long 1981 em i kamap primia taim ToBaining i lusim opis. wankain yia, Is Nu Briten i holim ileksen na em i winim gen sia olsem primia bilong provins. Tasol em i lusim dispela posisen na givim i go long han bilong olpela memba bilong palamen Oscar Timur.

Nau yet Timele i amamas bikos em i kirapim na mekimsampela gutpela wok pinis long Is Nu Briten. Em i givim bikpela tok amamas i go tu long ol arapela memba husat i bin helpim em i stap long taim em long provinsal gavman.

RABAUL

& The Good Guys

BOROKO MOTORS

For the BEST DEAL in VALUE

SERVING THE NEW GUINEA ISLANDS

I laik Givim Bikpela Tok Amamas i go long Is Nu Briten Provinsal Gavman long namba 15 Yia Aniveseri bilong en.

BOROKO MOTORS
THE GOOD GUYS FOR BEST BUYS

Vuna Bosco teknikal haiskul long Gazelle Peninsula givim moa gutpela trening

GAZELLE Peninsula i gat wanpela nupela praivet haiskul. Dispela haiskul i stap long Takubar plantasin, klostu tasol long Vunapope.

Nem bilong dispela haiskul em Vuna Bosco Agroteknikal Skul. Long taim em i bin stat, skul i bin kisim 50 de na 50 boda studen long wokim gret 7. Dispela ol studen i bilong is na Wes Nu Briten provins.

em K350 na ol de studen i baim K270. Ol studen bai sindaun long eksem bilong ol yet. Na skul i save Salim mak bilong wan wan studen i go long peris pris bilong ol long tok save long ol. Bihain long ol studen i kisim mak bilong ol, ol bai inap save sapos ol i winim wanpela ples long haiskul o no gat.

Nupela haiskul i kisim tu sampela studen bilong ol ara-

pela sios, tasol planti bilong ol studen long skul i memba bilong Katolik Sios. Long neks yia, 1992, dispela nupela haiskul i tingting long kisim 150 studen bilong wokim gret 7.

Vuna Bosco Agro-Teknikal Skul i save skulim ol pikinini insait long klasrum long moning. Wanem samting ol tisa i lainim ol pikinini i bihainim tasol ol narapela misin na gav-

man haiskul long kantri. Tasol long ol apinun, ol studen bai stat long skul na lainim wanpela kain wok olsem kamda, katim na kukim ain (welda), yusim lektrik pawa long mekim wok mekanik, mekanik bilong ol ka na masin na lainim long wok egrikalsa.


Bihain long ol i pinisim gret 8, ol studen yet bai makim wanpela bilong ol 5-pela wok ya em ol i laik mekim. Na taim ol i

statim gret 9 skul yia bilong ol, ol studen bai skul moa nau long wanpela bilong ol dispela 5-pela wok.


Gret 11 skul

Vuna Bosco Agro-teknikal Skul i tingting tu long kirapim wanpela gret 11 long 1995. Dispela skul bai kisim tu ol studen husat i pinisim gret 10 long ol narapela skul. Long dispela hap, ol studen bai

i go moa long pes 10



• Insait long namba wan haus woksop bilong Vuna Bosco Agro-teknikal Skul long Gazelle Peninsula. Dispela i soim insait bilong hap ples em ol i bin yusim bipo olsem haus slip bilong ol boda studen.



• Ol sampela lain husat i go raun lukluk long Vuna Bosco teknikal skul. Long lephan i go long raithan em Joe Waninara bilong provinsal edukesen dipatmen, Martin Kenehe wantaim Edukesen divisen bilong Not Solomons, Bruder Tony, John Kian na Bruder Raymond.

THE AUSTRALIAN 100% OIL/CHEMICAL ABSORBENT

The first organic, non-toxic sorbent material offering highly effective prevention, control and removal systems to combat oil pollution everywhere.

Sokerol

SOKEROL IS UNEQUALLED

For fast, safe, efficient and LOW COST control and treatment of day-to-day oil spills.

- IN THE HOME
- IN FACTORIES, GARAGES AND WORKSHOPS
- IN DOCKYARDS, SHIPS' BILGES etc.
- ACCIDENTS - SPILLS ON HIGHWAYS

SOKEROL

Provides new safety for the community.

OIL/CHEMICAL ABSORBENT

SOKEROL is equally effective requiring only conventional equipment for the removal of oil/chemical spills or waste from the scene of accidents, oceans, ponds, rivers, streams or lakes.

for all contacts
Please ring
Mr H Lewis

I laik Givim Bikpela Tok Amamas i go long Is Nu Briten Provinsal Gavman long namba 15 Yia Aniveseri bilong en.

SOKEROL PNG
PO BOX 6396
BOROKO
TEL 258282

MANUFACTURED
BY
SOKEROL (AUSTRALIA) PTY. LTD.
Tin Can Bay Queensland 4580
Australia



ISLANDS HELICOPTER SERVICES PTY LTD

*I laik Givim
Bikpela Tok
Amamas i go long
Is Nu Briten
Provinsal Gavman
long namba
15 Yia Aniveseri
bilong en.*

HEAD OFFICE: P O BOX 717,
RABAUL, E N B P
PAPUA NEW GUINEA
PHONE 92-2879
92-2863
A/H 92-7297
FAX 92-2812

BRANCH: P O BOX 3387,
LAE, M P
PAPUA NEW GUINEA
PHONE 42-2273
A/H 42-6138



KINA GILLBANKS & CO PTY LTD



NGIP Ltd and
Kina Gillbanks Pty Ltd

congratulate

*the East New Britain
Provincial Government
on their*

*15th birthday
and look forward to
many more years of
co-operation and progress!*

COCONUT PRODUCTS

A DIVISION OF W.R.C. LIMITED
COPRA - COCOA

- ★ PRODUCERS OF AGRICULTURAL PRODUCTS
- ★ COCONUT OIL PROCESSORS
- ★ PRODUCERS OF COCONUT EXPELLER PELLETS FOR STOCK FEEDS

P.O. BOX 94 RABAUL

FACSIMILE 92 1847

*I laik Givim Bikpela Tok Amamas i go long Is Nu Briten
Provinsal Gavman long namba 15 Yia Aniveseri bilong
en.*

RABAUL 92 1844

Ol pikinini Pomio go skul long kanu

HENRY PILIE i raitim

OL pikinini bilong Pomio long Is Nu Briten provins i save yusim tasol kanu bilong go long skul olgeta de.

Wok i stat pinis bilong stretim rot namel long ples Pomai na Palmalmal taun, tasol i no pinis yet. Olsem na ol pikinini bilong dispela hap eria i no gat arapela gutpela rot bilong go long skul. Wangepela rot tasol i bilong yusim kanu na go skul.

Rot bilong yusim kanu i save stap olgeta taim long olgeta wik.

Provinsal asisten seketeri bilong Midia na Komyunikesen Sevis, Ellias Sakkias yet i bin sanap na lukim ol pikinini i pul long kanu bihain long skul long apinun na i wok long hatim singsing.

Ol pikinini i bin tokim tu Sakkias

olsem kanu i wangepela bikpela rot tasol bilong ol long go skul long olgeta de. Tasol ol yangpela ya i save painim hevi long taim i gat ren.

Bikpela wara i save tait na banisim ol pikinini bilong go skul. Olsem na long ol dispela kain taim, ol i save stap long ples na lusim planti samting ol arapela i lainim. Na ol i no save painim hevi tu wantaim ol pukpuk. Bikos ol i tok, "Dispela ol enimal em ol poro bilong mipela."

Ol dispela lain yangpela man na meri i save go skul long Kaiton komyuniti skul. Dispela skul i no stap klostu tu long ples bilong ol.

Provinsal gavman i taitim bun yet long stretim bikpela rot i go olsem long ples bilong ol na Palmalmal taun.

Taim dispela wok i pinis, ol yangpela i no inap tingting planti nau long pul long kanu olgeta de.



• Ol pikinini bilong Kaiton komyuniti skul long Pomio, i pinis skul long apinun na pul long kanu bilong ol i go bek long ples.

Vuna Bosco givim moa gutpela trening

i kam long pes 9

kisim moa trening long wangepela kain wok tasol.

Vuna Bosco Agro-teknikal Skul i wankain tasol long teknikal haikul bilong ol lain Selasian bruder long Badili, Nesenel Kapitel Distrik na narapela klostu long Kerema long Glap provins.

Wanem samting i narakain em dispela haikul long Kerema i lukluk moa long wok bilong egrikalsa, na long Badili i no gat skul long wok egrikalsa. Tasol long Vuna Bosco, ol i bungim olgeta arapela wok wantaim egrikalsa. Nau, no gat wangepela mausman o tisa inap tokaut long hamas studen bai tingting long lainim wok egrikalsa long pinis bilong yia 1993.

Planti pipel i bin laikim dispela kain skul na save em ol lain Selasian bruder bilong Katolik Sios i save givim. Skul bilong ol i save lukluk moa long disiplin, i bihainim stail bilong Papua Niugini na planti lain i save laikim. Planti ara-

pela provins i bin askim tu pinis long wangepela Don Bosco teknikal haikul.

Bikpela kos moa

Kos bilong ol dispela skul tu i bikpela moa. Kos bilong wangepela haus woksop long Takubar i stap namel long mak bilong 80 na 100 tausen kina (K80,000-K100,000). Dispela ol tripela teknikal haikul i no bin op hariap bikos i bin gat kain kain hevi bilong graun i kamap. Long Vuna Bosco, dispela wankain hevi bilong graun i stap yet.

Wan wan teknikal haikul bilong Don Bosco nau i stap long kantri i bin op 5-pela yia bihain long arapela. Ol Selasian bruder bilong Don Bosco i gat bikpela laik olsem dispela ol skul na wok bilong ol yet i mas kamap olsem bilong ol asples lain. Na ol i laikim olsem bai i gat 9-pela teknikal haikul bilong Don Bosco i stap long kantri.

Nupela kampani i pulim kastoma long olgeta hap na ovasis

HENRY PILIE i raitim

PLANTI kain kain kampani long Papua Niugini tude i save wokim o salim na baim wanpela kain samting tasol. Maski dispela samting i klos, laplap, masin, ka o wanem arapela samting, dispela kampani i no inap senis na traime ol arapela.

Wanpela kain yangpela kampani olsem husat i gat planti

kastoma tru long kantri i stap long Rabaul. Ol kastoma bilong em i bilong ol kain kain hap na eria bilong wok bisnis insait long kantri.

Sapos mipela i laik putim em long wanpela grup, em bai stap wantaim ol kain lain mipela i save kolim olsem ol smolskel bisnis. Tasol em i gat pinis ol gutpela kastoma tru husat i kirapim nem olsem wanpela strongpela biknem kampani bilong saplaim na

wokim ol wanpela kain samting tasol long Papua Niugini.

Dispela yangpela kampani bilong Rabaul em Newman Enterprises Pty Limited. Kampani i bin stat tripela yia i go pinis na no gat planti manmeri i klia yet long en. Tasol insait long sotpela taim, nem bilong Newman Enterprise i kamap bikpela na planti pipel wantaim ol arapela kampani i kam bihainim dispela yangpela kampani long helpim ol. Ol i

save kisim na salim ol samting long ovasis na wokim tu wanem samting ol i salim. Newman Enterprise i gat ol lain i makim em long Australia, Singapo na Hong Kong.

Insait long dispela tripela yia em kampani i stap wok, Newman Enterprise i save givim sevis nau long ol lain bilong Papua Niugini yet wantaim Solomon Ailan na Vanuatu.

Long Papua Niugini, ol bikpela kastoma bilong Newman Enterprise em ol provinsal gavman, ol nesenel gavman dipatmen na ol stetuere oganaisesen, ol kampani, eben kaunsil na taun atoriti, ol skul na ol arapela praivet oganaisesen.


Ol samting em Newman Enterprise i save wokim em ol bisnis kat, ol stail nektai, pin bilong pasim nektai, ol bairo, rula, kap bilong dring ti, ol kain kain medal, kula bilong bia, ol tropi, kain kain hat, ol stail hat bilong banisim ai long san na planti ol arapela samting.

Newman Enterprise Pty Limited i save kisim oda na saplaim tu ol arapela samting olsem ol dram bilong putim

pipia, ol liklik dram bilong putim ol pipia pepa, plastik sia, ol provinsal flak, ol tebol flak, ol yunifom na ol arapela samting bilong wok i kam long Australia, ol kain kain marasin, let bilong ol dok na ol arapela samting.

Kampani i gat bikpela tingting bilong muvim opis bilong en i go long Mosbi long pinis bilong dispela yia o long stat bilong yia 1992. Ol i gat tingting tu bilong kirapim ol opis long ol arapela Pasifik Ailan kantri olsem long Solomon Ailan na Vanuatu. Tasol dispela em ol win toktok na tingting nau i stap long en.

Newman Enterprise em wanpela kampani bilong Papua Niugini yet. Tripela woka i save stap lukautim olgeta wok. Menesa Edward Kevan i bilong North Solomon's provins. Bikpela opis bilong ol i stap long namba wan pua bilong Paivu Invesmen Bilding (Shell Gazelle Autopot) long Malaguna Rot, Rabaul. Ol i gat wanpela rum bilong soim tu ol kain samting long bisnis bilongol long dispela hap



• Menesa bilong Newman Enterprise, Edward Kevan i soim sampela samting em ol i gat long sorum bilong kampani long Rabaul. Kampani i gat ol kastoma nau long olgeta hap bilong kantri.



AGRICULTURAL SUPPLIES & EQUIPMENT PTY. LTD
P.O. BOX 1121, RABAUL
PHONE: 92 1422

We would like to announce that we have been appointed sole Papua New Guinea distributor for:

FOTHERGILLS SEEDS
AND
CAMPBELLS CLEANING PRODUCTS

We will be appointing agents for these products in mainland centres and would like those interested to contact us as soon as possible.

TOUGH DEPENDABLE



**WHEN THE GOING
GETS TOUGH
THE TOUGH GO
TOYOTA
LAND CRUISER**

To be the best, you've got to be the toughest! Toyota Land Cruiser was endurance tested in the Highlands of Papua New Guinea for the World market, because Toyota knows that our conditions are amongst the toughest you'll find anywhere! Tough. Dependable. Supported by the largest Parts and Service network Nationwide.

TEAM UP WITH TOYOTA

 **TOYOTA**

Ela Motors



RUGBY

Namba 21

Fonde 4 Jun, 1991

NIUS

KUMUL BAI WIN

Stail bilong kakaruk ya!



• Pilaia bilong Frans Roosters i bungim strongpela takol bilong Sauten Son long las wik Fonde. Sauten Son i winim ol 24-22. Ol Roosters i lusim namba tu gem pinis egensim Ailan Son. Long Trinde 3 Julai, ol i bungim Noten Son. Na long Sande 7 Julai, ol bai i bungim PNG Kumuls long Goroka. Poto: Sape Metta

PNG Kumul i gat bikpela sans long winim Tes Gem egensim Frans Roosters long dispela Sande. Bikpela intanesenel gem ya bai i kamap long Danny Leahy Oval long Goroka.

Frans Roosters i bin pilai raun i go long Nu Silan, na i kamap long PNG. Long hia ol i lusim tupela gem pinis egensim Sauten Son 24-22, na Ailan Son 28-14. Long Trinde 3 Julai, ol i pilaim Noten Son.

Las gem bilong ol egensim Kumuls long Sande bai i wanpela bikpela gem stret. Frans bai i lukluk long putim kamap wanpela gutpela strongpela lain

ap long daunim Kumuls.

Namba wan hap bek bilong ol, Patrick Entat em wanpela pilaia ol Roosters bai i strong long winim dispela gem. Long namba wan gem bilong ol egensim Sauten Son, Patrick yet i go pas long setim olgeta trai bilong Roosters.

Nau yet Patrick em namba wan hap bek pilaia insait long wol. Em i gat planti ekspiens, na i save pilai wantaim Hull Kingston Rovers tim long Inglen.

Patrick em wanpela pilaia tasol insait long '24 pilaia Roosters tim husat i gat inap

i go moa long pes 3

INSAIT

SP INTA SITI RIPOT - PES 2

- Lae Bombers tim poto
- Kundiawa goap long lata
- Kas bilong Luke Andrew
- Difens bai bomim Air Niugini long Mosbi p3

WAGAMBIE'S WHIP

- pes 3

- Mosbi Junia Lig dro p3

PROVINS RIPOT

- pes 6

- Skul bois bai opim Tes Gem ... p7
- Tigers i paia long Lae nau p8

Winfield League '91

Olsem wanem long yupela nau?



• Tim poto bilong LBC Lae Siti Bombers bipo ol i pilalm Mosbi Vipers long Mosbi las wiken. Ol i no strong long namba tu hap, na Vipers i autim ol 32-18 long Lloyd Robson oval. Poto: Sape Metta.

Kas bilong Luke Andrew

LEO WAFIWA i raitim

WANPELA pilaia husat i holim pasim ai bilong planti sapota long Lloyd Robson oval taim Mosbi Vipers i pilai LBC Lae Siti Bombers long Mosbi em Luke Andrew.

Luke i save pilai wantaim Air Niugini A gret tim bilong Mosbi Winfield Lig resis.

Luke em wanpela bilong ol fowat pilaia husat i salim skin olgeta taim em i kisim bal. Na winim sampela graun long setim ol beklain pilaia. Em i bungim gut stail wantaim ol arapela towat pilaia olsem kepten Kes Paglipari, Eri Emei, huka Danny Moi, Daroa Ben Moide na Dominic Bre.

Long takol bai yu lukim em i givim sapot long olgeta pilaia. Pawa na strong bilong em i stap long ful 80 minit bilong gem. Luke em wanpela bilong ol pilaia husat i strongim Vipers long winim Bombers long namba tu hap.

Long stat bilong namba tu hap, lok Goro Arigae i skoarim namba tu trai bilong Bombers. Faiv eit Ngalan Lapan i kikim gut kik bilong gol, na Bombers i go pas moa long skoa 12-4. Planti sapota i ting olsem Vipers bai i lus nau long graun bilong ol yet.

Dispela taim sampela Vipers pilaia i luksave long dispela tu, na i no pilai strong tumas. Bikos ol Bombers i wok long lukautim pilai wan-

taim ol strongpela ran long fowat lain. Tasol Luke wantaim kepten bilong em, Kes Paglipari na Bre i wok long paia yet.

Long gutpela hatwok bilong em na ol opisal i makim em long winim K100 sek mani olsem "Man-of-the-Match"

prais i kam long SP Kampani.

Las wiken em namba wan gem bilong Luke long 1991 SP Inta Siti Kap resis. Luke i kisim sans long autim stail bilong em, bihain long tripela Vipers fowat pilaia i go insait long Kumul tim bilong pilalm

Frans Roosters long dispela Sande. Nem bilong ol em James Naipao, Johannes Kola na Joe Gispe.

Bipo long Luke i winim K100 prais mani, planti sapota long gren sten i bin luksave pinis long pilai bilong em.



• Luke i kisim K100 sek mani i kam long wanpela opisal bilong SP Kampani. Long beksait em edministreta bilong PNGRFL, Jack Metta.



• Ol Bombers i givim "spla takol" long Luke Andrew. Tasol em i no save warl long dispela.

1991 SP INTA SITI LATA: WIK 7

TIM	GP	W	D	L	PF	PA	PTS
Mosbi	7	6	0	1	198	141	12
Hagen	7	4	1	2	164	151	9
Kundiawa	7	3	0	4	144	135	6
Goroka	7	3	0	4	165	205	6
Mendi	7	2	1	4	148	155	5
Lae	7	2	0	5	111	148	4

1. Mosbi Vipers def LCB Lae City Bombers 32-18
2. Wamp Nga Hagen Eagles def Goroka Lahanis 36-16
3. Sika Kundiawa Warriors def Mendi Muruks 44-21

Kundiawa Warriors goap long namba 3 ples nau

SAM YAKAM i raitim

SIKA Kundiawa Warriors i abrusim las ples long poin lata bilong 1991 SP Inta Siti Kap resis na goap i antap long namba 3 ples nau.

Em i winim namba tri ples bihain long gutpela gem bilong las wiken egensim Mendi Muruks we em i win 44-21.

Ol Warriors i laki long winim namba tri ples bihain long Goroka Lahanis i salim kaikai long Wamp Nga Hagen Eagles 36-16. Ol Lahanis i bin bosim namba tri ples bipo long Wik 7 resis bilong las wiken. Ol Lahanis nau i go daun long namba 4 ples wantaim 6 poin yet.

Olgeta 6-pela senta husat i pilai long Inta Siti Kap resis i pilaim 7-pela gem pinis. Nem bilong ol em Mosbi Vipers, Hagen Eagles, Kundiawa Warriors, Goroka Lahanis, Mendi Muruks, na LBC Lae Siti Bombers. Vipers i go pas long olgeta wantaim 12-pela poin.

Long ol dispela gem, Sika Kundiawa Warriors i winim tripela, na lusim 4-pela gem. Ol Warriors wantaim Lahanis i gat 6-pela poin wantaim. Tasol Warriors i abrusim Lahanis long gutpela gol averes.

Las wiken Warriors i pilaim gutpela gem stret egensim strongpela Mendi Muruks tim long Kundiawa. I gat bikpela bilip olsem ol Muruks bilong Simbu bai i givim strongpela salens stret. Tasol ol Warriors i bekim dinau bilong namba wan raun wantaim gutpela pilai bilong faiv eit, Kepi Saea na insait senta, Bal Numapo.

Saea na Numapo em tupela olupela

Kumul pilaia. Saea i bin pilai wantaim Air Niugini A gret tim bilong Mosbi Winfield Lig resis. Tasol em i trense i go antap long Kundiawa, na ol menesmen na selekta bilong Kundiawa Winfield Lig i putim em i go insait long inta siti tim bilong ol. Bikos long gutpela gem bilong em long Mosbi.

Kundiawa Warriors i bin lusim tupela las gem bilong em long Mosbi na Lae. Tasol em i skoarim 6-pela trai long namba wan hap, na i go pas long skoa 32-10 egensim Muruks bipo long hap taim. Muruks i skoarim tupela trai tasol.

Numapo na Saea i lukautim gut gem bilong Warriors long winim dispela gem. Tupela i kisim gutpela sapot long ol arapela wan pilaia long tim.

Tupela wantaim i skoarim tupela trai bilong 8-pela trai olgeta em Warriors i skoarim long dispela gem. Na tu tupela i tilim wok bilong kikim gol. Long namba wan hap, Numapo i kikim ol kik bilong gol. Na long namba tu hap em Saea i senisim em.

Long namba tu hap, Mendi i paia gen na skoarim wanpela trai we kik bilong gol i karim kaikai. Dispela i bringim skoa i goap long 32-17. Tasol ol Warriors i paia gen wantaim wanpela trai bilong Saea. Saea yet i kikim kik bilong gol long dispela namba tu trai bilong em.

Sampela minit bihain Numapo i skoarim narapela trai gen. Saea i kikim kik bilong gol na Warriors i skuim skoa i go 44-17. Dispela em las trai bilong Warriors.

WAGAMBIE'S

WHIP



Bombers i gat gupela tim tasol

Richard Wagambie em wanpela pilaia planti sapota i amamas tru, bihain long Sauten Son i winim Frans Roosters 26-24.

Richard i gat wanpela poin long soim. Mi ken tok olsem bihain long dispela gem, Richard em i wanpela namba wan senta pilaia long Papua Niugini. Dispela em tingting bilong planti 1,000 sapota.

Mi harim tu olsem sampela nesenel selekta tu i amamasim Richard long gupela gem bilong em. Tasol bikpela kwesten em "bilong wanem as na Richard Wagambie i no stap insait long Kumul tim?"

Sampela pipel i sutim asua long mi long dispela. Mi laik klianim ol dispela lain olsem nem bilong mi em John Pius Wagambie. Sapos yu wanpela man i gat hevi o kros long mi, yu ken kam na stretim wantaim mi.

Richard Wagambie em yupela i mas glasm em long stail na pasin bilong em yet. Na i no olsem brata bilong John Pius Wagambie.

Lae Siti Bombers i pretim stret Mosbi Vipers taim ol i go pas long skoa 18-6 long inta siti resis bilong las wiken.

Beklain bilong Bombers wantaim go pas bilong hap bek Glipu, tupela senta Sinemau na Pat i pretim stret birua taim ol i kisim bal na ran.

Danny Jacob long fulbek i brukim gut tru banis bilong Vipers. I gupela sapos Danny i joinim beklain planti taim long sapotim pilai.

Bombers i lus bikos ol i no strongim gupela sapot pilai olsem long namba 60 minit bilong gem. Na tu ol fowat pilaia i no pilai strong long lukautim go pas bilong ol long skoa bod.

Gem i tanim na i go long sait bilong Vipers taim winga Kini "Taxi" Tani i mekim wanpela "jip kik" i go antap long banis bilong Bombers, na bihain paitim i go antap long het bilong fulbek, kisim ba spit i go skoa.

Dispela em wanpela gupela trai Tani i skoarim long hatwok bilong em yet. Kik bilong gol i karim kaikai na Vipers i ran klostu nau long Bombers 18-12.

Dominic Bre em wanpela yangpela fowat pilaia bilong Mosbi Brothers klap. Em i mekim planti gupela strongpela ran stret. Olgeta tok amamas i mas go long Dominic husat i strongim pilai bilong Vipers.

Luke Andrew i tekova taim yangpela Dominic i sot win. Na Luke i strongim pilai i go inap ful taim.

Bombers i gat wanpela gupela tim. Tasol ol i mas trening long lukautim pilai long ful 80 minit.

Referi bilong Inglen, Morris i lukautim gut dispela gem. Em i sambai long olgeta kona bilong fil, na ketsim ol pilaia husat i laik mekim ol paul trik.

Em i sekim olsem nogat paul pilai i mas kamap long gem. Na tu ol sain em i mekim i klia tru. Mi bilip ol referi bilong mipela i lukim na bai i bihainim.

Tenkyu long gupela referi bilong yu Mista Morris. Mi bilip bai yu mekim wankain pasin long tes gem namel long Frans Roosters na PNG Kumul long Goroka.

Nau yet i gat tripela moa gem i stap long inta siti resis bipo fainal i kamap. Ol Mosbi pilaia husat em tim bilong ol i no go insait long fainal bai i pilaim wanpela gem tasol, na hangampim su.

Ol pilaia em tim bilong ol i go insait long fainal bai i pilaim tupela o tripela gem. Mi bilip dispela kain pasin i no ken kamap long narapela yia.



Difens bai bomim Air Niugini

MOSBI RIPOT

LEO WAFIWA i raitim

I GAT bikpela bilip olsem Hasting Deering Difens bai i winim Air Niugini long bikpela A gret gem bilong Mosbi Winfield Lig resis long dispela wiken.

Tupela tim wantaim i gat bikpela sans bilong winim wanpela bilong top faiv posisen long pilai insait long fainal. Tasol Difens i paia bihain long Air Niugini, na i goap i go antap long 23 poin nau long namba 4 ples.

Na Air Niugini i bin sindaun long namba 5 ples na pundaun i go daun nau long namba 8 ples. Las wiken em i no pilai, bikos em i stap long bye.

Air Niugini i gat bikpela sans yet long go antap long lata. Bikos ol tim long namba 4 ples na go daun i pas nau long poin namel long 23 na 18.

Ol soldia i stat long win i kam inap nau aninit long lukaut bilong kosa Geoff Vincin. Tim bai i kisim fil long dispela wiken aninit long lukaut bilong hap bek Lukas Agi na huka Alex Togola.

Long fowat lain em bikpela Lahui Agi bai i lukautim. Em bai i kisim gupela sapot bilong Patimos na Roy Loitive. Long beklain em Joe Garap bai i lukautim.

Bikpela tingting bilong ol soldia em long winim bek Mosbi primiasip

taitel em ol i bin winim long las yia egensim Twisties Brothers. Na long we Difens i wok long win i kam inap nau, bikpela bilip i stap

olsem dispela driman i ken karim kaikai. Olsem na ol yangpela boi bilong Air Niugini i mas sambai gut. Air Niugini em wan-

pela tim husat i gat planti gupela yangpela pilaia. Na ol i save bungim gut stail wan-taim ol olpela nem pilaia olsem Johnson Tia

long fowat lain na Tony Kila long hap bek posisen. Kila em olpela Kumul hap bek pilaia.

- Kas bilong Danny Moi



• Vipers huka Danny Moi i laik givim bal long wan pilaia bilong em long inta siti gem egensim Bombers las wiken. Danny em wanpela pilaia planti sapota i bilip mas i stap insait long Kumul tim long pilaim Frans Roosters long dispela Sande. Poto: Misako Elemiah.

MOSBI WINFIELD LIG

SATURDAY 6TH JULY 1991

Time	Division	Fixture
9.30	Res	Magani vs Tarangau
11.00	Res	DCA vs Wests
12.30	Res	ANG vs Royals
2.00	Res	Defence vs Kone
3.30	A Gr	Paga vs Hawks

Bye: Brothers

Port Moresby Rugby League Oval No. 2

9.00	U/17	Magani vs Tarangau
10.00	U/17	Air Niugini vs Royals
11.00	U/17	Paga vs Souths
12.00	U/19	Magani vs Tarangau
1.00	U/19	Air Niugini vs Royals
2.00	U/19	Paga vs Souths

Port Moresby Rugby League Oval No. 3

9.00 Rd 12	U/17	DCA vs Wests
10.00 Rd 12	U/17	Brothers vs Waliya
11.00 Rd 12	U/17	Defence vs Kone
12.00 Rd 12	U/19	DCA vs Wests
1.00 Rd 12	U/19	Brothers vs Waliya
2.00 Rd 12	U/19	Defence vs Kone

Bye: Royals

SUNDAY 7TH JULY 1991

Time	Division	Fixture
9.30	A Gr	Souths vs Waliya
11.00	A Gr	Tarangau vs Magani
12.30	A Gr	Kone vs DCA
2.00	A Gr	Wests vs Royals
3.30	A Gr	Defence vs Air Niugini

Port Moresby Rugby League Oval No. 2

9.30	U/21	Magani vs Tarangau
10.45	U/21	Air Niugini vs Royals
12.00	U/21	Paga vs Souths
1.15	Res	Brothers vs Waliya

Port Moresby Rugby League No. 3

9.30	U/21	DCA vs Wests
10.45	U/21	Brothers vs Waliya
12.00	U/21	Defence vs Kone
1.15	Res	Paga vs Souths

Wednesday: Lloyd Robson Oval (10/7/91)

5.00 Rd 16	U/17	Magani vs Waliya
5.00	U/17	Paga vs Souths

Thursday: Lloyd Robson Oval (11/7/91)

CHAMPIONSHIPS POINTS TABLE

TEAM	P	W	D	L	F	A	CH.PTS
Tarangau	18	13	2	3	531	323	28
Wests	18	12	0	6	582	403	24
Brothers	19	12	0	7	448	416	24
Paga	18	11	1	6	498	448	23
Defence	18	9	3	6	559	367	21
DCA	17	9	2	6	374	378	20
Kone	18	10	0	8	414	475	20
Air Niugini	18	8	2	8	475	391	18
Souths	17	7	1	7	321	367	15
Royals	17	6	1	10	370	452	13
Magani	17	5	1	11	318	468	11
Waliya	18	3	1	14	352	589	7
Hawks	17	3	0	14	338	503	5

U21

Brothers	12	8	1	3	146	114	17
Wests	11	7	2	2	180	69	16
Paga	12	7	2	3	175	110	16
Air Niugini	12	6	2	4	128	115	14
DCA	12	6	2	4	150	161	14
Defence	12	6	1	5	157	105	13
Magani	12	6	1	5	122	96	13
Hawks	12	5	2	5	157	168	12
Waliya	12	5	1	6	164	197	11
Tarangau	11	5	1	5	113	137	11
Souths	12	4	1	7	83	152	9
Kone	11	2	2	7	88	119	6
Royals	11	0	2	9	96	216	2

Kumul bai i winim Frans

i kam long pes 1 ekspiriens. Na bai i go pas long ol Roosters long dispela wiken.

Stanley Haru bai i go pas long Kumul tim olsem kepten. Haru em wanpela bilong ol gupela pilaia em stended bilong em i no go daun yet. Na tu em i gat inap ekspiriens.

Fowat lain i gat sampela ekspiriens pilaia olsem Tuiyo Ewei, Joe Gispe na Max Tiri. Long beklain em Ivisa Wanega bai i pilai long fulbek posisen, Arnold Krewanty long wing, na Elias Kamiak long insait senta. Dispela em ol ekspiriens Kumul pilaia.

Tuiyo Ewei em wanpela Kumul tasol husat i daunim liklik strong bilong ol Australian Kangaroos long las yia. Olsem na ol Roosters bai i painim hat long takolim em.

I gat bikpela bilip olsem Kumul bai i winim dispela gem.

Winfield League Results

WINFIELD LEAGUE RESULTS PORT MORESBY - ROUND 20

DEFENCE WON ON FORFEIT HAWKS

KONE 24, 4 tries, 3 goals, 1 penalty goal defeated MAGANI 16, 3 tries, 1 goal, 1 Penalty Goal. Man of the match: SOPA IKO

WESTS 30, 6 tries, 3 goals defeated SOUTHS 14, 3 tries, 1 goal. Man of the Match: ROY HENI

TARANGAU 19, 3 tries, 3 goals, 1 field goal defeated WALIYA 2. Man of the match: DANIEL ERI

ROYALS 34, 6 tries, 4 goals, 1 penalty goal defeated PAGA 20, 4 tries. Man of the match: J. MALALA

BROTHERS 48, 10 tries, 4 goals defeated D.C.A. 14, 2 tries, 2 goals, 1 penalty goal. Man of the match: KULOT KETNA

WINFIELD LEAGUE LADDER Round 19

CLUB	GP	W	D	L	PF	PA	Total points
Tarangau	19	14	2	3	550	325	30
Westis	20	13	0	6	612	417	26
Brothers	20	13	0	7	496	430	26
Defence	19	10	3	6	579	367	23
Paga	19	11	1	7	518	482	23
Kone	19	11	0	8	438	491	22
DCA	18	9	2	7	388	426	20
ANG	18	8	2	8	475	391	18
Royals	18	7	1	10	404	472	15
Souths	18	7	1	8	335	397	15
Magani	18	5	1	12	334	492	11
Waliya	19	3	1	15	354	608	7
Hawks	18	3	0	15	338	523	5

WINFIELD LEAGUE DRAW PORT MORESBY - ROUND 21

DATE	TIME	CLUB	CLUB	
6/7/91	3.30	Paga	vs	Hawks
7/7/91	9.30	Souths	vs	Waliya
7/7/91	11.00	Tarangau	vs	Magani
7/7/91	12.30	Kone	vs	D.C.A.
7/7/91	2.00	Westis	vs	Royals
7/7/91	3.30	Defence	vs	Air Niugini

BYE: BROTHERS
Match of the Round: DEFENCE Vs ANG

30/06/91	2.00 pm	Brothers	vs	DCA
30/6/91	3.30 pm	Pom	vs	Lae

WINFIELD LEAGUE RESULTS MT. HAGEN - ROUND 11

BROTHERS 18, 4 tries, 1 goal defeated TARANGAU 14, 3 tries, 1 goal. Man of the match: CHRIS NANIS

COUNTRY 20, 3 tries, 2 goals, 2 penalty goals defeated NEWTOWN 10, 2 tries, 1 goal. Man of the match: TOM POMBA

HAWKS 14, 2 tries, 2 goals, 1 penalty goal defeated TIGERS 8, 2 tries. Man of the match: JOHN YALYNG

WINFIELD LEAGUE LADDER Round 10

CLUB	GP	W	D	L	PF	PA	Total pts
Tigers	9	7	-	2	244	131	14
Tarangau	9	5	-	4	155	154	10
Hawks	9	5	-	5	140	122	10
Brothers	9	4	1	4	148	178	9
Newtown	9	4	1	4	106	112	9
Royals	8	3	-	5	132	182	6
Country	9	2	-	7	162	205	4

WINFIELD LEAGUE DRAW MT. HAGEN - ROUND 12

DATE	TIME	CLUB	CLUB	
14/7/91	12.30 pm	Brothers	vs	Newtown
14/7/91	2.15 pm	Tarangau	vs	Hawks
14/7/91	4.00 pm	Country	vs	Royals

BYE: TIGERS

Match of the round:

16/7/91	4.00 pm	Country	vs	Royals
---------	---------	---------	----	--------

WINFIELD LEAGUE RESULTS KAINANTU - ROUND 12

PANTHERS 32, 6 tries, 4 goal defeated HAWKS 14, 3 tries, 1 goal. Man of the match: INKARAM TAINPE (PANTHERS)

ROYALS 18, 4 tries, 1 goal defeated TIGERS 4, 1 try. Man of the match: ETAKO TIMETA (ROYALS)

UNITED 25, 4 tries, 3 goals, 1 penalty goal, 1 field goal defeated TARANGAU 10, 2 tries, 1 goal. Man of the Match: PETRUS BEN GOMA (UNITED)

MAGANI 14, 2 tries, 2 goals, 1 penalty goal drew BROTHERS 14, 3 tries, 1 goal. Man of the Match: KOSINA DAFARI (MAGANI)

WINFIELD LEAGUE LADDER Round 12

CLUB	GP	W	D	L	PF	PA	Total points
Panthers	12	8	3	1	189	140	19
Tarangau	12	8	-	4	230	179	16
Brothers	12	6	2	4	143	132	14
Tigers	12	5	1	6	151	164	11
United	12	5	1	6	161	154	11
Royals	12	5	1	6	198	189	11
Magani	12	3	2	7	152	203	8
Hawks	12	3	-	9	120	190	6

WINFIELD LEAGUE DRAW KAINANTU - ROUND 12

DATE	TIME	CLUB	CLUB	
7/7/91	12.00noon	Panthers	vs	Royals
7/7/91	1.26 pm	Brothers	vs	Tarangau
7/7/91	2.52 pm	Magani	vs	United
7/7/91	4.18 pm	Tigers	vs	Hawks

Match of the round:
7/7/91 Brothers vs Tarangau

WINFIELD LEAGUE DRAW MENDI - ROUND 13

DATE	TIME	CLUB	CLUB	
6/7/91	3.10 pm	Magani	vs	Bulldogs
7/7/91	1.50 pm	Royals	vs	Brothers
7/7/91	3.10 pm	Hawks	vs	Tarangau

Match of the round:
7/7/91 3.10 pm Hawks vs Tarangau

WINFIELD LEAGUE RESULTS GOROKA - ROUND 12

HAWKS 26, 5 tries, 3 goals defeated SIANE 18, 3 tries, 3 Goals. Man of the match: EDDIE POKEL (HAWKS)

TARANGAU 28, 5 tries, 4 goals defeated COUNTRY 8, 2 tries, 1 goal, 1 penalty goal. Man of the match: GOSPA AMUTE (TARANGAU)

ROYALS 20 - FORFEIT DARNO

B.V. TIGERS 20, 4 tries, 2 goals defeated A BROTHERS 12, 2 tries, 1 goal, 1 penalty goal. Man of the match: ELWIN RAVU (B.V. TIGERS)

UNITED BYE

WINFIELD LEAGUE LADDER Round 12

CLUB	GP	W	D	L	PF	PA	Til points
Hawks	11	9	-	2	259	205	18
Tarangau	11	7	1	3	270	157	15
Country	11	6	1	4	227	201	13
Tigers	11	6	-	4	213	183	12
Royals	11	6	-	5	218	221	12
Brothers	11	5	-	6	205	204	10
United	10	4	-	6	204	239	8

Siane	11	2	1	8	176	285	5
Darno	10	-	11	0	102	172	1

WINFIELD LEAGUE DRAW Round 13

DATE	TIME	CLUB	CLUB	
91	10.30 am	Darno	vs	Tigers
14/7/91	11.40 am	United	vs	Hawks
14/7/91	12.55 pm	Brothers	vs	Siane
14/7/91	1.55 pm	Royals	vs	Country

Match of the round:
14/7/91 1.55 Royals vs Country

WINFIELD LEAGUE RESULTS MADANG - ROUND 12

BROTHERS 22, 4 tries, 3 goals drew TIGERS 22, 4 tries, 3 goals. Man of the Match: MICHAEL KELA (TIGERS)

HAWKS 26, 5 tries, 3 penalty goals defeated AIR NIUGINI 22, 4 tries, 3 penalty goals. Man of the Match: KATU YAPI (HAWKS)

PANTHERS 28, 6 tries, 2 goals defeated TARAKUM 14, 3 tries, 1 goal. Man of the Match: LANCE TIRAVA (PANTHERS)

TIGERS 22, 5 tries, 1 goal defeated HAWKS 10, 2 tries, 1 goal. Man of the match: PAUL DONA

WINFIELD LEAGUE LADDER Round 12

Clubs	GP	W	D	L	PF	PA	Til points
Panthers	12	7	-	5	248	200	15
Brothers	12	6	2	4	254	279	14
Tigers	12	4	4	4	225	189	12
Tarakum	12	6	-	6	271	288	12
Air Niugini	12	4	3	5	253	222	11
Hawks	12	3	1	8	241	286	7

DATE	TIME	CLUB	CLUB	
7/7/91	4.00pm	Tarakum	vs	Hawks
7/7/91	2.30pm	Panthers	vs	Brothers
7/7/91	4.00pm	Air Niugini	vs	Tigers

Match of the round:
7/7/91 4.00pm Air Niugini vs Tigers

WINFIELD LEAGUE RESULTS WAHGI - ROUND 3

TIGERS 22, 5 tries, 1 goal defeated HAWKS 10, 2 tries, 1 goal. Man of the match: PAUL DONA

Brothers i sindaun long stretpela rot

MOSBI RIPOT
TWISTIES Brothers i sindaun nau long stretpela rot long winim Mosbi Winfield Lig primiasip taitel em i bin lusim long Hasting Deering Difens long las yia.
Wantaim helpim bilong kosa Joe Yore, Brothers i winim nau olgeta gem bilong em long 4-pela wik i go pinis i kam inap nau. Ol tim Brothers i autim pinis em Wes 34-20, Waliya 34-16, Magani 48-16, na las wiken em i autim DCA 48-14.

Las gem Brothers i bin lusim em long han bilong Difens 38-16. Bihain long dispela gem, Yore i senisim gut ol pilaia long stretpela posisen. Na ol i winim olgeta 4-pela gem i kam inap nau.

Long stat bilong sisen propa resis, Brothers i bin paia gut tru na bosim poin lata. Tasol tim i stat long lus taim sampela nem pilaia bilong em i joinim Vipers tim na i no bin pilai.

Sampela bilong ol dispela pilaia em kepten Eri Emei, Weka Lae, Isaac Rop, na Aquila Emil. Eri Emei wanpela nau i pilai long Vipers tim. Ol arapela i lusim tim bikos ol i bungim bagarap.

Las wik kosa Joe Yore i tokim RLN olsem bikipela tingting bilong Brothers nau em long winim 1991 Primiasip taitel. Sampela nem sapota long PRL Klap i tokim RLN tu olsem bikipela tingting bilong ol em long winim dispela primiasip taitel. Em i tru olsem Brothers i sindaun nau long stretpela rot.

Nau yet Brothers i karim 26 poin wantaim Fairdeal Wes. Tasol em i ran bihain long Wes wantaim 26 poin, bikos long gol averes.

Wanpela hevi bilong Brothers long bipo em long beklain. Na tu long putim ol pilaia long stretpela posisen. Wanpela gutpela tenis kosa Yore i mekim em long putim yangpela Ben Bre i

go long hukaposisen (Namba 9).
Bikos yangpela Ben em i wanpela gutpela strongpela "bal rana". Bikos em i save pilai long Namba 8 posisen long fowat yet.

Narapela gutpela pilaia long beklain em K. Ketna. Ketna i save ran olsem smok balus sapos nogat man i holim. Las wiken em i pilaim gutpela gem stret long ausait senta posisen, na i skoarim tupela "run away" trai.

Bikipela birua bilong Brothers em Fairstar Tarangau, Fairdeal Wes na Difens.

Brothers i gat nem long winim Wes na Difens. Tasol em i no winim Tarangau yet.

Long namba wan bung bilong em engensim Tarangau long namba wan raun, Tarangau i winim em long bikipela skoa liklik. Dispela taim em sampela nem pilaia bilong Brothers olsem Weka Lae, Isaac Rop na Aquila Emil i no bin pilai.

Ating nupela stori bai i kamap taim tupela i bung long namba tu raun.

Lukluk long stail bilong pilai, Tarangau, Wes, Difens na Brothers bai stap iusait long fainal 4.



Fred Leo bilong Brothers i givim sisti i go insait kong banis bilong DCA. Brothers i win 48-14. Poto Misako Elemiah.

MAGANI 24, 4 tries, 3 goals, 1 penalty goal defeated TARANGAU 10, 2 tries, 1 goal. Man of the match: PETER ANGELIYE

BROTHERS 8, 2 tries, defeated WEST 6, 1 try, 1 goal. Man of the match: TONY NOIFA

UNITED 24, 4 tries, 4 goals defeated MONDO 14, 3 tries, 1 goal. Man of the match: JIM PENA

WINFIELD LEAGUE LADDER ROUND 3

CLUB	GP	W	D	L	PF	PA	Total points
United	16	12	2	2	264	170	26
Tigers	16	13	0	3	200	242	26
Brothers	14	11	1	2	314	151	23
Tarangau	16	7	1	8	273	230	15
West	15	5	1	9	181	254	11
Hawks	15	3	1	11	192	339	7
Mondo	15	3	0	12	187	861	6
Magani	16	3	0	13	266	280	6

WINFIELD LEAGUE DRAW

DATE	TIME	CLUB	CLUB	
6/7/91	2.40 pm	West	vs	Tigers
6/7/91	4.10 pm	Brothers	vs	United
7/7/91	2.40 pm	Mondo	vs	Tarangau
7/7/91	4.10 pm	Hawks	vs	Magani

Match of the round:
7/7/91 4.10 pm Hawks vs Magani

WINFIELD LEAGUE RESULTS KUNDIAWA - ROUND 2

BROTHERS 8, 2 tries drew SOUTHS 8, 2 tries. Man of the Match: SIPA KUA (BROTHERS)

UNITED 6, 1 try, 1 goal defeated TARANGAU Nil. Man of the Match: JOHN NUGU (UNITED)

HAWKS 12, 2 tries, 2 goals defeated TIGERS Nil. Man of the Match: MOSES KUMAN

BYE: PANTHERS

WINFIELD LEAGUE DRAW KUNDIAWA - ROUND 2

DATE	TIME	CLUB	CLUB	
14/7/91	12.30 pm	United	vs	Panthers
14/7/91	2.15 pm	Souths	vs	Hawks
14/7/91	4.00 pm	Tigers	vs	Tarangau

Match of the round:
14/7/91 4.00 pm Tigers vs Tarangau

WINFIELD LEAGUE LADDER Round 2

CLUB	GP	W	D	L	PF	PA	Total points
Souths	13	9	3	1	105	54	21
Hawks	13	9	1	3	112	60	19
United	13	7	2	3	92	96	16
Tigers	13	7	0	6	86	74	14
Tarangau	13	5	2	6	74	96	12
Panthers	12	4	1	7	60	103	11
Brothers	13	4	1	8	74	101	9

WINFIELD LEAGUE RESULTS LAE - ROUND 11

DEFENCE 18, 4 tries, 1 goal defeated TARANGAU 6, 1 try, 1 goal. Man of the Match: BUCKLEY MAUWE (DEFENCE)

PANTHERS 20, 4 tries, 2 goals defeated MAGANI 18, 3 tries, 3 goals. Man of the Match: CHRIS TAMELA (PANTHERS)

BROTHERS 39, 6 tries, 4 goals, 3 penalty goals, 1 field goal defeated SPIDERS 12, 2 tries, 2 goals. Man of



• Tupela kepten bilong Mosbi Vipers, Kes Paglipari (beksait) na Richard Wagambie i laik takolim wanpela Lae Bombers pilaia. Wagambie wantaim Kes i pilaim gutpela gem stret. Foto: Sape Metta.

Tigers nekim Brothers long Goroka

SAM YAKAM i raitim

BIKPELA gem bilong Goroka Winfield Lig long las wiken i bin kamap namel long BV Tigers na Angco Brothers. Dispela gem i bin kamap long Sande 30 Jun, 1991 long Danny Leahy Oval.

Tigers i pilaim gutpela gem, na i bagarapim sindaun bilong Brothers 20-12.

Namba wan trai bilong Tigers em hap bek pilaia, H. Gomave yet i skoarim. Dispela trai i kamap bihain long em i brukim strongpela beklain banis bilong Brothers. Omena i kikim gut kik bilong gol

o tupela poin, na bringim skoa i goap long 6-0.

Faivpela minit i go pinis na Tigers i mekim wanpela rong long fran bilong tupela gol pos bilong em. Isodor i kikim gut bal long kisim tupela penelti poin, na Brothers i ran bihain 6-2.

Tupela tim wantaim i pilaim strongpela gem wantaim strongpela ran takol. Bikos tupela wantaim i gat ol gutpela pilaia long fowat na beklain wantaim.

Olsem na tain tupela wantaim i wok long sanapim strongpela banis, man ol bun i laik bruk stret.

Bipo long hap taim, I. Gore bilong Tigers i

mekim wanpela strongpela ran, na skoarim wanpela gutpela trai ausait liklik long tupela gol pos. Kik bilong tupela poin i no karim kaikai. Tasol Tigers i go pas moa long skoa 10-2 inap hap taim.

Bihain long hap taim, ol pilaia bilong Brothers i pilaim strongpela gem stret. Na skoarim tupela trai hariap. Dispela i stapim liklik ol Tigers pilaia long skoarim moa trai.

Dispela tupela trai em M. Kone yet i skoarim. Namba wan trai em Kone i skoarim long 5-pela minit i go insait long namba tu hap.

Kone yet i kisim tu tupela kik bilong gol.

Wanpela kik tasol i go insait. Na dispela i helpim Brothers long tekova long skoa 12-10.

Ol Tigers pilaia i kisim narakain tingting nau. Hariap tru ol i bungim tingting na pilai long beklain. I no long-taim ol i salim Seno Eravu i go brukim banis bilong Brothers na skoa.



• Danny Mol bilong Vipers (raithan) i laik takolim wanpela Bombers pilala. Luke Andrew (raithan) husat i winim "Man-of-the-Match" prais long dispela gem i laik saptim Danny. Foto: Misako Elemlah.

Hawks bai pretim Eels

SAM YAKAM i raitim

TRIPLELA moa wik i stap bipo long fainal bilong Morobe Kantri Ragbi Lig i kamap. Na bikpela gem bilong dispela wiken bai i kamap namel long kompetisen lida, Eels na Hawks.

Eels o ol malio i gat bikpela tingting long bekim dinau Hawks i bin givim long ol taim tupela i bung long gem bilong namba wan raun.

Morobe Kantri Ragbi Lig presiden, Kuma Manoba i tok ol malio na Hawks i gat nem long pilaim gutpela gem long Morobe Lig. Olsem na das bai i kirap long 7 Strit Oval taim tupela i bung long namba tu taim.

Long gem bilong las wiken em tupela wantaim i winim long gutpela skoa. Hawks i bagarapim sindaun bilong United 26-12. Na Eels i winim Bulldogs 26-6.

Dispela wiken em taim bilong lukim husat bilong tupela i gat inap pawa long winim gutpela posisen bipo long fainal i kamap.

Eels i mas putim Recharad Jeff long faiv eit posisen bilong lukautim pilai. Na Eddie Mark i mas lukautim pilai long fowat lain wantaim wok bung bilong Gilbert Simion. Long fulbek em Jeff Steven i mas lukautim.

Joel Miri na Philip Ben bai i stap yet long wing sapos Eels i laik ranim skoa olsem wara long winim Hawks.

Long fowat lain yet em Jonah Opa, Joe Makosae na Peter

Waiky bai i lukautim. Na Kaso Moi bai i lukautim lok posisen bilong skram. Ol malio nogut i gat gutpela sans long pretim gut Hawks sapos ol i putim ol pilaia long stretpela posisen.

Hawks i mas mekim wankain senis long lain ap bilong em sapos em i laik strongim win bilong em.

Kepten Ume Oa na faiv eit pilaia, Dick Koi i mas lukautim beklain wantaim helpim bilong ol arapela yangpela pilaia husat i bin putim kamap gutpela gem long las wiken.

Arua Oa i mas pilai long fulbek posisen, na Jonah Meiyo long senta. Peter Mondo yet wantaim Brown Ifai na Wax Avese i mas lukautim ol arapela yangpela fowat pilaia long fran lain. Na setim ol beklain pilaia.

Posisen bilong huka em Jerry Nakam i mas kisim.

Kuma i tok sapos Hawks i stretim lain ap

bilong em gen long dispela wiken, ol i ken daunim strong bilong Eels.

Narapela gutpela A gret gem bilong dispela wiken bai i kamap namel long United na Bulldogs. Bulldogs i mas stretim olgeta asua bilong las wiken, sapos ol i laik kisim dispela isi win long han bilong United.

Nau yet Bulldogs i tingting long putim kamap strongpela gem, na winim wanpela bilong 4 top posisen bipo long fainal, em bai i kamap long tripela wik taim.

Dohn Gibson na Suke lyape bai i lukautim pilai long fowat lain. Na Jonathan Hayour wantaim Sine Maima bai i lukautim pilai long beklain. I gat bikpela bilip olsem Bulldogs bai i winim dispela gem.

Narapela A gret gem namel long Wes na Sharks em bikpela bilip i stap olsem West bai i winim.

MOROB KANTRI LIG

A GRET POIN LATA

Eels	18
Wes	18
Souths	18
Hawks	16
Bulldogs	12
Mosquitoe	8
Sharks	4
United	0



Norths i paia long Wau

NORTHS i bagarapim sindaun bilong Toranga Tigers 16-10 long Wau Bulolo Ragbi Lig resis long las wiken, Sande 30 Jun, 1991.

Kepten Dickson Pokana yet i bin skoarim namba wan trai bihain long 6-pela minit i go insait long namba wan hap bilong pilai. Pokana yet i kikim kik bilong gol. Tasol kik i no karim kaikai, na Norths i goap pas long skoa wantaim 4-pela poin tasol.

Ol Tigers pilaia i luksave long tingting bilong Norths long winim dispela gem. Olsem na ol i ogenaism ol yet, na sanapim strongpela banis stret long beklain na fowat lain wantaim ol strongpela takol.

I no longtaim ol beklain pilaia i bungim stail na salim kepten William Kennedy i go skoarim namba wan trai bilong ol klostu long tupela gol

pos. Em yet i no kikim gut kik bilong gol, na ol i pas long skoa 4-4.

Klostu long pinis bilong namba wan hap, Norths i kisim wanpela penelti kik na bringim skoa i goap 6-4 bipo long hap taim.

Dispela penelti gol i givim bikpela het pen stret long ol beklain pilaia bilong Tigers.

Tigers i luksave long rong bilong ol na stat long sanapim strongpela banis. Rex Tiga, William Kennedy na Elias Vitata yet i bin go pas long givim strongpela takol long ol Norths pilai. Ol i kisim gupela sapat stret long ol arapela yangpela pilaia.

Long dispela gutpela bung pilai na ol i salim ausait senta, Elias Vitata i go skoarim namba tu trai bilong tim. Max Auro i no kikim gut kik bilong i go moa long pes 7

Skul bois bai opim Tes Gem long Goroka

IAN KAKARERE i raitim

MOA long 10,000 manmeri bai i kamap long Goroka Danny Leahy Oval long lukim bikipela Tes Gem namel long Papua Niugini Kumul na Frans Roosters long Sande 7 Julai, 1991.

Bipo long dispela Tes Gem, wanpela gutpela gem bilong skul bois ragbi lig bai i kamap namel long Kiunga na Isten Hailans. Dispela gem bai i kamap long opim bikipela Tes Gem ya.

Ol boi bilong Kiunga bai flai i go long Goroka long Fonde 4 Julai, 1991 long pilai egensim Isten Hailans skul bois tim.

Kosa bilong Kiunga skul bois tim, Sutherland Yore i tok ol boi bilong Kiunga i nogat wanpela tingting bilong win o lusim dispela gem.

Bikipela tingting bilong ol em long lainim na yusim ol nupela save ol i gat bilong pilai ragbi. Na tu bilong bungim na kamapim gutpela pren wantaim ol arapela pilaia, em i tok.

Yore i tok gem ya bai i gutpela tru. Bikos ol yangpela blut bilong Isten

Hailans tu i gat wankain tingting.

Yore i tok wokabout bilong ol manki i go long arapela hap long pilai bai i kirapim gutpela tingting, na pusim ol studen long stadi strong long skul.

Planti manki bilong Kiunga i no save lusim provins na go long ol arapela taun na siti. Olsem na dispela pilai raun bilong ol i go long Isten Hailans provins bai i kirapim tingting bilong ol long skul gut. Na kisim gutpela mak, bai ol i ken go aut long lukim ol arapela ples.

Yore i tok planti manmeri bilong Isten Hailans na arapela provins husat i stap long Danny Leahy Oval long lukim dispela gem namel long PNG Kumul na Frans Roosters bai i amamas long sindaun na lukim sampela gutpela, na nupela stail bilong ragbi lig ol skul bois bai i pilaim.

Yore i pinisim tok olsem skoa bilong Skul Bois ragbi lig em i no bikipela samting we ol i putim kamap dispela resis. Pasin bilong mekim pren long spot "spotmansip" em i bikipela samting bilong skul bois ragbi lig resis.



• Danny Moi wantaim wan pilaia i laik pinisim stret takol long wanpela Lae pilaia. Kepten bilong Bombers, Michael "Milo" Matmilo i ran i kam long sapotim pilaia bilong em. Foto: Sape Metta.

Inglen referi lukautim gut gem

PLANTI referi bilong Mosbi Winfield Lig resis i mas kisim sampela skul pinis long referi Colin Morris bilong Inglen. Morris i bin lukautim SP Inta Siti gem bilong Mosbi Vipers na LBC Lae Siti Bombers long las wiken gut tru.

Morris i kam long Papua Niugini long lukautim bikipela Tes Gem namel long PNG Kumuls na Frans Roosters. Dispela intanesenel gem bai i kamap long Goroka long Sande 7 Julai, 1991.

Morris i lukautim gut tru gem bilong Vipers na Bombers. Ol sapota i bilip olsem sampela referi i mas luksave pinis long we Morris i lukautim dispela gem, na bai i bihainim long dispela wiken.

Morris i lukautim tru laip bilong olgeta 26 pilaia long fil. Sapos wanpela pilaia i kisim bagarap, em bai i stapim gem, na go sekim pilaia ya pastaim. Na bihain statim pilai gen.

Long ai bilong em, sapos yu laik pait, sore tru olsem bai yu givim penelti long narapela tim. Namba wan taim em i givim penelti long Vipers we Andrew Kuno i laik paitim kepten Kes Paglipari.

Long namba tu hap, em i go insait namel long Kes wantaim Kuno na stapim tupela. Sem taim pilai i go yet. Tasol em i no abrusim ai long bal.

Long rul bilong pilai em ating planti samting ol lokol referi i mas luksave pinis. Hia em sampela rul we Morris i



• Referi Morris bilong Englen i apim han na givim penelti long Vipers. Bikos Andrew Kuno bilong Tigers i laik pait wantaim Vipers kepten, Kes Paglipari husat i sanap long lephan.

bin yusim:

• Pilaia husat i kikim bal pinis na birua i kam pamim o takolim em i pundaun, em bai givim

penelti long pilaia husat i kikim bal.

Wankain tu long pilaia husat i setim narapela

pilaia. Yu setim narapela pilaia pinis, na "let takol" i kamap, tim bilong yu bai i kisim penelti.

Nogat A gret gem long wiken

... tasol Hawks i ranawe go pas long lata

GOROKA RIPOT

LEO WAFIWA i raitim

GOROKA Winfield Lig bai i no inap pilaim ol A gret gem bilong em long dispela wiken. Bikipela as bilong dispela em long Tes Gem namel long Papua Niugini Kumul na Frans Roosters.

Dispela intanesenel gem bai i kamap long Sande 7 Julai, 1991 long Danny Leahy Oval.

Olgeta A gret gem bai i kamap gen long narapela wiken.

Long 9-pela tim resis em 6-pela tim i pilaim pinis 11-pela gem. Ol dispela tim em kompetisen lida

Hawks, Tarangau husat i ran bihain wantaim 15 poin, Country husat i ran bihain long namba tri ples wantaim 13 poin, Tigers long namba 4 ples wantaim 12-pela poin, Royals long namba 5 ples wantaim 12-pela poin, Brothers long namba 6 ples wantaim 10-pela poin, na Siane long namba 11 ples wantaim 5-pela poin (Lukim pes 4 na 5)..

Tupela tim husat i pilaim 10-pela gem tasol em United na Darno. United i sindaun long namba 8 ples wantaim 8-pela poin. Na Darno i ran las long lata wantaim wanpela poin tasol.

Nogat inta siti gem long dispela wiken

DISPELA wiken bai i nogat gem bilong 1991 SP Inta Siti Kap resis. Bikipela as bilong dispela em long bikipela Tes Gem namel long nesenel tim bilong kantri Frans, Roosters na PNG Kumul.

Dispela intanesenel gem bai i

kamap long Goroka long Sande 7 Julai, 1991.

Bihain long dispela wiken bai inta siti resis i stat gen long neks wik. Bipo long neks wiken bai i gat tripela moa gem i stap yet. Na bihain long dispela gem bai falnal i stat.

Norths i paia long Wau

i kam long pes 6

gol o tupela poin, na ol i ran bihain 8-6.

Ol fowat pilaia bilong Norths i no amamas nau. Bikos Tigers i tekova pinis long skoa. Olsem na strongpela fowat pilaia, Sam Michael i pasim ai, na mekim wanpela strongpela ran stret i go insait long banis bilong Tigers na skoa. Em i skoa aninit long tpela gol pos stret.

Fulbek Pokana i kisim tupela poin, na Norths i tekova long skoa 12-8. Na samting olsem 10-pela minit i go pinis, na studen bilong Wau haiskul, Simbo Bill i skoarim las win trai bilong Norths. Pokana i no kikim gut kik bilong tupela poin. Tasol Norths i

goap moa long skoa 16-8.

Faipela minit bilong pilai i stap yet na ol Norths pilaia i mekim wanpela asua aninit long gol maus bilong ol yet. Dispela i givim sans liklik long Tigers long stretim skoa.

Penelti kik i karim kaikai, tasol Norths i winim dispela gem 16-10.

Narapela gutpela A gret gem i kamap namel long Raiders na Roosters. Ol Roosters pilaia i pilaim gutpela strongpela gem. Tasol Raiders i bagarapim sindaun bilong ol 20-16 long las minit.

Roosters i gat nem nau long pretim ol top insait long Wau Bulolo Ragbi Lig resis.



Luke Andrew wantaim wan pilaia (Namba 12) i laik holim pasim dispela Bombers pilaia. Poto: Sape Metta.

Wopa Tigers i nekim ol plisman

ROYAL i lusim gem bilong ol namba wan taim long han bilong Wopa Tigers. Dispela em long taim tupela i bung long bikpela gem bilong Lae bilong Lae Winfield Lig resis long Sande 30 Jun, 1991.

Tigers i winim dispela gem tripela de bihain long indai bilong wanpela strongpela sapota bilong klap, John Blandie Cassey. John i bin dai long Trinde 26 Jun, 1991.

Pikinini bilong John em Julius. Julius Cassey em wanpela biknem pilaia bilong klap, na Lae Winfield Lig resis wantaim.

Royals long narapela sait i lusim kosa, Paul Monama na ol arapela nem pilaia bilong em. Ol dispela pilaia i stap insait long Noten Son tim. Ol i bin pilaim egensim Frans Roosters long Trinde 3 Julai, 1991 long Madang.

Ol Tigers pilaia i givim strongpela salens stret long Royals. Long stat bilong pilai, hap bek bilong Royals, Andrew Joe na Hane Kunda bilong Tigers i tromoi han liklik.

Referi Matthew Himsa i salim tupela wantaim long sin bin, na givim penalti long Royals. Dispela i helpim Royals long resistarim tupela namba wan poin long skoa bod.

Tasol Tigers i bungim tingting wantaim na salim Andrew Raper, husat i tromoi bal i go olgeta long Mesulum Kubul long skoarim wanpela trai.

Na 7-pela minit bihain, Larry Pala i kisim wanpela "lus bal" long beklain, brukim banis na tromoi i go long fulbek Wesley Matawa husat i kam joinim beklain pinis. Matawai i tromoi bal i go olgeta long Peter Kone, na Kone i skoarim namba tu trai bilong Tigers.

Tasol Royals i kisim wanpela penalti kik na bringim skoa i go antap klostu long Tigers 10-4. Wanpela kik bilong gol tasol i karim kaikai. Na dispela skoa i stap olsem inap hap taim.

Long namba tu hap, Joshua Dia bilong Royals i pulim bal aninit long han bilong kepten Julius Cassey. Referi Himsa i givim penalti i go long Tigers. Cassey i kikim gut kik bilong tupela poin, na skruim moa skoa bilong Tigers i go antap long 12-4.

Sampela minit bihain, winga Kubul i holim bal bihain long skram na ran 22 mita olgeta long skoarim namba tri trai bilong Tigers. Em yet i kikim gut kik bilong tupela poin, na Tigers i go pas moa long skoa bod 18-4.

Gem i kamap strong long tupela sait wantaim nau. Tasol Tigers i wok long paia yet. Bihain long namba 5 takol, Pivot Raper bilong Tigers i salim bal isi tasol i go long han bilong winga John Bodger. Bodger i givim sisti i go na skoarim namba 4 trai bilong Tigers.

Long dispela taim yet referi Himsa i salim Nick Rop bilong Royals i go long sin bin. Bikos em i pait insait long fil.

Ongeng i sutim tupela poin i go insait na Tigers i go longwe nau long skoa 24-4. Dispela skoa i kamapim bikpela hetpen stret long ol pilaia bilong Royals.

Ol pilaia bilong Royals i no pilaim gutpela gem. Planti pilaia i no holim na pasim bal gut long ol yet.

Na samting olsem 4-pela minit tasol i stap, na ol i skoarim las trai bilong ol.

Terry Gawi i kisim taim na kikim gut kik bilong tupela poin. Na ol i ran bihain 24-10. Tasol Tigers i skoarim wanpela moa trai long bringim skoa i goap long 30-10 inap fultaim.

Ol pilaia bilong Tigers husat i pilaim gutpela gem em Martin Bingeding, Andrew Sammy, Sape Wapo na Yankee Gadafi. Na Terry Gawi, Henio Nema, Andrew Augwi, na Anthony Gants i bin pilai strong long sait bilong Royals.

Wopa Tigers paia nau

SAM YAKAM I raltim

WOPA Tigers i trening nau aninit long nupela kosa, Sonny Rongnuma. Dispela em long taim olpela kosa, Simon Elap i lusim Lae na i go long Rabaul.

Rongnuma i holim Level Wan kosa setifiket. Nau yet em i traim hat long bringim Tigers i goap long A gret poin lata bilong Lae Winfield Lig resis.

Menesa na ekting presiden bilong klap, Andrew Sydney i tokim RLN olsem Rongnuma i bin putim bikpela hat wok long trening Tigers. Na dispela i kamapim sampela gutpela bekim long namba tu raun bilong sisen propa resis.

Olgeta gem bilong raun tu em Tigers i winim tasol. Dispela em long taim Rongnuma i trening tim i kam inap nau. Olgeta dispela trening i stap aninit long lukaut bilong menesa na ekting presiden yet.

Sydney i tok olgeta A gret pilaia i putim kamap 7-pela de bilong trening. Bikos sponsa bilong ol, Morobe Beker i bin tokaut olsem em bai i rausim sponsasip mani bilong em, sapos Tigers i stap yet long namba 6 o 7 ples long poin lata.

Nau yet Sydney na Rongnuma i wok bung wantaim olgeta pilaia long bringim stended bilong gem i goap.

Taim raun tu i stat, Tigers i stat long winim olgeta tim. Las wik Sande ol i putim kamap strongpela gem, na daunim strong bilong ol plisman bilong Royals 30-10.

Sydney i mekim bikpela tok amamas i go long Morobe Beker Kampani long givim sampela moa mani bilong baim ol pilaia. Nau yet wan wan A gret pilaia i save kisim K30 sapos tim i winim gem.

Sydney i tok dispela mani i mekim ol pilaia i amamas. Na i putim kamap strongpela gem long resis bilong raun tu nau.

Las wik jenerel menesa bilong Morobe Beker Kampani, Gil Chris i amamasim 17 A gret pilaia bihain long gem. Win mani bilong las wik i goap long K70.

Bikos ol boi bilong Wopa Tigers i putim kamap gutpela gem stret long daunim strong bilong Royals. Sydney i salim bikpela tok tenkyu i go long Morobe Beker long gutpela sapot.

Em i tok dispela mani bai i pusim ol pilaia bilong Tigers long putim moa taim bilong ol long trening. Nau yet Tigers i stap long namba 3 ples bilong poin lata.

Bikpela tingting bilong olgeta pilaia nau em long daunim Panthers, na salensim Difens long namba tu ples. Panthers na Difens i ran pas nau long poin lata bilong Lae Winfield Lig resis.



• Jack Uradok bilong Vipers i bungim strongpela takol bilong Bombers, na i laik pilaim bal. Uradok i skoarim wanpela trai bilong Vipers em vais kepten, Richard Wagamble i setim em. Poto Misako Elemiah.

Winfield League '91

NAU TUPELA SINDAUN NA KUKIM
KAIKAI NA STORI I STAP...

INO LONG TAIM NA HENRI I KIRAP...
EM LAIK GO LONG TOILET NA HARIM
TUPELA MAMA I TOKTOK I STAP...

EM HARIM NEK BILONG GLENDA
NA EM BELHAT NOGUT TRU...



EM RON I GO AUTSAIT NA HOLIM
NEK BILONG GLENDA...

MAMA BILONG HENRI I BIKMAUS
NA PAITIM HENRI WANTAIM BANA-
NA LONG HET BILONG EM...

WANTU HENRI LUSIM GLENDA
NA GO INSAIT...



PERSONAL LOANS

Husat i halivim yu long kisim ol samting
yu laikim tru?


Sapos yu laikim nupela ka
o ol samting bilong
haus, PNGBC ken givim
yu dinau long baim ol
dispela samting.

Yu mas gat gutpela wok
na sampela seving
long haus moni.
Na i no hat tumas long
bekim dispela dinau.

Askim long haus moni bilong PNGBC.
Bai mipela halivim yu long
kisim ol samting yu laikim emi tru!







REBO NA AUUDA



OL SAVEMAN BILONG BISNIS YUSIM OL!

Lister



Brian Bell Stores




• BOROKO — 25 5411
 • LAE — 41/3377
 • GOROKA — 72 1098

• MT. HAGEN — 52 1999
 • RABAUL — 92 1966

Phantom







Flash Gordon



MICKEY MOUSE

Walt Disney





BENSON
and
HEDGES



*Government Warning
Smoking is Dangerous to Health*

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.